

लूकाइ फ्ह्रिबै येशू ख्रीष्ट उँडैले खबै सैं तोंबै ताँ

११११११ १११११ १११११११ ११११

चु कितब फ्ह्रिबै म्हि लूका ग। लूका पावलने बा-बालुन् प्रबै थु मुँल। बाइबल फ्ह्रिबै म्हिमैं न्होरि चु मत्त्रे यहूदी म्हि आडिं। लूका मै लबै डाक्टर नेरो ल्हें खेबै म्हि मुँल।

फ्ह्रिबै कल्हयो: रोम सहर मुँलै।

फ्ह्रिबै त्हे ई. सं. ६४ साल, अथवा बि. सं. १२७ सालजरे ग।

फ्ह्रिबै ताँ: लूकाइ चु सैं तोंबै ताँ फ्ह्रिमा येशू इस्राएली म्हिमैंए ल्हागिर नेरो अरू ताँन् हेंबैं म्हिमैंए ल्हागिर जोगेमिबै म्हि तम् बिसि उँडैमुँ। चु कितबबैं मुख्य ताँ आयोँबैने सैं तोंबै ताँ बिद् बिसि परमेश्वरजी येशू कुल्मिंड बिसि लूकाइ फ्ह्रिइमुँ। अझै तोइ सैलैया खाँचो तबै म्हिमैं प्रभु येशूजी ल्हयो खबै ताँमैं चु कितबरि मुँ। चु कितबर सैं तोंबै ताँ तो मुँ बिस्याँ ओँसोंबै पाठर येशू फिबै बारेर धै लिउँडैबै पाठर येशू स्वर्गर ह्याबै ताँ मुँ। चु कितब तिगोन् मुख्य ताँ प्लि फ्ह्रिइमुँ:

१. प्राथना लब,

२. परमेश्वरए पबित्र प्लह,

३. च्मिरिमैंइ येशूए सेवा लब,

४. परमेश्वरजी खीए फिर बिश्वास लबमैंए पाप क्षमा पिंब।

येशू धबै स्वर्गर ह्याबै लिउँडै ताँन् कल्हयोजरेबै म्हिमैंइ प्रभु येशूए फिर बिश्वास लबै बारेबैं ताँमैं या लूकाइ “कुल्मिंबै चेला चिबमैंए केमैं (पेरित)” बिबै कितबर फ्ह्रिइमुँ।

चु कितबबैं मुख्य ताँमैं

ओंसोंबै ताँ १:१-४
 बप्तिस्मा पिबै यूहन्ना नेरो येशू फिब धै कोलोर्बै ताँ १:५ —
 २:५२
 बप्तिस्मा पिबै यूहन्नाइ लबै के ३:१-२०
 येशूजी बप्तिस्मा किबै लिउँइ दुष्टइ जाँच लब ३:२१—४:१३
 येशूजी गालील ह्युलरि के लब ४:१४—९:५०
 येशू गालील ह्युलउँइले यरूशलेमर ह्याब ९:५१—१९:२७
 येशूजी यरूशलेमर परमेश्वरए ताँ लोमिंब नेरो म्हिमैइ
 येशूलाइ कहासि सैवाब १९:२८—२३:५६
 येशू सिबउँइले धबै सोसि रेखब, चेलामैने त्होब धै स्वर्गर ह्याब
 २४:१-५३

??????????

- 1 ओ चिब थियोफिलस छयाज्यालो मुँ!
डचोए म्हाँजोरि तो-तो केमै तइ बिसि ल्हें म्हिइ फ्हिल ।
- 2 ओंसों ओनोंन् चु ताँन् ताँ म्त्रोब नेरो येशूउँइले खबै सैं तोबै ताँ
बिमिबै म्हिमैइ च ताँमै डचोलाइ सेल् पिल । छतसि चमैउँइले ल्हें
ताँमै योसि म्हिमैइ फ्हिना ।
- 3 छतमा डज्यै या चु ताँन् के ओंसों ओनोंन् खैले तइ बिसि
छेन्ले मैसि किहए ल्हागिर ओंसोंउँइले लिउँइ समा तबै ताँमै तों
फ्यार्ले फ्हिब ठिक तलै इहाँसि फ्हिइमुँ ।
- 4 म्हिमैइ किहने ओंसोंन् लोमिंबै ताँमै क्होंसेन् तना बिब किहइ
अझै छेनाले सेरिगे बिसि डइ चु ताँ फ्हिइमुँ ।

??????????

- 5 यहूदीया ह्युलर्बै हेरोद मुँए पलोर चु केमै तखइ । यहूदीमैए
म्हाँजोर जकरिया बिबै खो पिबै खेगि घि मुँल । च स्योम्बै अबिया

बिबै खो पिंबै खेगिए खलकबै म्हि मुँल। चए फ्हेंस्योए मिं इलिशिबा मुँल। इलिशिबाए आबा या खो पिंबै खेगि मुँल।*

6 चमैं डिहंइ परमेश्वरए उँइर ठिक के लमल धै परमेश्वरए तामें डिंसि ठिमर बिबू धोले छेनाले प्रमल।

7 इलिशिबा थरि मुँल। छतसि च्ह-चमिं तोइ आरेल। च्हौ मत्त्रे आडिंना, चमैं डिहंना-डिहंन् खिबू माँबू तयाल।

8 तिगें जकरियाल मन्दिरर खो पिंबै पलो तल। छतसि चइ खेगिए के लरिल।

9 खेगिमैए रोस अनुसार चिट्टा झोंमा परमेश्वरए मन्दिर न्होर होंसि धुप झोंबै के जकरियाए मिर फेइ।

10 चइ न्होर धुप झोरिमा बैरुबै म्हिमैं परमेश्वरने प्राथना लरिल।

11 च त्हेर्न परमेश्वरए स्वर्गदूत घि धुप झोंबै क्ल्ह्योए क्योलोउँइं रारिबू मोंसि

12 जकरिया बेल्ले आदिदिसि डिहंयाँइ।

13 दिलेया स्वर्गदूतइ चने बिइ,

“ओ जकरिया, किह आडिहंन्!

तलेबिस्यौं परमेश्वरजी किहए ताँ थेइमुँ।

तारे किहए फ्हेंस्यो इलिशिबाइ च्ह घि फिबुँ,

च च्हए मिं किहइ यूहन्ना थेंन्।

14 च्ह फिबइले किह बेल्ले सैं तोँबुँ।

धै अरू ल्हें म्हिमैं या सैं तोँबुँ।

15 तलेबिस्यौं च च्ह परमेश्वरए उँइर थेब तबुँ।

चइ फ्हा नेरो अरू म्हेरबै सैमैं खोंयोँइ थुरिब आरे।

च आमाए फोउँइलेन् परमेश्वरए पबित्र फ्हजी प्लिंबुँ।*

16 चइ इस्राएल हेंबै ल्हें म्हिमैलाइ खेमैए याहवेह परमेश्वर डाँइ एपखबुँ।

17 परमेश्वरजी एलिया अगमबक्तालाइ शक्ति पिंब् धोलेन्
 किहए च्हज्यै या पबित्र प्न्ह नेरो शक्ति योम्भुं ।
 छतसि चइ आबामै नेरो च्ह-चमिए म्हाँजोर किह्मिंभुं,
 धै परमेश्वरजी बिब् आडिंभैलाइ छ्याँबै घ्याँर डारेभुं ।
 छले परमेश्वरजी कुल्मिंभै म्हुं म्हाँदिबै ल्हागिर चइ म्हिमै तयार
 लभुं ।”☆

18 दिलेया जकरियाइ स्वर्गदूतने बिइ, “ड खेब् तयाल् खाँइ,
 डए माँबै या माँब् तयाइमुं । छतसि डिइ च्ह योम् बिसि खैले
 क्वेंब?”

19 स्वर्गदूतइ बिइ, “ड गब्रिएल ग । ड परमेश्वरए उँइँर रारिम् ।
 किहने ताँ लबर नेरो चु सैं तोंबै ताँ बिद् बिसि परमेश्वरजी डलाइ
 कुलब् ग ।”☆

20 दिलेया डइ बिबै ताँ किहइ आक्वेसेरो किह लडा तभुं । चु ताँ
 पूरा आतन् समा किह पॉल् खाँरिब् आरे । डइ बिबै ताँ ठिक त्हेर
 खैले बिलेना पूरा तभुं ।”

21 छ तरिमा बैरु खागु तबै म्हिमै जकरिया पैंरिल । जकरियाइ
 मन्दिर न्होर कहैल् लबइले म्हिमै प्लेटोयाल ।

22 लिउँइँ जकरिया बैरु त्होँयुमा च म्हिमैने पॉल् आखाँसि योइ
 हस्ता लइ । छतमा मन्दिर न्होर चइ स्वर्गदूत म्गोना बिबै ताँ बैरुबै
 म्हिमैइ सेइ ।

23 झाइले जकरियाइ खेगिए के लल् खाँसि ह्त्रोँसए धिर ह्याइ ।

24 च लिउँइँ चए प्हेँस्यो इलिशिबाइ फ्से नोइ । धै म्हेँन इहल्
 समा धिर्न लोसि टिरिमा चइ बिइ,

25 “म्हिमैए उँइँर ड हेल् आतरिगे बिसि डए फिर ल्हयो खसि
 परमेश्वरजी डलाइ फ्से नोल् पिंइमुं ।”

2222222222 22222222 22222 22222 22222
 2222222222 22222222

26 इलिशिबाइ फ़से नोबै म्हैन टहुलर परमेश्वरजी गब्रिएल स्वर्गदूत गालील ह्युलबै नासरत बिबै नाँसर कुल्मिंड।

27 च नाँसर मरियम बिबै कन्ये घ्रि मुँल। च स्योम्बै दाऊद मुँए कुलबै योसेफ बिबै म्हिइ ब्या लब् बिसि ह्निथेंल। परमेश्वरजी गब्रिएल स्वर्गदूत मरियम डाँर कुल्मिंड।✧

28 गब्रिएल स्वर्गदूत च डाँर युसि बिइ, “ओ नानि, च्मिरिमें न्होर किह बेल्ले इहो सब मुँन। तलेबिस्योँ परमेश्वर किहने बालु मुँ, छत्रसि खीजी किहए फिर आशिक पिंडमुँ।”

29 स्वर्गदूतइ बिबै ताँ थेसि मरियम बेल्ले डिहंसि “डने तले छ विगे? चुइ बिल् म्हैब तो मुँगे?” बिसि मैबर होइ।

30 धबै स्वर्गदूतइ मरियमने बिइ,
“ओ मरियम, किह आडिहंन्!

तलेबिस्योँ परमेश्वरजी किहए फिर ल्हयो खइमुँ।

31 थेद! तारे किहइ फ़से नोसि च्ह फिब्मुँ।

किहइ खीए मिं येशू थेंन्।✧

32 खी बेल्ले कालदिब तब्मुँ।

धै ताँन् म्हिमैइ खीलाइ धाँसे थेबै परमेश्वरए च्ह विब्मुँ।

खीए खे दाऊद धोले परमेश्वरजी खीलाइ मुँ लमिब्मुँ।

33 याकूबए कुल इस्राएली म्हिमैए फिर खीजी खोयोन् बिलै ग्याल्स लब्मुँ।

खीए ग्याल्स खोयोँइ म्हरिब् आरे।”✧

34 दिलेया मरियमइ स्वर्गदूतने बिइ, “ड कन्ये ग। डइ खैले च्ह फिमुँ?”

35 स्वर्गदूतइ चने बिइ,

“पबित्र फ़्ह किहए फिर युब्मुँ,

✧ 1:27 1:27 ०:१८ ✧ 1:31 1:31 ०:२१ ✧ 1:33 1:32-33 ० ०००

०:१२-१३,१६; यशै ९:७

धै तान् भन्दा थेबै परमेश्वरए शक्तिए छरिउँडैले किहइ फहसे
नोब्मुं ।

छतसि किहए फहसे पबित्र तब्मुं,
म्हिमैइ खीने परमेश्वरए च्ह बिब्मुं ।

36 च्हौ मत्त्रे आडिं,
किहए नातो न्होबै आना इलिशिबा माँब् तबै त्हेरै या फहसे
नोइमुं ।

तारे चइ फहसे आफि, थरि तयाइ बिसि म्हिमैइ बिमल ।
दिलेया चइ फहसे नोसि तोगो म्हेन टहुल् तइमुं ।

37 तलेबिस्याँ परमेश्वरजी लल् आँखाँबै सै तोइ आरे ।”☆

38 झाइले मरियमइ बिइ, “ड परमेश्वरए के लबै च्हमिरि
ग । किहइ बिब् धोले डए छहर तरिगे ।” च लिउँडै स्वर्गदूत
मरियमउँडैले ह्याइ ।

????? ?????????? ??????????

39 स्वर्गदूतए ताँ थेसि मरियम आतुरले यहूदीया ह्युलबै कौर
मुँबै नाँस घिर ह्याइ ।

40 च जकरियाए धिंर होंसि खीए आना इलिशिबालाइ
छयाज्यालो लइ ।

41 मरियमइ छयाज्यालो बिब इलिशिबाइ थेमा चए फो न्होबै
कोलो ओलेइ, च तोदोन् इलिशिबा पबित्र प्लहजी प्लियाँड ।

42 झाइले इलिशिबाइ थेबै कैले मरियमने बिइ,
“ओ नानि, च्हमिरिमैं न्होरि किहइ बेल्ले आशिक योंडमुं,
धै किहए फोबै कोलोलाज्यै या परमेश्वरजी आशिक पिंडमुं ।

43 किह डए प्रभुए आमा तसेया
ड डार खबइले ड बेल्ले इहो सब तइमुं ।

44 तलेबिस्याँ किहइ हुइब डइ थेबै तोदोन्

डए फोर्बे कोलो सैं तोंसि ओलेइ ।

45 परमेश्वरजी क्हिने बिबै ताँमैं पूरा तब्मुं बिब् क्वेंसि
क्हिह बेल्ले इहो सब् तइमुं ।”

ॐॐॐॐॐॐ ॐॐॐॐॐॐॐॐॐ ॐॐॐ ॐॐॐॐॐॐ

46 झाइले मरियमइ बिइ,

“डए सैं न्हों उँइले परमेश्वरए मिं क्वेमुं ।

47 डलाइ जोगिमिंबै परमेश्वरने बालु ड बेल्ले सैं तोंम् ।

48 तलेबिस्याँ ड धों तबै आह् आसेबै ह्नोंसए केब्स्योए फिर खीजी
ल्हयो खसि इह्योइमुं,

तारे पिरु ताँन् म्हिमैंइ डने ‘इहो सब् मुँन,’ बिब्मुं ।*

49 तोन्दोरि लमिंल् खाँबै परमेश्वरजी डए ल्हागिर बेल्ले थेबै के
लमिंइमुं ।

खीए मिं पबित्र मुं ।

50 खीए मान लब्मैंए पुस्ता-पुस्ताए फिर खीजी ल्हयो खम् ।

51 खीजी ह्नोंसए भोंबै योजी थेबै केमैं लइँमुं,

सैं न्हों-न्हों छुलम् छुलम् बिसि थेब् फ्रैब्मैंलाइ सग्याँ-फ्हुग्याँ
लवाइमुं ।

52 खीजी थेब् फ्रैबै मुँमें चमैंए राजगद्दिउँइले तवाइमुं,
आयाँ आख्युब्मैंलाइ कैडो लमिंइमुं ।*

53 फो खेंब्मैंलाइ खीजी लिंबै सैमैं चल् पिंइमुं,

दिलेया प्लोब्मैंए यो बिस्याँ खीजी क्होतेन् लसि एमिंइमुं ।

54 परमेश्वरजी डचोए खेमैंने फैबै बाछ्छा पूरा लसि

ह्नोंसलाइ म्हांदिबै इस्राएलीमैं ल्होबर खी युइमुं ।

55 डचोए खे अब्राहाम नेरो खीए कुलबै सन्तानमैंने

खीजी खोंयोन् बिलै ल्हयो खरिम् ।”**

* 1:48 1:48 000 0:११ * 1:52 1:52 000 0:११; १२:१९ * 1:55 1:46-55 0

000 0:१-१० * 1:55 1:55 00 00:७

- 67 जकरिया पबित्र प्लहजी प्लिसि अगमबाणि पोंबर होंइ,
 68 “इस्राएलीमैइ म्हांदिबै परमेश्वरए मिं थेब तरिगे।
 तलेबिस्याँ ह्रोंसए म्हिमै जोगेमिंबै ल्हागिर खी युइमुँ।
 69 खीजी दाऊद मुँए कुलर डचो जोगेमिंबै ल्हागिर
 थेबै शक्ति मुँबै मुक्तिदाता कुल्मिंडमुँ।
 70 खीजी चु ताँ स्योम् ओनोन् ह्रोंसए पबित्र अगमबक्ताए
 सुँउँइले पोल।
 71 खीजी डचोए शत्तुरमै नेरो
 डचोए फिर खैच्छिजिले पोम्बैउँइले डचो जोगेमिंडमुँ।
 72 खीजी डचोए खेमैने फैबै पबित्र बाछा मैसि
 डचोए फिर ल्हयो खमिंडमुँ।
 73 खीजी डचोए खे अब्राहामने क्ह्रोंसेन डइ फैबै बाछा पूरा
 लमिंम्मुँ बिसि बाछा फैल।
 74 छतसि डचोए शत्तुरमैए योउँइले डचो फ्रेमिंम्मुँ,
 75 छतसि डचो आडिंहनाले ह्रोंसए छ्ह तिगोन् परमेश्वरए के
 छेनाले लसि
 खीए उँइर छ्याँबै छ्ह थोल् खारिगे बिबै ताँ ओसोन् पोल।
 76 ओ डए च्ह, किह ताँन् भन्दा थेबै अगमबक्ता तम्मुँ,
 तलेबिस्याँ परमेश्वरजी कुल्मिंबै मुँए ओसो ह्यासि
 खीए ल्हागिर किहइ घ्याँ छ्याम्मुँ।
 77 पापउँइले क्षमा योसि मुक्ति योम्मुँ बिबै ताँ
 किहइ परमेश्वरए म्हिमैने लोमिंम्मुँ।
 78 तलेबिस्याँ डचोए परमेश्वरए ल्हयो म्हांया मुँब मुँ,
 छतसि न्हांगर प्योबै त्हांयाँ धोले खीए चारबै ह्वे स्वर्गउँइले
 डचोए फिर चारम्मुँ।
 79 झाइले मिछु खैबर टिम्बै नेरो कालए सुँर फेल् म्हेम्बैइ चारबै
 ह्वे योम्मुँ,

धै च ह्वेइ डचो शान्तिए घ्याँर डोरेब्मुं ।”☆
 80 च लिउँइँ कोलो यूहन्ना थेब् तदै ह्यासि सैं या चिदै ह्याइ ।
 दिलेया इस्राएलीमैँए म्हाँजोर चु ताँमैँ बिबै त्हे आतन् समा च म्हि
 आटिबै कल्ह्योर्न टिइ ।

2

□□□□ □□□
 (□□□□□ □:□□-□□)

1 यूहन्ना फिबै त्हेजरे ह्युल तोगोँबै म्हिमैँ च्योबै ल्हागिर मिं
 फ्हिल् त्हुम् बिसि अगस्टस बिबै रोमी मुँइ बिइ ।

2 (चु ओंसोँबै जनसंख्या च्योमा क्युरिनियस बिबै म्हि सिरिया
 ह्युलबैँ रोमी ऋथे मुँल ।)

3 ताँन् म्हिमैँ ह्नों-ह्नोंसए नाँसर मिं फ्हिबर ह्याइ ।

4 छतसि योसेफै या गालील ह्युलबैँ नासरत सहरउँइँले
 यहूदीया ह्युलए बेथलेहेम बिबै नाँसर ह्याइ, तलेबिस्याँ चए खे
 दाऊद मुँ च बेथलेहेम नाँसबैँ मुँल ।

5 चइ ह्निथेँबै मरियम बोसि मिं फ्हिबर ह्याइ । च त्हेर मरियम
 प्हसे नोसिन् मुँल,

6 धै बेथलेहेमर मुँमा मरियम सुत्केरि तबै त्हे तइ ।

7 झाइले चइ ह्नोंसए च्च थेब फिसि क्वेँइ म्होरसि खेदोमैँइ चब्
 चबै डोंडर नेथेंइ, तलेबिस्याँ चमैँ टिबै ल्हागिर ठाँटिर कल्ह्यो
 आरेल ।

□□□□□□□□□□□□ □□□□ □□□□□□□□□□□□

8 च बेथलेहेम बिबै नाँसए पखजरे प्होँछैँमैँ ह्नोंसए क्युमैँ रूँबर
 म्हुँइँसर टिरिल ।

9 च त्हेर्न स्वर्गदूत भ्रि चमैए उँडर रायुमा परमेश्वरए चारबै ह्वे चमैए कारग्युले चारइ। छतमा चमै बेल्ले डिहंयाँइ।

10 दिलेया स्वर्गदूतइ चमैने बिइ, “आडिहंन्! तलेबिस्याँ ड क्हेमैने बेल्ले सैं तोंबै छ्याँबै ताँ बिम्। चु ताँ ताँन् म्हिमैए ल्हागिर तभ्मुँ।

11 तियाँ बेथलेहेम बिबै दाऊदए नाँसर क्हेमैए ल्हागिर मुक्ति पिबै म्हि फिइमुँ। खीन परमेश्वरजी कुल्मिंबै प्रभु खीष्ट ग।

12 चु ताँ क्हेमैइ खैले सेम् बिस्याँ च भर्खर फिबै कोलो क्वेँइ म्होरसि खेदोमैइ चब् चबै डोंडर नेथेब क्हेमैइ म्रोंभ्मुँ।”

13 छ बिरिबै तोदोंन् अरू ल्हें स्वर्गदूतमै या तिखेर्न चमैँ डार रायुसि परमेश्वर बेल्ले थेब मुँ बिसि छले क्वे प्रिइ,

14 “स्वर्गरि परमेश्वरए मिं थेब तरिगे,

धै पृथ्वीरि खीजी ल्हाँबै म्हिमैने शान्ति तरिगे!”

15 छले परमेश्वरए मिं क्वेसि स्वर्गदूतमैँ स्वर्गउँडँ एह्याबै लिउँडँ। प्हाँछैँमैँइ खेमैँए न्होर ताँ लइ, “तारे परमेश्वरजी डचोलाइ बिब धोलेन् बेथलेहेम नाँसर ह्याले धै चर तबै ताँमैँ इह्योले।”

16 छ बिसि चमैँ आतुरले ह्यामा मरियम, योसेफ नेरो डोंडर नेथेबै च्युथिरि कोलो म्रोंइ।

17 च कोलो म्रोंमा स्वर्गदूतइ खेमैँने चु कोलोए बारेर बिबै ताँ चमैँइ ताँन् म्हिमैँने बिमिँइ।

18 प्हाँछैँमैँइ बिबै ताँ थेब्मैँ ताँन् प्लेटोयाइ।

19 दिलेया मरियमइ चु ताँन् ताँ छेन्ले मैँसि सैंर थेंइ।

20 झाइले स्वर्गदूतइ खै बिल छावन् प्हाँछैँमैँइ म्रोंल् योंसि चमैँइ परमेश्वरए मिं बेल्ले थेब् लसि खीलाइ धन्यबाद पिसि क्वे प्रिदै एह्याइ।

21 फ्हसे फिसि प्रेरोर कोलोए ज्युर चिनु लसि खीए मिं येशू थेंइ, तलेबिस्याँ च मिं फ्हसे नोब् भन्दा ओसॉन् स्वर्गदूतइ आमाने बिथेंल ।☆

११११११११ ११११११११ ११११

22 परमेश्वरजी डचोए खे मोशाने पिंबै टिभर बिब् धोले चमैंए रो छोल्ल खाँबै लिउँइ चमैंइ कोलो येशू परमेश्वरए डार अर्पण लबर यरूशलेम सहरर बोइ ।

23 तलेबिस्याँ “ऱ्ह थेभैं याहवेहए ल्हागिर पबित्र तब्मुँ,” बिसि परमेश्वरए छ्वेर फ्हिडमुँ ।☆

24 झाइले परमेश्वरए छ्वेर बिब् धोले “तिजोर तोंगु मुँले परेवाए झज तिजोर मुँले” किसि चमैं खों पिंभर मन्दिरर ह्याइ ।☆

25 च त्हेर यरूशलेम सहरर शिमियोन बिबै म्हि घ्रि टिमल । च छ्याँबै के लबै म्हि नेरो परमेश्वर म्हाँदिवै म्हि मुँल, चने बालु परमेश्वरए पबित्र फ्ह मुँल । इस्राएली म्हिमैलाइ परमेश्वरजी जोगेमिंभुँ बिसि शिमियोनइ ल्हें बर्ष ओनोंन् परमेश्वरए घ्याँ इह्योरिल ।

26 परमेश्वरजी कुल्मिंबै मुँ ख्रीष्ट आम्रॉन् समा किह आसि बिसि पबित्र फ्हजी चने ओसॉन् था पिंल ।

27 झाइले पबित्र फ्हजी बिब् धोले शिमियोन मन्दिर न्होर होंमा । परमेश्वरए छ्वेर बिब् धोले लबर कोलो येशूलाइ आबा-आमाइ मन्दिर न्होर पखइ ।

28 झाइले चइ कोलोलाइ ह्रोंसए क्वेंदर किसि परमेश्वरलाइ धन्यबाद पिसि बिइ,

29 “ओ प्रभु, तोगो किहजी डने बिबै ताँ पूरा लमिंडमुँ,

तारे ड छेनाले सियाल खाँम ।

30 तलेबिस्याँ किहजी कुल्मिंबै मुँ ख्रीष्ट डए मिइ म्रॉल् योइ ।

- 31 ताँन् हेँबैँ म्हिमैँइ खीलाइ म्गोरिगे विसि किहजी कुल्मिंब् ग ।
- 32 चु कोलोन् अरू हेँबैँ म्हिमैँलाइ किहए घ्याँ उँड्मिंबै चारबै ह्वे ग,
छलेन किहए इस्राएली हेँबैँ म्हिमैँए मिं थेब् लमिंबै चारबै ह्वे खीन् ग ।”☆
- 33 चु ताँ थेमा कोलोए आबा-आमा प्लेटोयाइ ।
- 34 झाइले शिमियोनइ चमैँ फिर आशिक पिंदै मरियमने बिइ,
“थेद, इस्राएलीमैँ न्होरि ल्हें म्हि नास लबर नेरो ल्हें म्हि जोगेमिंबर चु कोलो कुलइमुँ ।
- चु कोलो परमेश्वरजी कुलबै चिनु तब्मुँ,
ल्हें म्हिइ चु कोलोए बिरोधर पोंब्मुँ ।
- 35 छतमा खीजी म्हिमैँए सैं न्होर्बै ताँमैँ उँड्मिंब्मुँ ।
- झाइले सेलाँइ (तरवारइ) म्लोब् धोले किहए सैं बेल्ले नब्मुँ ।”

???????????????????? ??????? ??????

- 36 झाइले च मन्दिरर हन्ना अगमबक्तास्यो मुँल । चए आबा फनुएल बिब् मुँल, च आशेरए कुलबैँ मुँल । च हन्ना ब्ह्या लबै डिदिर्न प्युँ सियासि म्हरेस्यो तयाल ।
- 37 च प्रेच्युसे प्लिदिं बर्ष तयाल । दिलेया च बर्त टिसि प्राथना लसि त्हिंयाँ म्हुँइसा परमेश्वर सैंर मैँसि मन्दिरर्न टिरिमल ।
- 38 च त्हेर्न हन्ना खसि परमेश्वरलाइ धन्यबाद पिंबर होंइ । झाइले परमेश्वरजी यरूशलेम जोगेमिंम्मुँ बिसि घ्याँ इह्योरिबै ताँन् म्हिमैँने चइ चु कोलोए बारेर ताँ लमल ।

???????? ????????? ??????????

39 परमेश्वरए छ्वेर बिब् धोले लल् त्हुबै तांन् के लल् खाँसि योसेफ नेरो मरियम कोलो बोसि गालील ह्युलबै नासरत बिबै ह्नाँसए नाँसर एह्याइ ।*

40 परमेश्वरए आशिक खीए फिर मुँल । छ्त्तसि कोलो फारदै भोंब नेरो ह्ब-सेब तदै ह्याइ ।

????? ?????? ?????????? ??????

41 कोलोए आबा आमा सालै ह्नाँसे दुःखने फ्रेबै चाड म्हाँदिवर यरूशलेमर ह्याब्रें लमल ।*

42 येशू च्युसे डिहँदिबै तमा येशूलाइ बोसि चमै चाड म्हाँदिवर यरूशलेमर ह्याइ ।

43 चाड म्हाँदिल् खाँबै लिउँडँ येशूए आबा आमा धिंर एह्याइ । येशू बिस्याँ यरूशलेमर्न टिइ । येशू चर्न टियाइ बिसि आबा आमाइ आसेल ।

44 खी घ्याँर प्रबै म्हिमैए हुलर मुँलै इहाँसि चमै तिगेंबे घ्याँ प्रइ ह्याइ । म्हुँडँस तबै लिउँडँ चमैइ ह्जजे-म्हजेमै नेरो डो सेब मिं सेबमैए न्होंर येशूलाइ म्हेबर होइ ।

45 दिलेया येशू खनिरै आयोमा चमै धबै येशू म्हेदै यरूशलेमर्न एखइ ।

46 सोरो लिउँडँ चमै मन्दिरर ह्यामा येशू परमेश्वरए ठिम लोमिंबै म्हिमैए म्हाँजोर क्हुँसि चमैए ताँ थेसि चमैने ताँमै डचोएरिब स्याइ ।

47 खीए क्होबै शक्ति नेरो छ्याँबै ज्वाफमै पिंब् म्नाँसि खीए ताँ थेबमै ताँन् प्लेटोयाइ ।

48 खी म्नाँसि आबा आमा या प्लेटोयाइ । धै आमाइ खीने बिइ, “ठागु, किहजी तले डि छ्बाबै दुःख पिंल? किहए आबा नेरो ड बेल्ले न्हँ लसि किहलाइ म्हेदै प्रइ!”

49 येशूजी चमैने बिइ, “क्हेमैइ तले डलाइ म्हैरिल? डाए आबाए धिंर ड मुँल् त्हुम् बिब क्हेमैइ आसेल् वा?”

50 दिलेया येशूजी बिबै ताँ मरियम नेरो योसेफइ आक्हो ।

51 च लिउँइ येशू चमैने बालु नासरत नाँसर एह्याइ, धै आबा आमाइ बिब डिंसि टिइ । चर म्रोंबै ताँन् ताँमै आमाइ सैर थेंइ ।

52 येशू बिस्याँ ज्ञान बुद्धि नेरो ज्युर फारदै परमेश्वर नेरो म्हिमैइ खोबै म्हि तदै ह्याइ ।*

3

११११११११११ ११११११ ११११११११
 (११११११ १:१-११; १११११११ १:१-१; ११११११११ १:११-११)

1 रोम सहरबै तिबेरियस बिबै म्हिइ च्युसे इहदिं समा ग्याल्स लमा पन्तियस पिलातस यहूदीया ह्युलबै क्रथे मुँल । च त्हेर गालील बिबै ह्युलर हेरोद मुँ मुँल । इतुरिया नेरो त्राखोनितिस बिबै ह्युलर हेरोदए अलि फिलिप मुँ मुँल । अबिलेने बिबै ह्युलर लुसानियास बिबै म्हि मुँ मुँल ।

2 झाइले यरूशलेमर हन्नास नेरो कैयाफा खो पिंबै खेगि क्रथेमै मुँल । च त्हेर क्यु आयोबै क्ल्ह्योर जकरियाए च्ह यूहन्नाने परमेश्वरए ताँ युइ ।

3 छतसि यूहन्ना यर्दन स्योए खागुबै ताँन् क्ल्ह्योजरे स्युरसि म्हिमैने पाप लब पिसि परमेश्वरउँइ सैं एदु धै क्युर प्ल्हूसि बप्तिस्मा किनु । छलस्याँ परमेश्वरजी क्हेमैए पाप क्षमा लमिंभुँ बिसि परमेश्वरए ताँ विप्रबर होंइ ।

4 स्योम्बै यशैया अगमबक्ताइ यूहन्नाए बारेर ओसोन् छले प्ल्हिइमुँ,
 “क्यु आयोबै क्ल्ह्योर म्हि घिइ कै तेसि छ बिसिन् मुँ,

* 2:52 2:52 □ □□ □:२६; हितो ३:4

‘याहवेहए ल्हागिर घ्याँ छ्याद!
खी प्रबै ल्हागिर आछ्याँबै घ्याँमैं क्योँएँन्!

5 ताँन् होंल्दोंमें म्यालब्मुँ
झाइले ताँन् कोमैं चेफ्ला लब्मुँ,
ख्यदा-ख्योदे घ्याँमैं सोजो तयाब्मुँ,
धै कर आयोँबै घ्याँमैं कर योँब तयाब्मुँ।

6 छले ताँन् म्हिमैंइ परमेश्वरजी जोगेमिंमुँनामैं बिसि सेब्मुँ।”
छले यशैयाइ फ्हित्थेबै ताँ यूहन्ना खसि पूरा लइ।*

7 छतसि ल्हें म्हि यूहन्ना डार क्युर प्ल्हुँसि बप्तिस्मा पिंन्
बिसि खइ। छले खमा यूहन्नाइ चमैने बिइ, “ओ, फ्हरि धों तबै
म्हिमैं! परमेश्वरजी पिंवि छेबै सजैँउँले स्योल् खाँम् बिसि
खाबइ क्हेमैंने बिल?*

8 छतसि क्हेमैए सैं परमेश्वरउँइ एसि छ्याँबै के लसि उँइन्।
‘डि यहूदीमैं परमेश्वरजी त्हाँबै म्हि अब्राहामए कुलबै सन्तानमैं
ग। छतसि डिइ परमेश्वरउँइले सजैँ आयोँ बिसि क्हेमैंइ आमैन्’
तलेबिस्याँ परमेश्वरजी चु युँमाउँइले या अब्राहामए ल्हागिर
सन्तानमैं लमिल् खाँम्।*

9 तोगोन् त सिंधुँए जरर फेयाल् खाँइँमुँ छतसि छ्याँबै रो
आरोबै सिंधुँमैं ताँन् थोवासि मिर झोँवाब्मुँ।”*

10 चु ताँ थेसि ल्हें म्हिमैंइ यूहन्नाने “छ बिस्याँ तारे डिइ तो
लल् ल्हुम्?” बिसि डचोएइ।

11 यूहन्नाइ बिइ, “खाब्ने खिबै क्वें डिहजोर मुँ, चइ आरेबै
म्हिमैं तिजोर पिंरिगे, धै खाब्ने चबै सै मुँ चइ फो खेंभै चल्
पिरिगे।”

* 3:6 3:4-6 ॐ ३:५

* 3:7 3:7 ॐ ३:४; २३:३३

* 3:8 3:8 ॐ ३:३३

* 3:9 3:9 ॐ ३:९

12 झाइले रोमी मुँए ल्हागिर बालि रेब्बैं या क्युर प्हुँसि बप्तिस्मा किंवर खल। चमैइ यूहन्नाने “ओ गुरु, तारे डिइ तो लल् त्हुम् बिसि डचोइ?”*☆

13 यूहन्नाइ चमैने “सरकारइ तोक्दिब् भन्दा ल्हें मुइ आकिन्,” बिइ।

14 को-कोइ सिपाइमैज्यै या “डिइ खै लल् त्हुम्?” बिसि यूहन्नाने डचोएइ।

यूहन्नाइ चमैने बिइ, “खाबलाज्यै या अनिया लसि स्योगोँ छ्याब् ल्हैदिसि आलुट्दिदद्। क्हेमैए नों सै कति योंमुँ च्हुगर्न सन्दोक तद्।”

15 मुक्ति पिंबै मुँ ख्रीष्ट खोंयोँ युम् इहे बिसि म्हिमैँ हेरिल। छृतसि “परमेश्वरजी कुल्मिंबै मुँ ख्रीष्ट यूहन्नान् मुँन उ?” बिसि ताँन् म्हिमैँइ मैरिल।

16 छतमा यूहन्नाइ चमै ताँनने बिइ, “डइमि क्हेमैँलाइ क्युर प्हुँसि बप्तिस्मा पिंम्। दिलेया ड भन्दा शक्ति मुँबै म्हि ग्नि युब्मुँ। खीए जुत्ताए तनि प्ल्हबर इहेंब ड आरे। खीजी क्हेमैँलाइ परमेश्वरए पबित्र प्ल्ह नेरो मिइ बप्तिस्मा पिंब्मुँ।

17 सोंग्याँ टाबै नउलि खीने मुँ। च नउलिइ ह्त्रोंसए सोंग्याँ छेनाले टाब्मुँ, धै गहुँ भकारिर खागु लब्मुँ बिस्याँ पुइ खोंयोँइ आसिबै मिर खोंवाब्मुँ।”*

18 छ्बाबै ल्हें खालबै अर्थिए ताँमैँ बिसि यूहन्नाइ परमेश्वरजी कुल्मिंबै मुँ ख्रीष्ट उँइले खबै सैं तोबै ताँमैँ म्हिमैँने बिप्रइ।

19 दिलेया हेरोद मुँइ ह्त्रोंसए अलिए प्हेँस्यो हेरोदियासलाइ प्हेँस्यो लसि थेंब नेरो चइ आछ्याँबै केमैँ लबइले यूहन्नाइ चलाइ हौदिल।

☆ 3:12 3:12 000 0:२९ * 3:17 0:३७ 00 00000 0000 0000 0000000 00 000 0000 0000000 00 000 0000 00000 0000 000 0000 00

20 झाइले यूहन्ना झेलर च्युवासि हेरोदइ आछयाँबै के लबै फिरै या झन् आछयाँबै के लइ ।*

ॐॐॐॐॐॐ ॐॐॐॐॐॐॐॐॐॐॐॐ ॐॐॐॐॐॐॐॐॐ ॐॐॐॐॐॐॐॐॐ
(ॐॐॐॐॐॐ ॐ:ॐॐ-ॐॐ; ॐॐॐॐॐॐॐ ॐ:ॐ-ॐॐ)

21 यूहन्ना झेलर च्युवाब् भन्दा ओसों चए योउँडैले ताँन् म्हिमैँइ क्युर प्हुँसि बप्तिस्मा किंइ । झाइले येशूज्यै बप्तिस्मा किसि परमेश्वरने प्राथना लरिमा स्वर्ग थोंयाँइ ।

22 झाइले परमेश्वरए पबित्र प्हु तोंगुए क्होले येशूए फिर युसि टिइ । धै “क्हि डए खोबै च्ह ग, क्हि म्रोंसि ड बेल्ले सैं ताँइमुँ,” बिबै कै स्वर्गउँडैले युइ ।*

ॐॐॐॐ ॐॐॐॐॐॐॐ ॐॐॐॐॐॐॐॐॐॐॐॐ
(ॐॐॐॐॐॐॐ ॐ:ॐ-ॐॐ)

23 येशूजी धाँसे ओसों औदिबै के लबर होंमा खी सोंच्यु वर्षबैँ दे मुँल । खी योसेफए च्ह ग बिसि म्हिमैँइ मैँमल ।

योसेफए आबा एली मुँल ।

24 एलीए आबा मत्तात मुँल ।

मत्तातए आबा लेबी मुँल ।

लेबीए आबा मल्की मुँल ।

मल्किए आबा यान्ना मुँल ।

यान्नाए आबा योसेफ मुँल ।

25 योसेफए आबा मत्तियाह मुँल ।

मत्तियाहए आबा आमोस मुँल ।

आमोसए आबा नहूम मुँल ।

नहूमए आबा इसली मुँल ।

इसलिए आबा नगैँ मुँल ।

☆ 3:20 3:१९-20 ॐॐॐॐ 14:3,4; मर्क 6:17,18 ☆ 3:22 3:22 ॐ 22:2; भज 2:7; यशै 42:1; मत्ती 3:17; मर्क 1:11; लूक 9:35

- 26 नग्गौए आबा मात मुँल ।
 मातए आबा मत्तथियास मुँल ।
 मत्तथियासए आबा सेमैन मुँल ।
 सेमैनए आबा योसेख मुँल ।
 योसेखए आबा योदा मुँल ।
- 27 योदाए आबा योआनन मुँल ।
 योआननए आबा रेशा मुँल ।
 रेसाए आबा यरुबाबेल मुँल ।
 यरुबाबेलए आबा शालतिएल मुँल ।
 शालतिएलए आबा नेरि मुँल ।
- 28 नेरिए आबा मल्की मुँल ।
 मल्कीए आबा अद्दी मुँल ।
 अद्दीए आबा कोसाम मुँल ।
 कोसामए आबा इलमादाम मुँल ।
 इलमादामए आबा एर मुँल ।
- 29 एरए आबा यहोशू मुँल ।
 यहोशूए आबा इलाजार मुँल ।
 इलाजारए आबा योरीम मुँल ।
 योरीमए आबा मत्तात मुँल ।
 मत्तातए आबा लेबी मुँल ।
- 30 लेबीए आबा शिमियोन मुँल ।
 शिमियोनए आबा यहूदा मुँल ।
 यहूदाए आबा योसेफ मुँल ।
 योसेफए आबा योनान मुँल ।
 योनानए आबा एल्याकिम मुँल ।
- 31 एल्याकिमए आबा मलेआ मुँल ।
 मलेआए आबा मिन्ना मुँल ।
 मिन्नाए आबा मत्ताथा मुँल ।

मत्ताथाए आबा नातान् मुँल ।
 नातानए आबा दाऊद मुँल ।
 32 दाऊदए आबा यिशै मुँल ।
 यिशैए आबा ओबेद मुँल ।
 ओबेदए आबा बोअज मुँल ।
 बोअजए आबा सल्मोन मुँल ।
 सल्मोनए आबा नहशोन मुँल ।
 33 नहशोनए आबा अम्मीनादाब मुँल ।
 अम्मीनादाबए आबा आराम मुँल ।
 आरामए आबा हेस्रोन मुँल ।
 हेस्रोनए आबा फारेस मुँल ।
 फारेसए आबा यहूदा मुँल ।
 34 यहूदाए आबा याकूब मुँल ।
 याकूबए आबा इसहाक मुँल ।
 इसहाकए आबा अब्राहाम मुँल ।
 अब्राहामए आबा तेरह मुँल ।
 तेरहए आबा नाहोर मुँल ।
 35 नाहोरए आबा सरूग मुँल ।
 सरूगए आबा रऊ मुँल ।
 रऊए आबा पेलेग मुँल ।
 पेलेगए आबा एबेर मुँल ।
 एबेरए आबा शेलह मुँल ।
 36 शेलहए आबा केनान मुँल ।
 केनानए आबा अर्पक्षद मुँल ।
 अर्पक्षदए आबा शेम मुँल ।
 शेमए आबा नोआ मुँल ।
 नोआए आबा लेमेख मुँल ।
 37 लेमेखए आबा मतूशेलह मुँल ।

मतूशेलहए आबा हनोक मुँल ।
 हनोकए आबा येरेद मुँल ।
 येरेदए आबा महलालेल मुँल ।
 महलालेलए आबा केनान मुँल ।
 38 केनानए आबा एनोश मुँल ।
 एनोशए आबा शेत मुँल ।
 शेतए आबा आदम मुँल ।
 आदमए आबा परमेश्वर मुँल ।

4

११११११ ११११११ १११११ १११ ११११११
 (११११११ १:१-११: १११११११ १:११, १११)

1 येशू क्युर प्न्हूसि बप्तिस्मा किंबै लिउँई परमेश्वरए पबित्र
 प्न्हजी प्लिसि यदेन स्योउँईले एखमा पबित्रए प्न्हजी खीलाइ
 क्यु आयोबै कल्हयोर बोइ ।

2 येशू चर प्लिच्यु त्हिंइ समा टिमा दियाबलस बिबै दुष्ट जाँच
 लबर चर खइ । च्हाँ त्हिंइ समा तोइ आचन्ले टिमा येशूलाइ फो
 खेंल ।

3 छ्रतमा दुष्टइ येशूने बिइ, “क्हि क्होंसेन परमेश्वरए च्ह ग
 बिस्याँ चु युँमा ‘चबै सै तयाद्’ बिद् ।”

4 दिलेया येशूजी चने बिइ, “ग्मि क्हेंइ मत्ने सोल् आँखाँ!
 बिसि परमेश्वरए छवेर प्हिइमुँ ।”☆

5 च लिउँई चइ खीलाइ नुबै कौर बोसि ह्युलबै ताँन् ग्याल्समैं
 उँईइ ।

6 दष्टइ येशूने बिइ, “चु ताँन् ग्याल्सबै सैमैं पिसि डइ क्हि
 चुबै क्ल्हे तल् पिस्यो । तलेबिस्याँ चु ताँन् डइ योंइमुँ छ्रतसि डइ
 खाबलाइ पिंदा इहाँमुँ पिल् खाँम् ।

7 छतसि किहइ ड फ्योस्याँ डइ चु तोन्दोरि सैमैँ किहलाइ पिंभुँ ।”

8 येशूजी चने बिइ,
“किहइ याहवेह ह्रोंसए परमेश्वरलाइ मत्त्रे फ्योद,
धै खीए सेवा मत्त्रे लद,” बिसि परमेश्वरए छवेर छले
फ्हिइमुँ ।*
9 धबै च दुष्टइ खीलाइ यरूशलेम सहरर बोसि मन्दिरए ताँन्
भन्दा नुबै च्होर राल् पिसि खीने बिइ, “किह परमेश्वरए च्ह ग
बिस्याँ छइले फाल् झोन् ।
10 तलेबिस्याँ परमेश्वरए छवेर छले फ्हिइमुँ,
‘किह जोगेमिंबै ल्हागिर
परमेश्वरजी ह्रोंसए स्वर्गदूतमैँ कुलभुँ ।*
11 झाइले चमैँइ किहलाइ यो-योर्न तोभुँ,
आस्याँ किहए फ्ले युँमार थुरयाभुँ,’ बिसेया फ्हिइमुँ ।”*
12 दिलेया येशूजी चने बिइ,
“‘किहइ ह्रोंसए याहवेह परमेश्वरए जाँच आलद,’ बिसि
परमेश्वरए छवेर फ्हिइमुँ ।”*
13 दियाबलसइ येशूलाइ ताँन् खालबैँ जाँच लसेया खीलाइ
पापर च्होल् आखाँमा “तारे मौका इह्योसि जाँच लल् त्हुइ”
इहाँसि च खीलाइ वाथेंसि ह्याइ ।

???????? ???? ???? ???? ???? ???? ???? ???? ???? ????
????

(???? ?·??-??; ???? ?·??-??)

14 च लिउँई येशू परमेश्वरए पबित्र फ्हए शक्ति योंसि गालील
ह्युलर एखइ । छले एखमा खीए बारेबैँ ताँ च खागुबै ताँन् नाँसजरे
थेनेइ ।

15 खीजी चबै च्हों धिंजगोर परमेश्वरए ताँ लोमिंभर होंइ । छले लोमिंमा ताँन् म्हिमैँइ खीए छ्याँबै बयन लमल ।

1 *०००००००० ०००००००००००० ०००००००० ००००००००*
(*०००००० ००:००-००; ००००००० ०:०-०*)

16 झाइले येशू ह्रांस फाराबै सहर नासरतर ह्याइ । खी प्रिबै तिंहंइर च्हों धिंर ह्याब्रें लबै बाँनि मुँल । छतसि च्हों धिंर ह्यासि परमेश्वरए छवे खेबर राइ ।

17 चबै म्हिमैँइ खीने यशैया अगमबक्ताइ फ्हरिबै छवे पिंइ । खीजी च फैसि चु ताँ फ्हरिबै खण्ड चमैँए ल्हागिर खेमिंइ:

18 “याहवेह परमेश्वरए प्ल्ह डए फिर मुँ,
तलेबिस्याँ ड्हांदुमैँलाइ सैं तोँबै ताँ बिमिंभर
खीजी डलाइ त्हांइमुँ ।
कैदिमैँ झेलउँइले तेमिंभर,
धै कनमैँ मि म्रोल लमिंभर ।

आगुइ क ओल् आपिंभैँलाइ रेमिंभर खीजी ड कुल्मिंब् ग ।

19 धै याहवेहजी ह्रांसए म्हिमैँ जोगेमिंबै त्हे खइमुँ बिबर खीजी ड कुल्मिंब् ग ।”☆

20 च्हौ खेल् खाँसि खीजी परमेश्वरए छवे च्हों धिंरैँ म्हिने पिसि खी कहुँइ । च्हों धिंर मुँबै ताँन् म्हिमैँइ खीलाइ ड्ह्योबै ड्ह्योबन् लरिल ।

21 झाइले खीजी चमैँने बिइ, “तिंयाँ क्हेमैँइ चु ताँ थेना थेन् परमेश्वरए छवेइ तो बिइमुँ छान् तइमुँ ।”

22 ताँन् म्हिमैँइ “चुम् स्वाबै म्हि मुँन!” बिसि खीए छ्याँबै बयन लइ, धै खीजी पोबै सैं तोँबै छ्याँबै ताँमैँ थेसि चमैँ ताँन् प्लेटोयाइ । धै “चुम् योसेफए च्ह आडिं वा?” बिसि चमैँइ बिइ ।

23 येशूजी चमैने बिइ, “ओ बैद्य, किह ह्तोंसलाइन सल् लद् । किहजी कफर्नहुमर तो-तो केमै लइमुँ बिब डिंड थेल् । छतसि चर लब् धों तबै केमै ह्तोंसए नाँसरै या लद् बिबै चु अहान् क्होसेंन कहेमैइ डने बिम्मुँ आडिं वा ।”

24 धबै खीजी चमैने बिइ, “क्होसेंन ड कहेमैने बिम्मुँ, अगमबक्ता खाबलाज्यै या ह्तोंसए ह्युलबै म्हिमैइ आक्वें ।✧

25 क्होसेंन ड कहेमैने बिम्मुँ, इस्राएल ह्युलर एलियाए पलोर साडे सोदिं समा नाँ आयुमा थेबै अँडगल् तल । च त्हेर चर म्हरेस्योमै ल्हेन् मुँल ।✧

26 दिलेया परमेश्वरजी चमै डार एलिया आकुल । बरु इस्राएल ह्युल भन्दा अको सिदोन ह्युलबै सारफत बिबै नाँसबै म्हरेस्यो त्रि डार मत्त्रे ल्होबर एलिया कुलइ ।✧

27 झाइले एलीशा अगमबक्ताए पलोर इस्राएली म्हिमै न्होर कोर खबै म्हिमै ल्हेन् मुँल । दिलेया च कोर खबै न्होर खाबै आस, अरू ह्युलबै सिरियालिथें नामान बिबै म्हि मत्त्रे एलीशा डार खसि सइ ।”✧

28 चु ताँ थेसि च्हों धिर मुँबै ताँन् बेल्ले हिस खइ ।*

29 छतसि चमैइ येशूलाइ नाँसउँडैले बैरु तेवासि खेमैइ बनेबै सहरए कोबै च्होर बोसि खीलाइ क्युरु भ्योवाल् म्हैइ ।

30 दिलेया येशू हुलए म्हाँजोउँडैले क्युलसि त्हाँह्याइ ।

???????? ???? ???? ???? ???? ???? ????
(???????? ?-??-??)

31 च लिउँडै येशू गालील ह्युलबै कफर्नहुम बिबै नाँसर ह्यासि प्रिबै त्हिंइर म्हिमै लोमिरिल ।

✧ 4:24 4:24 000 4:44 ✧ 4:25 4:25 0 00000 00:?? ✧ 4:26 4:26 0 00000

00:८-१६ ✧ 4:27 4:27 0 00000 0:१-१४ * 4:28 0:२८ 00000 0000 00000000 000000
000000 000000 00 000 000000 00 00000000, परमेश्वरजी अरू ह्तेंमैलाज्यै या आशिक पिंम् बिबै ताँ येशूजी बिल । छतसि हिस खइ ।

32 खीजी लोमिंबै ताँ थेबमैं प्लेटोयाइ तलेबिस्याँ खीजी हग मुँल्ले ताँ पोंमल ।☆

33 च्हों धिंर मोइ स्याबै म्हि घ्नि मुँल । चइ थेबै कैले चिरसि,

34 “ओ नासरतबै येशू, किहइ डिलाइ तो लल् म्हाैल? डि सैबर खल् वा? किह परमेश्वरजी कुल्मिंबै पबित्र म्हि ग बिसि डइ सेइमुँ ।” बिइ ।

35 छ्बिमा येशूजी हौदिदै च मोने बिइ, “आपोन्, च म्हिउँडैले त्होंइ ह्याद् ।” बिमा मोइ चलाइ म्हिमैए म्हाँजोर प्योवासि तोइ नल् आलल्ले च म्हिउँडैले त्होंइ ह्याइ ।

36 छ् तब् म्रोंसि ताँन् म्हिमैं प्लेटोयासि “चु खैतबै ताँ जा? चुइमि हग नेरो शक्ति मुँल्ले मोमैं हौदिबै तोदोन् मोमैं छ्चुडिह्यामना बिसि ह्नों-ह्नोंसन् ताँ लबर होइ ।”

37 छ्त्तमा प्रभु येशूए छ्चयाँबै बयन च खागुबै ताँन् ह्युलजरे थेनेइ ।

00000 000000000 000000 0000 000000000 0000 000000
(000000 0:00-00; 0000000 0:00-00)

38 येशू च्हों धिंउँडैले त्होंसि सिमोन बिबै म्हिए धिंर ह्यामा सिमोनए स्युमिं बेल्ले जर खसि नरिल । छ्त्तमा चबै म्हिमैइ चुलाइ सल् लमिंन् बिसि येशूने यो छ्च्युँ लइ ।

39 छ्बिमा खी च डाँर रासि जरलाइ हौदिइ, छ्चले हौदिमा जरइ चलाइ पिवाइ । धै सबै तोदोन् रेसि खेमैए सेवा लइ ।

40 त्हिंयाँ लिबि छ्छेमा च जरेबै ल्हें खालबै नबमैं म्हिमैइ येशू डाँर पखइ । धै खीजी घ्नि-घ्निए फिर ह्नोंसए यो थेंसि चमैं ताँन् सल् लमिंइ ।

41 ल्हें म्हिउँडैले मोमैं थेबै कैले “किह परमेश्वरए च्ह ग,” बिदै त्होंयाइ ।

दिलेया खीजी हौदिसि चमैं पॉल् आपिं। तलेबिस्याँ “येशू परमेश्वरजी कुल्मिंबै म्रुँ खीष्ट ग!” बिसि च मॉमैंइ सेमल।

०००००० ००००० ००० ०००००० ०००० ००००
(०००००० ०:००-००)

42 च ढ्हँहाँघों मि म्रोंबै लिउँइ येशू खाबै आरेबै क्तह्योर ह्याइ। दिलेया म्हिँए हुलइ म्हैदै खी डॉर खसि “डिलाइ पिसि आह्यामिन् बिसि,” यो छयुँ लइ।

43 दिलेया खीजी चमैंने बिइ, “तारे परमेश्वरजी ग्याल्स लबर होंइमूँ। छतसि खीजी बिब डिंनु, खीजी क्हेमैंए फिर आशिक पिंभुँ।† बिसि चु सैं तोंबै ताँ डइ अरू क्तह्योरै या बिल् त्हुम्। तलेबिस्याँ चुए ल्हागिर्न परमेश्वरजी ड कुल्मिंब ग।”

44 च्हाँ बिसि खी यहूदीया ह्युलबैं च्हाँ धिंजगोर परमेश्वरउँइले खबै सैं तोंबै ताँ बिप्रइ।

5

०००००० ००००० ००००००० ००००००० ०००००००
(०००००० ०:००-००; ०००००० ०:००-००)

1 तिगें येशू गनेसरत बिबै तालए छ्योगोर रारिमा परमेश्वरए ताँ थेबर ल्हें म्हिँमैं खी डॉर खल।

2 येशूजी तालए छ्योगोर डुँङगा डिहं म्रोंइ। ताँग क्हाभैं बिस्याँ डुँङगाउँइले त्हाँसि खेंमैंए जाल खुरिल।

3 च डुँङगा डिहंर डुँङगा घ्रि सिमोनल् मुँल। सिमोन बिबै म्हिँए डुँङगार येशू क्रेसि चने डुँङगा छ्योगोउँइले दे क्याइ बोयाद् बिसि खी च डुँङगार्न क्हाँसि म्हिँए हुललाइ परमेश्वरए ताँ लोमिंबर होंइ।*

† 4:43 ०:४३ ०००० ००००० ०००००००० (राज्य) बारेर * 5:3 5:1-3 ००००० ००:१; मर्क ३:९-१०; ४:१

4 ताँ लोमिंल् खाँबै लिउँडै खीजी सिमोनने बिइ, “डुँडगा गैरु क्युउँडै बोसि ताँग कहाबर कहेमैए जाल प्रिन्।”

5 छबिमा सिमोनइ बिइ, “गुरु, डिइ म्हुँडैसतिमि सिया सियाले जाल प्रिसेया ताँग ग्नि या आस्या। दिलेया किहइ बिसेरो डइ जाल प्रिम्।”✧

6 खीजी बिब् डिंसि चमैइ जाल प्रिमा ल्हें ताँग स्यासि जालैया दहोयाबर होंइ।✧

7 छतमा चमैइ अको डुँडगार मुँबै थुमैने “चुरु खसि डि ल्होमिन्!” बिसि हस्त लइ, चमै खसि डुँडगा डिहंन ताँग प्लिंल् लइ, चहौ ल्हें ताँग तबइले डुँडगामै या प्हुँबर होंइ।

8 छतब् म्रोसि सिमोन पत्रुसइ येशू प्रभुए उँडैर पत्खु तसि बिइ, “ओ प्रभु किह ड डँडैले हेंगो तयाद, तलेबिस्याँ ड पापि म्हि ग।”

9 चहौ ल्हें ताँग स्याब् म्रोसि सिमोन नेरो चए थुमै ताँन् प्लेटोयाइ।

10 छलेन सिमोनए गमस्ता थुमै जब्दियाए च्हमै याकूब नेरो यूहन्ना या प्लेटोयाइ।

झाइले प्रभु येशूजी सिमोनने बिइ, “आडिहंन्! तारे पिरु किहइ ताँग खुबै के आडिं, म्हिमै ड डँर खुपबै के लब्मुँ।”

11 छबिमा चमैइ ह्रोसए डुँडगामै छचोगोर भ्योथेंसि तोन्दोरि सै वाथेंसि प्रभु येशूए लिलि प्रयाइ।

[\[?\]\[?\]\[?\]\[?\]\[?\] \[?\]\[?\] \[?\]\[?\] \[?\]\[?\]\[?\] \[?\]\[?\] \[?\]\[?\]\[?\]\[?\]](#)
[\(\[?\]\[?\]\[?\]\[?\]\[?\] \[?\]:\[?\]-\[?\]; \[?\]\[?\]\[?\]\[?\]\[?\] \[?\]:\[?\]\[?\]-\[?\]\[?\]\)](#)

12 तिगें येशू नाँस च्रिर मुँमा ज्यु तोगोन् कोर खबै म्हि ग्नि चर मुँल। चइ येशू म्रोसि पदखु तसि येशूने यो छचुँ लसि बिइ, “ओ प्रभु, किहइ डए कोर सल् लमिबै सैं मुँस्याँ सल् लमिल् खाँम्।”

13 खीजी यो स्योसि “डज्यै किह सयारिगे इहाँडमुं, किह सयाद्” विदै चलाइ छुइबै तोदोन् चए कोर सयाइ ।

14 छतमा येशूजी चने “थेद, चु ताँ खाबलाज्यै खैलसे आबिद् । बरु किहए कोर सयाब सेरिगे बिसि सरासर खो पिंबै खेगि डाँर ह्यासि किहए ज्यु उँडँन् धै स्योम्बै मोशाइ फ्ह्रबै ठिमर बिब् धोले ‘किह शुद्ध तयान’ बिसि म्हिमैलाइ उँडँबै ल्हागिर खो पिन्,” बिसि ल्हाइदिइ ।✧

15 छान् बिलेया येशूए बयन ओसों भन्दा झन् खन्तोदोन् थेनेइ । छतसि खीए ताँ थेबर नेरो ह्नों-ह्नोंसए नब सल् लमिंरिगे बिसि थेबै हुल खी डाँर खमल ।

16 दिलेया येशू म्हिइ आम्रोबै कल्ह्योउँडँ ह्यासि परमेश्वरने प्राथना लब्बें लमल ।

१११११११ १११११११ १११ ११११ १११ ११११११
(११११११ १:१-१; १११११११ १:१-११)

17 तिगें येशूजी परमेश्वरए ताँ म्हिमैने लोमिंरिमा गालील नेरो यहूदीया ह्युलबै ताँन् नाँसउँडँले धै यरूशलेमउँडँले खबै फरिसीमै* नेरो शास्त्रिमै या येशूए रेर क्हुँरिल । याहवेह परमेश्वरए नब सल् लबै शक्ति येशूने मुँल ।

18 च त्हेर्न म्हिमैइ स्याले तसि ओलेल् आखाँबै म्हि घि खाटने बालुन् पखइ, धै चमैइ च नबै म्हिलाइ धिं न्होर बोसि येशूए उँडँर थेंल् म्हेइ ।

19 दिलेया म्हिए हुलइ लमा च म्हि न्होर बोबै घ्याँ आयोमा चमै धिंए फिर क्रेइ, धै धिंए फ्हेँ ओवासि नबै म्हि खाटनेन् बालु येशूए उँडँर तवाइ ।

✧ 5:14 5:14 0000 00:१-३२ * 5:17 0:१७ 00000000: परमेश्वरए नियाम म्हाँदिबै टोलिबै म्हिमै मुँल ।

20 चमैँए च्हौ थेबै बिश्वास म्रोंसि येशूजी च नबै म्हिने बिइ, “ओ बाबु, किहए पाप क्षमा तइ ।”

21 चु ताँ थेसि फरिसीमैँ नेरो शास्त्रिमैँइ ह्रों-ह्रोंसन् “परमेश्वर म्हि आच्छिल्ले पोंब चु खाब् जा? परमेश्वरजी मत्त्रे पापए क्षमा पिल् खाँम् आडिं वा? बिबर होंइ ।”

22 दिलेया येशूजी चमैँए सैँबै ताँ था सेसि बिइ, “क्हेमैँ ह्रोंसए सैँर तले छाबै ताँ मैँरिल?

23 प्रल् आखाँबै म्हिने तो बिब् छत्र्याँब तम्? रेसि प्रद् बिब् उ किहए पाप क्षमा तइ” बिब तो बिब् सजिल् मुँ?

24 दिलेया म्हिणए च्हने पृथ्वीर पाप क्षमा पिंबै हग मुँ† बिसि क्हेमैँइ सेद् ।” च्हौ बिसि खीजी च स्याले म्हिने “रेद्, किहए खाट नोसि धिर ह्याद्,” बिइ ।

25 येशूजी छ बिबै तोदोंन् च नबै म्हि चमैँ ताँनए उँडँर रेसि ह्रोंस रोखिबै खाट नोसि परमेश्वरए मिं थेब लदै ह्रोंसए धिर ह्याइ ।

26 छाब् म्रोंसि चबैँ ताँन् म्हिमैँ प्लेटोयाइ । धै परमेश्वरए के म्रोंसि बेल्ले डिहंसि खीए मिं थेब लदै “तिंयाँ डिंडि औदिवै के म्रोंइ,” बिइ ।

?????? ???? ???? ???? ????
 (????? ?-?-??; ?????? ?-??-??)

27 च लिउँडँ येशू बैरु ह्यामा म्हालार बालि रेबै लेबी म्हि घ्रि म्रोंइ । च लेबी रोमी मुँए ल्हागिर बालि रेबै म्हि मुँल । येशूजी चने “डए लिलि प्रद्,” बिइ ।

† 5:24 २:४ ????? ???? ???? ???? ???? ???? ???? ???? ???? ???? ???? ???? ???? ???? ????
 ?????: हिब्रू क्युइर चए मतलब “म्हि मत्त्रे” मुँल । छतसि च मिं च्योंने तब, कुरब मुँल । (इजकिएल २:१; भजनसंग्रह ८:४ इह्योदु ।) सों: अर्को थेबै मतलब मुँ: परमेश्वरजी येशूलाइ कुल्मिंबडले खील स्वर्ग नेरो पृथ्वीए फिर ग्याल्स लबै हग, शक्ति नेरो अधिकार मुँ । (दानिएल ७:१३,१४ इह्योदु ।)

28 छबिमा च लेबीइ खीए तोन्दोरि सै वाथेंसि येशूए लिलि प्रयाइ।

29 झाइले च लेबीइ येशूए ल्हागिर ह्हांसए धिर थेवै भोज लइ। चर रोमी भ्रुँए ल्हागिर बालि रेब्में नेरो अरू ल्हें म्हिमें या चमैने क्हुँसि चरिल।

30 छले चरिमा फरिसीमें नेरो चमै न्होंबै शास्त्रिमैँइ येशूए चेलामेंए बिरोधर गनगन लसि “चु बालि रेब्में नेरो पापिमैने क्हेमैँइ तले चब्-थुँब् लल?” बिबर होइ।*

31 दिलेया येशूजी चमैने बिइ, “नब् छब् आतब्मेंए ल्हागिर बैद्य आचैदि, नब् छब्मेंए ल्हागिर मत्त्रे बैद्य चैदिम्।

32 छतसि ड धर्मि फ्हेँब्में हुइबर युब आडिं, दिलेया ‘पापिमै पाप लब् पिसि परमेश्वर उँइँ सैँ एरिगे,’ बिसि हुइबर युब् ग।”

???? ???? ????
 (?????? ?·??-??; ??????? ?·??-??)

33 चमैँइ येशूने बिइ, “बप्तिस्मा पिंबै यूहन्नाए चेलामें बर्त टिब्बें लसि प्राथना लम्। फरिसीमेंए चेलामेंज्यै या छान् लम्, दिलेया किहए चेलामें बिस्याँ त्हिंइ ह्हांसे चब् थुँब् लम् तले जा?”

34 येशूजी चमैने बिइ, “ब्ध्या भत्यारर फ्हेँरो मुँन् समा फ्हेँरोने खबै फ्हेँमैने तोइ आचल्ले टिद् बिल् तम्मा?

35 दिलेया फ्हेँरो चमैने फ्रेयाबै त्हिंइ खब्मुँ, च त्हेर बल्ल चमैँइ बर्त टिब्मुँ।”

36 येशूजी चमैने चु अहानै बिइ, “खाबज्यै या छारा क्वें ट्होसि स्योब क्वेर आखे। छ लइबिस्याँ छारा क्वें या ट्होवाम्, धै छारा क्वेंए टालो थौनि क्वेंने आक्हि।

* 5:30 5:30 000 00:१-२

37 “छलेन खाबज्यै भर्खर त्होंबै अँगुरए खु टहुबिए स्योब नेंदोर आझों । झोंइ बिस्याँ अँगुरए खुइ टहुबिए स्योब नेंदों ट्होवाम्, धै खु डेयाम्, झाइले नेंदों या ट्होयाम् ।

38 छतसि भर्खर त्होंबै अँगुरए खु टहुबिए भोंबै नेंदोर झोंल् त्हुम् ।

39 “चिबै अँगुरए लिंबै खु थुँब्मैइ आचिबै अँगुरए खु थुँबै सैं आल । तलेबिस्याँ चिबै अँगुरए खुन् चइ लिन् छोरम् ।”

6

00000000 000000000 0000000000 0000
 (0000000 00:0-0; 00000000 0:00-00)

1 तिगें प्रिबै त्हिंइर येशू नेरो खीए चेलामें गहुँ बारिए घ्याँ तसि ह्यारिमा चेलामेंइ गहुँए नाँ थुसि योर नेसि चइ ।*

2 छले चब् म्रोसि को-कोइ फरिसीमेंइ बिइ, “प्रिबै त्हिंइर तो लल् आत चन् क्हेमेंइ तले लमुँ?”

3 येशूजी चमैने बिइ, “क्हेमेंइ परमेश्वरए छ्वेर आखेइमुँ वा? स्योम्बै दाऊद नेरो खीए थुमै फो खेंमा चइ तो लल्?”

4 चइ परमेश्वरए मन्दिरर होंसि परमेश्वरए मिर थेंबै क्हे चवाइ । धै ह्रांसए थुमैलाज्यै या च क्हे चल् पिंइ । ख्रो पिंबै खेगिमेंइ बाहेक अरू खाबज्यै या च क्हे चल् आतमल ।”**

5 धबै येशूजी चमैने बिइ, “म्हिए च्ह प्रिबै त्हिंइर्वै क्त्हे ग ।”

00000000 00000000 000000000 00 000000000 00000
 0000 0000000
 (0000000 00:0-00; 00000000 0:0-0)

6 धबै अर्को प्रिबै त्हिंइरे या येशू च्हाँ धिर ह्यासि लोमिंबर होंइ । चर क्योलो यो कारयाबै म्हि घ्रि मुँल ।

7 छत्तसि खीजी प्रिबै त्तिंडरै या च नबै म्हिलाइ सल् लमिम् उ सल् लस्याँ खीए फिर छ्याब् ल्हैदिल् योम् बिसि को-कोइ शास्त्रिमै नेरो फरिसीमैइ खीए छैँ लरिल ।

8 दिलेया येशूजी चमैँए सैँ न्होँबै ताँ क्होसि यो कारयाबै म्हिने “रेसि चुर खो,” बिमा च म्हि रेसि राइ ।

9 झाइले येशूजी फरिसीमैँ नेरो शास्त्रिमैँने बिइ, “कहेमैँने बालु डइ ताँ घ्रि डचोएम्! प्रिबै त्तिंडर छ्याँबै के लब स्वाब उ आछ्याँबै के लब स्वाब? म्हि जोगेब छ्याँब उ सिल् पिंब छ्याँब?”

10 छ् बिसि खीजी ताँन् म्हिमैँ डाँइ इह्योसि यो कारयाबै म्हिने “क्हिए यो स्योन्,” बिइ । च म्हिइ यो स्योमा चए यो सयाइ ।

11 छ् लब् म्रोसि फरिसीमैँ नेरो शास्त्रिमैँ बेल्ले हिस खसि चुलाइ तो लले बिसि खेमैँ न्होँर मत लबर होइ ।

ॐॐॐॐॐ ॐॐॐॐॐ ॐॐॐॐ ॐॐॐॐॐॐॐॐ ॐॐॐॐ
ॐॐॐॐॐॐॐ ॐॐॐॐॐॐॐ
(ॐॐॐॐॐ ॐॐ:ॐ-ॐ; ॐॐॐॐॐॐ ॐ:ॐॐ-ॐॐ)

12 च त्हेजरे येशू कोर ह्यासि म्हुँइँसतिमि परमेश्वरने प्राथना लसि म्हुँइँस थोइ ।

13 मि म्रोल् खाँबै लिउँइँ येशूजी चेलाभैँ ह्रोँस डाँर हुइसि चमैँ न्होँबै च्युसे डिहं कुल्मिंबै चेला चिभैँ त्हाँसि चमैँलाइ “कुल्मिंबै चेला चिभैँ” बिबै मिं थेंइ ।

14 कुल्मिंबै चेला चिभैँए मिं छले मुँ:
सिमोन (चए मिं येशूजी पत्रुस थेंइ)

चए अलि अन्द्रियास,
याकूब, यूहन्ना,
फिलिप नेरो बारथोलोमाइ,

15 मत्ती, थोमा,

अल्फयसए च्ह याकूब नेरो सिमोन, (चने “ह्रोंसए ह्युललाइ
म्हाँया लबै म्हि या” बिमल)।

16 याकूबए च्ह यहूदा नेरो यहूदा इस्करयोतथें (चु इस्करियोतथेंइ
लिउँइ धोका पिसि येशूलाइ शत्तुरमैए योर पिंवाम्।

????? ???? ????
(????? ?-?-?)

17 च लिउँइ खी कोउँइले चेलामैने बालुन् क्युरु युसि चेप्ला
तबै क्ल्हयोर राइ। चर यहूदीया, यरूशलेम नेरो मा डचुँइ रेजरेबै
टुरोस नेरो सिदोन सहर खागुबै ह्युलउँइले या ल्हें म्हि खल। चर
खीए अरू चेलामै या मुँल। चमै येशूजी लोमिबै ताँ थेबर नेरो
ह्रोंसए नब्-छब् सल् लमिरिगे बिसि खल।

18 च त्हेर्न मोमैँइ स्याबै म्हिमैँ या येशूजी सल् लमिँइ।

19 ताँन् म्हिमैँइ येशूलाइ छुइल् म्हेमल, तलेबिस्याँ येशूउँइले
शक्ति त्होरिल। छतमा चमैँ ताँन् सल् लमल।

???????? ???? ???? ???? ???? ???? ????
(????? ?-?-?)

20 झाइले येशूजी खीए चेलामैँ डाँइ इह्योसि बिइ,
“ओ आयों आख्युब्मैँ, क्हेमैँइ आशिक योंब्मुँ
तलेबिस्याँ परमेश्वरए ग्याल्स क्हेमैँलन् ग।

21 ओ तोगो फो खेंब्मैँ, क्हेमैँइ आशिक योंब्मुँ
तलेबिस्याँ क्हेमैँइ म्नेन्ले चल् योंब्मुँ।

तोगो क्रोब्मैँइ आशिक योंब्मुँ,
तलेबिस्याँ क्हेमैँ निस्योल् योंब्मुँ।

22 “म्हिए च्हए फिर क्हेमैँइ बिश्वास लबइले म्हिमैँइ हेल
लसि खेंमैँउँइले स्यो लावाब्मुँ, धै क्हेमैँ फिर आछ्याँबै ताँमैँ पोंसि

कहेमैए बिल्लि लब्भुं, धै दुष्ट म्हिमै धो इहाँसि म्हि आच्छिन् लब्भुं । छ ललेया कहेमैइ आशिक योब्भुं ।*

23 च त्हेर कहेमै सैं तोंदै उफरदिद, तलेबिस्याँ स्वर्गर कहेमैए इनाम थेब तब्भुं । चमैए खेमैज्यै या स्योमा अगमबक्तामैलाइ छलेन् ह्नुगुदिल ।*

24 दिलेया धिक्कार कहेमै तोगो प्लब्भै! सै न्होरए लिलि प्रब्भै कहेमैइ परमेश्वरए ग्याल्सर तोइ योरिब् आरे । तलेबिस्याँ कहेमैइ सुख योल् खाँइमुं ।

25 धिक्कार, कहेमै तोगो मेंन्ले चल योब्भै! तलेबिस्याँ लिउँइ कहेमै फो खेल् त्हुब्भुं ।

धिक्कार, कहेमै तोगो निस्योब्भै! तलेबिस्याँ लिउँइ कहेमै शोक लसि क्रोल् त्हुब्भुं ।

26 धिक्कार, तोगो म्हिमैइ स्वाब म्हि बिसि थेब लब्भै! तलेबिस्याँ चमैए खेमैज्यैया स्योलिबै ताँ पोंबै अगमबक्तामै स्वाब म्हि बिसि थेब लमल ।*

ॐॐॐॐॐॐ ॐॐॐॐॐॐॐॐॐॐॐॐॐॐॐॐॐॐ ॐॐ ॐॐॐॐॐॐॐ ॐॐॐ
ॐॐॐ
(ॐॐॐॐॐ ॐ:ॐॐ-ॐॐ; ॐ:ॐॐ)

27 “छतसि डए ताँ थेब्भैने ड बिमुं, ह्त्रोंसए शत्तुरमैलाज्यै या म्हाँया लद, धै कहेमैलाइ हेल लब्भैलाज्यै छ्याँब लद ।

28 कहेमैए फिर सराप पिंब्भैलाज्यै आशिक पिंन्, धै कहेमैए फिर गाल् केब्भैए ल्हागिर परमेश्वरने क्षमा ह्दिसि प्राथना लमिंन् ।

29 खाबज्यै किहए क्हाँबोर ल्हिस्याँ अर्को क्हाँबो या तोमिंन्, छलेन खाबज्यै किहए बक्खु फ्हेवास्याँ ह्त्रेंगै या बोल् पिंन् ।

* 6:22 6:22 ॐ ॐॐॐ ॐ:१४ * 6:23 6:23 ॐ ॐॐ ॐॐ:१६; चिब्भै ७:५२ * 6:26 ॐ:२६ ॐॐॐ, म्हिमैउँइले मान योब आडिं परमेश्वरउँइले मान योल् त्हुम् ।

30 क्हिने बालु द्विभैलाइ पिन्, धै क्हिण् समनमै बोयाभैने धवै आहिद् ।

31 “म्हिमैइ ह्रोंसने छ्याब् लरिगे इहाँस्याँ क्हेमैज्यै या चमैने छ्याब्न् लद् ।*

32 ह्रोंसने म्हाँया लभैने मत्त्रे म्हाँया लइ बिस्याँ क्हेमैलाइ तो फयादा तइ? तलेबिस्याँ पापिमैज्यै या ह्रोंसने म्हाँया लभैने मत्त्रे म्हाँया लम् ।

33 ह्रोंसलाइ छ्याब् लभैलाइ मत्त्रे छ्याब् लइ बिस्याँ, क्हेमैलाइ तो फयाद तइ? तलेबिस्याँ पापिमैज्यै या छान् लम् ।

34 फोल् खाँबै म्हिमैलाइ मत्त्रे छे, पिंइ बिस्याँ, क्हेमैइ तो इनाम योंम् रो? तलेबिस्याँ पापिमैज्यै छे, फोल् खाँबै पापिमैलाइ छे, पिम् ।

35 छले आडिं, ह्रोंसए शत्तुरमैलाज्यै या म्हाँया लद्, चमैए फिर ल्हयो खद्, एल् आखाँबै म्हिमैलाज्यै या छे, पिन् । छलस्याँ परमेश्वरडाँडँले क्हेमैइ थेवै इनाम योंब्म् । धै क्हेमै ताँन् भन्दा थेवै परमेश्वरए च्ह-च्हमि ठदिब्म्, तलेबिस्याँ परमेश्वरजी बैगुनिमै नेरो दुष्टमै फिर ल्हयो खम् ।

36 क्हेमैए परमेश्वर आबाजी ताँनए फिर ल्हयो खब् धोले क्हेमैज्यै या ताँनए फिर ल्हयो खद् ।

?????? ???? ???? ??????? ???? ???? ???? ????
(????? ?-?-?)

37 “आगुए फिर छ्याब् आल्हैदिद्, आगुने चम् आछ्याँबै के लबै म्हि ग आबिद् । छलस्याँ परमेश्वरज्यै या क्हेमैए फिर छ्याब् ल्हेदिरिब् आरे । अरूलाइ क्षमा पिन्, धै परमेश्वरज्यै या क्हेमैलाइ क्षमा पिब्म् ।

38 ह्रोंसने मुँबै सैमै अरूलाज्यै या पिन् छलस्याँ खाँदि-खाँदिसि, म्युरुल्ले डेयाल्ले परमेश्वरजी झन् ल्हे सैमै क्हेमैलाइ

पिंभुं। क्हेमैइ खैले क्हाँएँसि पिमुं, छलेन परमेश्वरजी क्हेमैलाज्यै या क्हाँएँसि पिंभुं।”

39 येशूजी चमैने अहान् घ्रि बिइ, “कन घ्रिइ अर्को कन डोरेल् खाँम्मा? कनइ कन डोरेस्याँ डिहंन डिहंन् होंल्दोर आपाय वा?✧

40 चेला ह्नोंसए गुरु भन्दा थेब आत, दिलेया गुरुइ लोमिंबै ताँमें ह्ल् खाँबै लिउँई मत्त्रे च गुरु धोंब तल् खाँम्।✧

41 “क्हिइ ह्नोंसए अलिए मिबै कसिं भ्रोंम्, दिलेया ह्नोंसए मिबै म्हँडा बिस्याँ तले आम्रों?

42 क्हिइ ह्नोंसए मिबै म्हँडा आम्रोंस्याँ, ह्नोंसए अलिने ‘ओ अलि क्हिए मिर कसिं मुँन तेमिले ओ;’ बिसि क्हिइ खैले बिल् खाँम्? ओ फिब्लो पादिब्यै! ओसों ह्नोंसए मिबै म्हँडा तेद, धै बल्ल ह्नोंसए अलिए मिबै कसिं तेबर क्हिइ छेन्ले म्रोंल् खाँम्।

ॐॐॐॐॐ ॐॐॐॐ ॐॐॐॐॐॐॐ ॐॐॐॐॐ
(ॐॐॐॐॐ ॐ:ॐॐ-ॐॐ; ॐॐ:ॐॐ-ॐॐ)

43 “छ्याँबै सिं धुँर न्होंह्याबै रो आरो। छलेन आछ्याँबै सिं धुँर छ्याँबै रो आरो।

44 सिं धुँ खैब मुँ, रो या छाबन् तम्। रो म्रोंसि सिं धुँ खैब मुँन बिब था सेम्। पुजुए धुँउँईले म्हिमैइ तुँबुए रो थुल् आखाँ, छलेन पुलुए धुँउँईले पलाँ थुल् आखाँ।✧

45 छ्याँबै सैं प्हायबै म्हिइ ह्नोंसए सैंर मुँबै छ्याँबै सैमैँउँईले छ्याँबै ताँमें पोंम्, धै आछ्याँबै सैं प्हायबै म्हिइ ह्नोंसए सैंर मुँबै आछ्याँबै सैँउँईले आछ्याँबै ताँमैन् पोंम्। तलेबिस्याँ सैंर तो मुँ चन् म्हिए सुँउँईले त्हाँम्।”✧

✧ 6:39 6:39 ॐॐॐॐ ॐ:१४ ✧ 6:40 6:40 ॐॐॐॐ ॐ:२४-२५; यूह १३:१६; १५:२०

✧ 6:44 6:44 ॐॐॐॐ ॐ:३३ ✧ 6:45 6:45 ॐॐॐॐ ॐ:३४

११११ ११११११ १११११ १११११११
(११११११ १:११-११)

46 येशूजी धबै अर्को ताँ बिइ, “डइ बिबै ताँ आडिंस्याँ कहेमैँइ तले डने ‘ओ प्रभु, प्रभु’ बिमुँ?

47 खाब् म्हि ड डार खसि डइ बिबै ताँ थेसि डइ खै बिमुँ छान् लमुँ, च म्हि खैबै तम् बिसि ड कहेमैँने बिमुँ:

48 च म्हि धिं बनेबै म्हि धों तब् ग। च म्हिइ गैरु जग त्हासि पारए फिर जग झाँइ। झाइले नाँ बाडि तसि थेबै फ़ँले च धिंए फिर उँयालेया च धिं तोइ आत, तलेबिस्याँ चइ भोंन्ले धिं बनेल।

49 दिलेया खाबइ डए ताँ थेसेया डइ बिब् धों आल, च म्हि अर्को धिं बनेबै म्हि धों तब् ग। च म्हिइ गैरु जग आतल्ले सए फिर्न धिं बनेइ। धै च धिंए फिर फ़ँले युमा युनन् फुयाम्। झाइले चला थेबै नोक्सन् तयाइ।”

7

११११११११ १११११ १११११११११ ११ ११११ १११११ ११११ ११११११११
(११११११ १:१-११)

1 छले खीजी बिल् त्हुबै ताँमैँ ताँन् बिल् खाँबै लिउँइ येशू कफर्नहुम बिबै नाँसर ह्याइ।

2 च नाँसर रोमी कप्तानइ बेल्ले खोबै के लबै म्हि घि नसि सिबिन् छेल।

3 च कप्तानइ येशूए बारेबै ताँ थेल। छतसि खीए के लबै म्हि सल् लमिंरिगे बिसि यहूदीमैँए चिबनाँबैँ येशू डार यो छयुँ लबर कुलइ।

4 चमैँ येशू डार खसि यो छयुँ लदै बिइ, “ओ गुरु, कप्तानए के लबै म्हि बेल्ले नसि सिबर होंइमुँ, छतसि चलाइ सल् लमिंरिगे बिसि किहने यो छयुँ लबर चइ डि चुर कुलब् ग। च किहए ल्हयो योंबै लायकबैँ मुँ।

14 खीजी च कोलो नोबै खाट छुइमा कोलो नोबैं रायाइ।
 येशूजी च सियाबै कोलोने बिइ, “ओ बाबु, डइ किहने बिमुँ, रेद्!”

15 येशूजी छबिमा सियाबै कोलो सोगों तसि व्हुँइ, धै पोंबर
 होंइ। झाइले येशूजी कोलो चए आमने पिंइ।

16 छाबै के मोसि ताँन् म्हिमैं बेल्ले डिहंयाँइ, धै “परमेश्वर
 बेल्ले थेब नेरो छ्याँब् मुँन! डचोए म्हाँजोर थेबै अगमबक्ता
 युइमुँ! खी ह्रोंसए म्हिमैं जोगेमिंबर युइमुँ,” बिइ।

17 येशूजी छले कोलो सोल् लमिंबै ताँ यहूदीया नेरो च खागुबै
 ह्युल तिगोंन् थेनेइ।

ॐॐॐॐॐॐॐॐ ॐॐॐॐॐ ॐॐॐॐॐॐॐॐ ॐॐॐॐॐॐॐॐ
 ॐॐॐॐॐॐॐॐ
 (ॐॐॐॐॐॐ ॐॐॐॐॐॐ)

18 च त्हेर क्युर प्लहुँसि बप्तिस्मा पिंबै यूहन्ना झेलर मुँल।
 छतसि खीए चेलामैं झेलर खसि येशूजी लबै ताँन् केमैं यूहन्नाने
 बिइ।

19 चु ताँ थेसि यूहन्नाइ ह्रोंसए चेलामैं न्होंबैं म्हि डिहं प्रभु
 येशू डाँर चु ताँ डचोएबर कुलइ, “युल् त्हुबै मुँ खीष्ट किहन् उ?
 डिइ अको म्हिए घ्याँ इह्योल् त्हुब् जा?”

20 चेलामैं येशू डाँर खसि बिइ, “क्युर प्लहुँसि बप्तिस्मा पिंबै
 यूहन्नाइ किह डाँर चु ताँ डचोएबर डि कुलइमुँ, ‘युल् त्हुबै म्हि
 किहन् उ, डिइ अको म्हिए घ्याँ इह्योले?’ ” (चेलामैं येशू डाँर
 खसि “युम् बिबै मु खीष्ट किहन् उ डिइ अको म्हिए घ्याँ इह्योल्
 त्हुब् जा? बिसि क्युर प्लहुँसि बप्तिस्मा पिंबै यूहन्नाइ किह डाँर
 चु ताँ डचोएबर डि कुलइमुँ,” बिइ।)

21 च त्हेर्न येशूजी ल्हें म्हिमैंए नब-छब नेरो मोमैंइ स्याबै म्हिमैं
 सल् लमिंल, धै ल्हें कनमैंलाज्यै या मि मोल् लमिंल।

22 झाइले येशूजी चमैने बिइ, “कहेमैइ चुर तोगो तो-तो प्रोइ तो-तो थेइ च ताँन् यूहन्ना डाँर ह्यासि बिमिन्। कनमैइ धबै प्रोइमुँ, डुँइमैँ प्रइमुँ, कोर खबैँ सइमुँ, न्हउसिमैँइ न्ह थेइमुँ, सियाबैँ या सोगो तइमुँ धे इहाँदुमैँलाज्यै या सैं तोबै ताँ बिमिंइमुँ बिद्।”

23 चु ताँ या बिद्, खाबइ संका आलल्ले डए ताँ क्वेमुँ, चए फिर परमेश्वरजी आशिक पिंम्मुँ।”

24 यूहन्नाइ कुल्मिंबै चेलामें एह्याबै लिउँइ येशूजी यूहन्नाए बारेर म्हिए हुलने बिइ, “कहेमैँ क्यु आयोंबै क्ल्ह्योर तो इह्योबर ह्याल? खैँइ लाबै म्वो धुँ इह्योबर ह्याल वा?

25 कहेमैँ तो सै इह्योबर ह्याल? छ्याँबै क्वेँ खिबै म्हि इह्योबर ह्याल वा? छ्याँबै क्वेँ खिसि लिंब्-लिंबै सैमैँ चबै म्हिमैँमुँ एँए दरबारर टिम्।

26 बित्ति! कहेमैँ तो इह्योबर ह्याल? अगमबक्ता इह्योबर ह्याल वा? ड कहेमैँने बिमुँ, अगमबक्ता भन्दा थेबै म्हि ग्नि कहेमैँइ प्रोइमुँ!

27 परमेश्वरए छेवेर यूहन्नाए बारेर छले फ्हिइमुँ:

‘इह्योद्! क्हिए घ्याँ तयार लमिरिगे बिसि

क्हि भन्दा ओंसों† डइ डए स्याबों कुल्मिंम् ।”

28 ड कहेमैँने बिमुँ, च्हमिरि डाँइले फिबैँ न्होरि यूहन्ना भन्दा थेबै म्हि खाबै आरे, दिलेया खाबइ डइ लबै के प्रोसि डइ बिबै ताँ थेसि डइ बिब् धोले परमेश्वर म्हाँदिमुँ, च म्हि च्योंब मुँलेया यूहन्ना भन्दा थेब तमुँ।”‡

☆ 7:22 7:22 000 00:५-६; यज्ञै ६१:१ † 7:27 7:27 0000 000000 00000 0000 0000, परमेश्वरजी कुल्मिंबै मुँ भन्दा ओंसों। ☆ 7:27 7:27 000 0:१ ‡ 7:28 0:२८ 0000 00 000 00 00000000 00 0000 000 0000 00 0000 000000 0000000000 0000000000, 2 22222 22222222 22222222 22222222 2222 2222 00000 000000, परमेश्वरए ग्याल्सर मुँबै ताँन् भन्दा च्योंबै म्हि यूहन्ना भन्दा थेब तम्।

29 चु ताँ थेसि ताँन् म्हिमें नेरो बालि रेभैंज्यै या परमेश्वरए क्होंसेन्वै ताँ क्वेइ । तलेबिस्याँ चमैइ यूहन्नाउँइले क्युर प्लूसि बप्तिस्मा किल ।

30 दिलेया फरिसीमें नेरो परमेश्वरए छुवे लोमिंभैंइ बिस्याँ परमेश्वरजी ह्त्रोंस डारं खबै ल्हागिर बनेबै घ्याँ केर आफेब् इहाँसि यूहन्नाउँइले क्युर प्लूसि बप्तिस्मा आकिल ।*

31 धबै येशूजी बिइ, “तिंजरोबै म्हिमें डइ तो सैने च्हेँले? चमैं तो धोंब मुँ?”

32 चमैं बजारर क्हुँरिबै कोलोमें धों तब् मुँ, चमैइ खेमैए न्होंन घिइ-घिने छ् बिदै हौदिम् ।

‘डिइ क्हेमैए ल्हागिर मुराली ह्त्रामिंइ, दिलेया क्हेमैं आसे ।

डिः क्रोमा क्हेमैं आक्रो ।’

33 बप्तिस्मा पिंबै यूहन्ना युइ, चइ क्हें आचमल प्हा या आथुँमल । दिलेया क्हेमैंइ चलाइ ‘भोंइ स्याइमुँ’ बिमल ।

34 परमेश्वरजी कुल्मिंबै म्हिए च्हु चु ह्युलर युसि चमा, थुँमा ‘चुम् चप्ला प्हाको बालि रेभैं नेरो पापिमैए थु मुँनमैं,’ बिसि क्हेमैंइ बिम् ।

35 दिलेया बुद्धि ठिक ग बिबै ताँ बुद्धिए लिलि प्रभैंइ मत्त्रे बुद्धि ठिक ग बिसि ठदिल् खाँम् ।”

????? ???? ???? ?????????????? ?????? ?????

36 तिगें फरिसी घिइ येशूलाइ चब् चबर न्हिम्तो लल । छ्त्तसि खी चए धिंर ह्यासि चबर टिइ ।

37 च सहरर आछ्त्राँबै छ्ह थोबै पापि च्हमिरि घि मुँल । येशू च फरिसीए धिंर मुँ बिब् थेसि सै ल्हेँ फेबै अत्तर पुरुर झोंसि च च्हमिरि चर खइ ।

* 7:30 7:29-30 0000 00:३२; लूक ३:१२

38 झाइले येशूए लिउँडले खसि खीए फ्ले डाँर रासि क्रोदै चाए मिग्लिइ येशूए फ्ले फ्हाँवाबर होइ, धै च्हि तुँसि ह्नाँसए ऋहोइ खीए फ्ले फ्योमल। येशूए फ्ले र म्वें लदै चइ छ्याँबै थाँ खबै अत्तर फोमिमल।✧

39 छ लब् म्रोसि येशूलाइ न्हिम्तो लबै फरिसीइ सैं न्हों-न्हों “चु म्हि क्त्तोंसेन्ले अगमबक्ता डिब् ग बिस्याँ चुइ खीलाइ छुइबै च्हमिरि खैतबै म्हि जा बिसि सेमल। चु पापि च्हमिरि ग!” बिबर होइ।

40 येशूजी फरिसीए सैंबै ताँ सेसि “ओ सिमोन किहने ताँ घि बिल् त्हुइमुँ,” बिइ।

सिमोनइ बिइ, “तो ताँ मुँ गुरु? बिइ।”

41 येशूजी चने बिइ, “प्लबै म्हि घिल छे बोबै असामि डिहं मुँल। चमैइ घिने हजार इह अकोने मुइ इहच्यु हजार किल् त्हुमल।

42 डिहंना-डिहंनइ च छे फोल् आखाँमा प्लबै म्हिइ चमै डिहंए छे माफ लमिंइ। छत्तसि लु बित्ति! तारे चमै डिहंए न्होरि खाबइ च म्हिलाइ ल्हें म्हाँया ललै?”

43 सिमोनइ बिइ, “डए सैंर, छे ल्हें माफ योबै म्हिइ ल्हें म्हाँया ललै।”

येशूजी चने बिइ, “किहइ ठिक ताँ मैना।”

44 झाइले येशूजी च च्हमिरि डाँइ तोसि सिमोनने बिइ, “चु च्हमिरिलाइ म्रोइमुँ वा? ड किहए धिंर खमा किहइ फ्ले खुबै क्यु या आपि, दिलेया चुइ खीए मिग्लिइ डए फ्ले खुमिसि ऋहोइ फ्योमिंइ।

45 किहइ ड म्वें आल, दिलेया ड चु धिंर होब् ओनोंन् चुइ डए फ्ले म्वें लब आपिइमुँ।

46 किहइ डए ऋर छ्युगु आफोमिं, दिलेया चुइ डए फ्लेरै या सै ल्हें फेबै अत्तर फोमिंइमुं ।

47 छतसि ड किहने बिमुं, चुइ डलाइ च्हाँ ल्हें म्हाँया लइमुं । छतसि चुए पाप ल्हें मुंलेया क्षमा तइमुं, दिलेया च्युगुदे पाप माफ योंबै म्हिइ डलाइ च्युगुदेन् म्हाँया लमुं ।”

48 झाइले येशूजी च च्हमिरिने “किहए पाप क्षमा तयाइमुं,” बिइ ।

49 चु ताँ थेसि अरू चब् चबर टिब्मैइ, “पाप क्षमा पिंब चु खाब् जा?” बिसि खें-खेंमेंन् बिबर होंइ ।

50 दिलेया येशूजी च च्हमिरिने बिइ, “किहए बिश्वासइ लमा किह जोगेएइमुं, छिं ड्हाँन्ले ह्याद् ।”

8

????? ???? ???? ??????????????

1 च लिउँई येशू सहर-सहर, नाँस-नाँसर स्युरसि परमेश्वरए ग्याल्सबै सैं तोंबै ताँ बिप्रइ । खीने बालु च्युसे डिहं चेलामैं या मुँल ।

2 अरू ल्हें च्हमिरिमैं या खीने बालु मुँल । च च्हमिरिमैं मोंइ स्यासि सब्मैं नेरो अरू नब् छबउँईले सब्मैं मुँल । चमैं न्होरि मरियम बिबै मग्दालाथेंस्यो मुँल । चउँईले येशूजी मों डिउँलो ल्हाल ।

3 चमैं न्होरि योअन्ना बिबै च्हमिरि ग्नि मुँल । च खुजास बिबै म्हिए फ्लेंस्यो मुँल । च खुजास हेरोद मुँए दरबारर चिबै के लमल । झाइले अर्को सुसन्ना बिबै च्हमिरि मुँल । चमैं नेरो अरू ल्हें च्हमिरिमैंज्यै या ह्नोंसए मुइ खर्ज लसि खीए सेवा लमल ।*

☆ 8:3 8:2-3 00000 00:५५-५६; मर्क १५:४०-४१; लूक २३:४९

2222 222222 22222 22222
(22222 22:2-2; 222222 2:2-2)

4 नाँस-नाँस उँइले म्हेए हुल खागु तसि खी डार खइ । झाइले खीजी चमैने चु अहान् घि बिइ ।

5 “तिगें म्हे घि प्लु प्लुबर ह्याल । प्लु प्लुमा कोइ प्लु घ्यार तेइ, कोइ प्लु गेगरर तेइ, कोइ प्लु पुजु मुँबै क्त्ह्योर तेइ, कोइ प्लु छ्याँबै स मुँबै क्त्ह्योर तेइ । घ्यार तेयाबै प्लुमै म्हेमैइ प्लेवाइ, नमेमै खसि चवाइ ।

6 गेगरर तेयाबै प्लुमै म्लोखलेया युनन् सियाइ तलेबिस्याँ चबै स कारयाल ।

7 छलेन पुजु मुँबै क्त्ह्योर तेयाबै प्लु म्लोखलेया पुजुए छ्यारइ च प्लु बडिल् आपिं ।

8 छ्याँबै सर तेबै प्लु बिस्याँ छेनले म्लोखइ । धै च प्लु थेब् तसि ल्हें रो रोइ ।”

च्हौ बिल् खाँसि येशूजी थेबै कैले बिइ, “थेबै न्ह मुँबैइ थेरिगे ।”

22222 22222 2222
(22222 22:22-22; 222222 2:22-22)

9 चेलामैइ खीजी बिबै ताँ छेनाले आक्होसि चु अहानइ बिल् म्हेब तो जा बिसि येशूने डचोएइ ।

10 येशूजी चमैने बिइ, “परमेश्वरए ग्याल्सबै थेब् थेबै ताँमै क्होबै ज्ञान क्हेमैलाइ पिंइमुँ । दिलेया अरुमैने बिस्याँ ड अहान उँइले पोँबुँ, तलेबिस्याँ परमेश्वरए छ्वेर प्त्हिब् धोँले: ‘चमैइ इह्योलेया आम्रोरिगे, थेलेया आक्होरिगे ।’”*

2222 222222 22222 222222222
(22222 22:22-22; 222222 2:22-22)

11 येशूजी चमैने बिइ, “अहानए अर्थ चु गः प्लु बिब परमेश्वरए ताँ ग।

12 घ्यार तेबै प्लु चुन् गः परमेश्वरए ताँ थेब्मैइ आक्वेरिगे धै चमै जोगेल् आयोरिगे बिसि दुष्ट बिबै सै खसि* चमैइ थेबै ताँ ताँन् युनन् म्लेल् लवाम् धै क्वेल् आपिं।

13 झाइले गेगरर तेबै प्लु चुन् गः खाबइ परमेश्वरए ताँ थेसि सैं तो-तोइ क्वेम्। दिलेया चमैए जरा आत। छतसि चमैइ तिस्याँदे मत्त्रे च ताँ क्वेम्, तलेबिस्याँ ह्योसए फिर दुःखमै तमा बिब धों आतमा चमैइ पिवाम्।

14 छलेन पुजु मुँबै क्ल्हयोर तेबै प्लु चुन् गः खाबइ परमेश्वरए ताँ थेमुँ। दिलेया लिउँइ चु छह खैले थोब् इहे बिसि न्हुँ लमुँ धै सम्पति खैले योब् इहे बिसि ह्युलबै सैमैर सैं ह्यासि चमैए बिश्वास म्हयाम्। छतमा चमै भोसि आत।

15 दिलेया छ्याँबै सर तेबै प्लु चुन् गः खाबइ परमेश्वरए ताँ थेसि छेनाले खोर थेंमुँ। धै चए फिर तोइ तखलेया सैदिसि ल्हें रोमै रोम्।”

???????? ???? ????
(???????? ?-??-??)

16 येशूजी धबै बिइ, “खाबज्यै बत्ति मोसि भाँडोइ आउथें, खाट न्होरै या आथें। बरु धिं न्होर खब्मैइ मि मोरिगे बिसि बत्ति नुबै क्ल्हयोर थेंम्।†☆

17 तो सै या लोइरि थेंल् आँखाँ, लोथेंइरि आम्रोंबै सै तोइ आरे। छलेन लोथेंबै ताँमें तो मुँलेया लिउँइ खन्तोदोंन् थेनेसि ताँनइ सेम्।☆

* 8:12 ०:१२ ०००० ०००० ०० ००० ००००० ००००००० ०००० ०००००००० ०० † 8:16 ०:१६
०० ००००० ००००: येशूजी बिबै ताँ लोथेंल् आत। ☆ 8:16 8:16 ००००० ०:१५; लूक ११:३३
☆ 8:17 8:17 ००००० ००:२६; लूक १२:२

चमैं डिहंसि प्लेटोयाइ धै खें-खेंमैं न्होंर “चु म्हि खाब् मुँगे? नाँ खैं नेरो क्युए भेल्गालाज्यै या खीजी च्याँ तयाद् बिमा चमैंज्यै या खीजी बिब डिंब!” बिबर होंइ ।

२६ येशू नेरो खीए चेलांमैं गालीलए क्योजा गेरासेनस ह्युलर फेखइ ।

२७ झाइले येशू डुङ्गाउँइले पखर त्होंमा मोइ स्याबै नाँसबै म्हि घि येशूने त्होइ । च म्हिइ ल्हें ओंसों ओंनोन् क्वें आखिमल धै धिरै या आटिमल छ्गोंजरे टिमल ।

२८ चइ येशू म्रोंबै तोदोंन् चिरदै खीए उँइर पदखु तसि थेबै कैले बिइ, “ओ ताँन् भन्दा थेबै परमेश्वरए च्हु येशू, क्हिहल डने तो के मुँ? यो छ्चुँ लमुँ, डलाइ दुःख आपिन् ।”

२९ तलेबिस्याँ येशूजी च म्हिउँइले मों त्होंइ ह्याद् बिल । च म्हिलाइ ल्हें खे मोइ दुःख पिंब्बें लमाल । छ्त्तसि चलाइ सँउँलिइ फैसि म्हिमैइ रुँमल । दिलेया चइ खीलाइ फैथेंबै सँउँलि छ्च्यॉन् छ्छिन् लवामल । धै मोइ चलाइ क्यु आयोंबै क्त्तह्योजरे बोयामल ।

३० येशूजी चने “क्हिहए मिं तो जा?” बिसि डच्योएमा चइ बिइ, “डए मिं फौज ग ।” तलेबिस्याँ ल्हें मोमैइ चलाइ स्याल ।

३१ “डि सजै पिंबै ल्हागिर क्रोंर आल्हाद,” बिसि मोमैइ येशूने यो छ्चुँ लइ ।

३२ चेंदोबै क्रोंर तिलिए बगाल रेरिल । धै चमैइ तिलिमैए न्होंर होंल् पिन् बिसि यो छ्चुँ लमा येशूजी च मोमै ह्याल् पिंइ ।

३३ झाइले मोमैं च म्हिउँइले त्होंसि तिलिमैए न्होंर होंयाइ । छ्त्तमा तिलिमैं सोबाल तसि कोउँइले मा डचुँइर तेयासि सियाइ ।

३४ छ्त्त तब म्रोंसि च तिलि छ्बै म्हिमै न्हेयासि च ताँमैं सहर नेरो नाँसजरे बिमिंइ ।

35 चमैए ताँ थेसि “तो तगे” बिसि इह्योबर म्हिमें येशू डाँर खमा ओंसाँ मोइ स्यासि सोबल् तबै म्हि सै चिसि क्वे खिसि येशूए फ़ले डाँर टिरिब चमैइ मोइ । छाब् मोसि चमै इहंयाँइ ।

36 च मोइ स्याबै म्हि खैले सइ बिसि मोब्मैइ इह्योएबर खब्मैने बिमिइ ।

37 छतमा गेरासेनस ह्युलबै म्हिमैइ येशूलाइ खेमैए नाँसउँइले ह्यामिन् बिसि यो छ्युँ लइ, तलेबिस्याँ चमै बेल्ले इहंयाँल । छबिमा येशू डुँडुंगार क्रेसि ह्याबि छेमा ।

38 मोइ स्यासि सयाबै च म्हिइ येशूने “ओ प्रभु डै या किहने बालु ह्याल् पिन् बिसि यो छ्युँ लबर हाँइ ।”

दिलेया येशूजी चने बिइ,

39 “किह ह्नाँसए धिर एह्याद्, धै परमेश्वरजी किहए ल्हागिर लमिबै च्हाँ थबै के अरुमैने बिद् ।”

छबिमा च म्हि ह्यासि येशूजी खीए ल्हागिर लमिबै थबै के ताँन् नाँसजरे बिबर हाँइ ।

?????? ???? ???? ?? ???? ????
(???? ?-??-??; ???? ?-??-??)

40 येशू ताल क्योँजउँइले एखमा म्हि हुलइ खीलाइ बेल्ले मान लइ, तलेबिस्याँ चमै ताँनइ येशू खोंयोँ खब् इहे बिसि हेरिल ।

41 च त्हेर्न च्हाँ धिबैँ याइरस बिबै चिब घि येशू डाँर खसि फ़ले फ्योसि चए धिर खमिन् बिसि खीने यो छ्युँ लइ ।

42 तलेबिस्याँ चल च्युसे इहंदिबैँ घिदे मुँबै च्हमि सिबिन् छेल । चए फिर ल्हयो खसि येशू चने बालु ह्याइ । छले ह्यारिमा म्हिए हुल कारग्यु तखसि खीलाइ बेल्ले घच्याट तल ।

43 च हुल न्हाँरि च्युसे इहंदि समा को ल्हबै बेथाइ दुःख योंबै च्हमिरि घि मुँल । चइ खीए बेथा सबर ल्हें म्हिमैने इह्योब्-लिब्

लसि ह्हांसने मुँबै ताँन् मुइ खर्ज लल् खॉल । दिलेया खाबज्यै या सल् लल् आखॉल ।

44 च च्हमिरिइ येशूए लिउँडँले खसि येशूए क्वेंए डोर छुइबै तोदोंन् चए को त्हब टियाइ ।

45 च त्हेर्न येशूजी “डलाइ खाबइ छुइ?” बिमा

चबै ताँन् म्हिमेंइ “डिइ आछुइ,” बिइ । दिलेया पत्रुस नेरो चमैने मुँभैइ बिइ, “ओ गुरु, किहए कारग्युले म्हिए हुल घचेट तरिइमुँ!”

46 दिलेया येशूजी बिइ, “म्हि घ्रिइ डलाइ छुइवन् ग । तलेबिस्याँ ड डाँउँडँले शक्ति त्हांह्याब डइ सेल ।”

47 च्हौ तसेरो तारे लोइ टिरिब आतमना बिब् सेसि च च्हमिरि डिहंसि त्हारदै खीए ओंसों पत्खु तइ । चइ येशूलाइ तले छुइ, धै छुइबै तोदोंन् खी खैले सइ बिबै तोन्दोंरि ताँ म्हिमेंए उँडँर बिइ ।

48 येशूजी च च्हमिरिने बिइ, “ओ च्हमिच्यों, किहए बिश्वासइ लमा किह सयाइमुँ, छुतसि छिं इहॉन्ले ह्याद ।”

49 येशू च च्हमिरिने पोरिमा च्हों धिबै चिबए धिउँडँले म्हि घ्रि खसि याइरसने बिइ, “किहए च्हमि सिल् खॉइ । तारे गुरुलाइ दुःख आपिंरिद ।”

50 चु ताँ थेसि येशूजी याइरसने बिइ, “आडिहंन्! डए ताँ क्वेंन्! किहए च्हमि सोभुँ ।”

51 झाइले याइरसए धिर फेनेसि येशूजी पत्रुस, याकूब, यूहन्ना नेरो च्हमिरि कोलोए आबा-आमा बाहेक अरू खाबलाज्यै या खीने बालु धिं न्होंर हॉल् आपिं ।

52 चर ताँन् म्हिमें क्रोरिल । झाइले येशूजी चमैने “आक्रोद, कोलो आसिइमुँ, न्हरु च्हुइरिब ग,” बिइ ।

53 च कोलो सियाल् खॉइ बिब् सेसि चमैइ येशूए बिल्लि लबर होंइ । तलेबिस्याँ च कोलो क्हांसेनन् सियाल् खॉल ।

54 दिलेया येशूजी च च्हमिरि कोलोए योर क्हासि “ओ च्हमिच्यों रेद,” बिमा

55 च च्मिरि कोलो सोसि युन्ले रेइ । धै येशूजी “चु कोलोलाइ चबै सैमै पिन्” बिसि ल्हैदिइ ।

56 छाब् म्रॉसि कोलोए आबा-आमा प्लेटोयाइ । दिलेया “चुर तबै ताँ खाबलाज्यै या आबिद् ओ बिसि येशूजी चमैने,” बिइ ।

9

*000000 000000 000000 0000 00000000 0000
(000000 00:0-00; 000000 0:0-00)*

1 च लिउँई येशूजी ह्रॉसए च्युसे डिहं चेलामै हुइसि चमैलाइ मों ल्हाल् खाब् नेरो नब् छ्बमै सल् लल् खाबै शक्ति नेरो अधिकार पिंइ ।

2 झाइले “परमेश्वरए ग्याल्सए* बारेर बिप्रदै नब् छ्बमै सल् लद् ।

3 क्हेमै ह्यामा फ्हेरे, झोला, चबै सै, मुइ, फेदिबै क्वेमै तोइ आबोद् ।

4 क्हेमै खाब् धिंर होमुं चर्न टिद्, धै च धिंउँइलेन् एखो ।

5 खाब् नाँसर क्हेमैए मान आल, टिल् आपिं, चमैए नाँसउँइले त्होमा ग्वाइए ल्हागिर ह्रॉसए फ्लेर इहाँबै त्हुलैया चमैए उँइर खारथेन् ।”☆

6 खीजी बिब् धोंले चेलामै नाँ-नाँसर ह्यासि खन्तोंदोंन् परमेश्वरउँइले खबै सै तोंबै ताँ बिप्रदै नब् छ्बमै सल् लमिंदै प्रइ ।

*00000 000000 00000000 00
(000000 00:0-00; 000000 0:00-00)*

* 9:2 9:2 00000000 000000 0000, “परमेश्वरजी राज लबर होइ । छतसि खीलाइ म्हाँदिद्, झाइले परमेश्वरजी क्हेमैलाइ आशिक पिंबु,” बिद् । ☆ 9:5 9:3-5 000 00:४-११; चिबमै १३:५१

7 येशूजी लबै केमैए बारेर थेसि गालील ह्युलबै हेरोद मुँ अलमल्ला तयाइ, तलेबिस्याँ “क्युर ऋहुँसि बप्तिस्मा पिंबै यूहन्ना सिबउँडैले धबै सोसि खना,” बिसि को-कोइ बिमल ।

8 कोइ “स्योम्बै एलिया अगमबक्ता धबै सोसि खना,” बिमल । कोइ “स्योम्बै अगमबक्तामै न्होबै घि धबै सोसि खना,” बिमल ।✧

9 दिलेया हेरोद मुँइ बिइ, “यूहन्नाए क्रम् उइ थोबर ल्हैदिल । दिलेया चु म्हि खाब् मुँगे? चुए बारेर च्हौ थेबै क्वेल् आखाँबै ताँमै उइ थेइमुँ ।” छतसि चइ येशूने त्होबै सै लइ ।

००००००० ००००० ०००० ००००० ०००० ०००००
(०००००० ००:००-००; ०००००० ०:००-००; ००००००००
०:०-००)

10 कुल्लिंबै चेला चिबै एखसि खेमैइ लबै केमै ताँन येशूने बिइ । झाइले येशूजी चमै बोसि बेथसेदा बिबै नाँसर म्हिमैइ आसेल्ले ह्याइ ।

11 दिलेया म्हिमैइ खी छले ह्याब सेसि म्हिए हुल येशू डाँर खइ । छले खमा खीजी परमेश्वरए ग्याल्सबै बारेर चमैलाइ बिमिंड । धै नब् छबै या सल् लमिंड ।

12 झाइले त्हिंयाँ लिबि छेमा च्युसे डिहं चेलामै येशू डाँर खसि बिइ, “चुर धिमै आरे । छतसि चु हुलमै चु खागुबै नाँसजरे ह्यासि चबै सै नेरो टिबै क्ल्हयो म्हेरिगे बिसि चुमै कुलद ।”

13 दिलेया येशूजी चमैने बिइ, “क्हेमैइन चमै चल पिन् ।”

छबिमा चेलामैइ बिइ, “डिने बालु चबै सै ल्हें आरे । क्हें इहबो नेरो ताँग डिहं मत्त्रे मुँ । आतस्याँ डि ह्यासि चुमैए ल्हागिर चबै सै किसि पल् त्हुलै ।”

14 च हुलर मुँयुमै मत्त्रे हजार इहदे मुँल ।

दिलेया येशूजी खीए चेलामेंने बिइ, “इहच्यु-इहच्युबै ल्हस्यार लसि तान् म्हिमें सर कहुँल् पिन् ।”

15 चमैइ म्हिमें छलेन् कहुँबर ल्हैदिइ ।

16 झाइले येशूजी च कहेँ इहबो नेरो ताँग डिहं छेसि मुउँइ इह्योसि परमेश्वरलाइ धन्यवाद पिसि कहेँ लुँइ, धै “हुलमें चुमिन्” बिसि चेलामेंने पिंइ ।

17 झाइले चेलामेंइ कहेँ चुमिंइ, धै चमै तान्इ म्नेन्ले चसेया डैबै कहेँ लुँठैमें च्युसे डिहं टहलो चेलामेंइ खुइ ।

०००००००० ००००००० ०००००० ००००
(०००००० ००:००-००; ०००००० ०:००-००)

18 तिगें येशू खी ग्निन् प्राथना लरिमा चेलामें या खी डॉर्न मुँल । प्राथना लल् खाँसि खीजी चेलामेंने “म्हिमेंइ डलाइ खाब् बिम्?” बिसि डचोएइ ।

19 चेलामेंइ बिइ, “कोइ ‘क्युर प्लहुँसि बप्तिस्मा पिंबै यूहन्ना’ बिम्, कोइ ‘स्योम्बै एलिया’ बिम्, कोइ ‘अगमबक्तामें न्होर्बै ग्नि धबै सोगो तसि खना,’ बिम् ।”[☆]

20 झाइले येशूजी “कहेमेंइन डलाइ खाब् बिम्दि?” बिसि चमैने बिइ ।

छबिमा पत्रुसइ बिइ, “किहम् परमेश्वरजी कुल्मिंबै मुँ ग ।”^{†☆}

००००००००० ००००००० ००००००० ०००००० ०००००००
००००००० ००००००००० ००००
(०००००० ००:००-००; ००००००० ०:००—०:०)

21 झाइले येशूजी “कहेमेंइ चु ताँ खैलसे खाबलाज्यै या आबिद् ओ,” बिइ ।

☆ 9:19 9:19 ०००० ००:१-२; मर्क ६:१४-१५; लूक ९:७-८ † 9:20 ०:२० ०००००००००००००००० ००००० ००००० ०००००००, खीष्ट । चए अर्थ म्हिमें जोगेमिंबै ल्हागिर परमेश्वरजी ल्हॉसि कुल्मिंबै मुँ । ☆ 9:20 9:20 ००० ०:६८-६९

22 खीजी धबै बिइ, “परमेश्वर उँइले कुल्मिंबै म्हिण् च्हीजी ल्हें दुःख नोल् त्हुम् । खो पिबै खेगि चिबुँ, शास्त्रिमें नेरो अरू चिबनाँबुँइ खैच्छिजी लसि खीलाइ सैवाबुँ, दिलेया सोंरों धबै सोगों तसि रेइ खबुँ ।”

23 धै खीजी चमैं ताँन्ने बिइ, “खाबै डण् लिलि खबै सैं लस्यौं, चइ ह्नोंसण् तोन्दोरि इच्छामैं पिवाल् त्हुम्, कति दुःख तलेया सैदिसि ल्हिंइ ह्नोंसे डण् लिलि प्रल् त्हुम् ।”

24 “खाबइ ह्नोंसण् ज्यु जोगेबै सैं लमुँ च नास तयाबुँ । दिलेया खाबइ डण् ल्हागिर ह्नोंसण् ज्यु पिमुँ चइ ह्नोंसण् ज्यु जोगेबुँ ।”

25 तलेबिस्यौं ह्युलरबैं ताँन् सुख सै न्होर योलैया ह्नोंस् सिसि नर्गर ह्याल् त्हुस्यौं तो फायदा तमुँ?

26 म्हिण् च्ही स्वर्गर परमेश्वर आबा नेरो खीण् पबित्र स्वर्गदूतमैंने टिरिबुँ । परमेश्वर आबाण् मिं थेब लबर खीण् शक्तिर स्वर्गदूतमैंने चु ह्युलर खी धबै युबुँ । झाइले ड नेरो डण् बचन उँइले फापिसि खा-खाबइ ‘डइ येशू डो आसे,’ बिल, डज्यै या च त्हेर क्हेमैं डो आसे बिबुँ ।

27 दिलेया क्ह्नोंसेन ड क्हेमैंने बिमुँ, क्हेमैं चुर राबुँ न्होरि को-कोइ म्हिइ परमेश्वरजी ग्याल्स लब आम्रोंन् समा सिरिब् आरे ।”

????? ???? ????
(????? ??-?-?; ?????? ?-?-?)

28 चु ताँ बिबै सद घ्रि लि उँइ पत्रुस, याकूब नेरो यूहन्ना बोसि प्राथना लबर खी कों उँइ ह्याइ ।

29 खी कोंर फेनेसि प्राथना लरिमा येशूण् मोड फेर्दियाइ । धै खीण् क्वें बिजुलि चारब धोंले चारयाइ ।

30 च त्हेर्न खीने बालु म्हि डिहं ताँ सेरिल । चमैँ स्योँम्बै मोशा नेरो एलिया मुँल ।

31 चमैँ स्वर्गबैँ बेल्ले चारबै ह्वेर युसि येशू यरूशलेमर सिल् त्हुम् बिसि खीने ताँ सेरिल ।

32 पत्रुस नेरो चए थुमैँ न्हरु च्हुइरिल । छोरमा बेल्ले चारबै ह्वेर येशूने बालु म्हि डिहं रारिब चमैँइ म्रोंइ ।

33 मोशा नेरो एलिया येशूउँडैँले ह्याबि छेरिमा पत्रुसइ येशूने बिइ, “ओ गुरु, डचो चुर टिब स्वाब मुँन । डचोइ सौँलो फ्हाँ बनेले ओ, घ्रि किहए ल्हागिर, घ्रि मोशाए ल्हागिर, घ्रि एलियाए ल्हागिर ।” छले खिइ तो पोंइ बिब पत्रुसइ थाइ आसे ।

34 पत्रुसइ छ, बिरिमा न्हाँम्स्यो युसि खेंमैँलाइ हुवाइ । खेंमैँलाइ छले न्हाँम्स्योइ हुवाब् म्रोंसि चमैँ बेल्ले डिहंयाँइ ।

35 झाइले न्हाँम्स्यो न्हाँउँडैँले “चु डइ त्हाँबै डए च्ह ग । चइ बिबै ताँ छेनाले थेद्,” बिबै कै चमैँइ थेइ ।✠✠

36 छ बिबै लिउँडैँ येशू खी घ्रिन् चर रारिल । छतब् म्रोंसि चेलामैँ च्याँ तयाइ, धै चमैँइ म्रोंबै ताँमैँ च त्हेर खाबलाज्यै या आबि ।

???? ???? ???? ???? ????
(???? ??:??-??; ???? ??:??-??)

37 च फ्हाँन्हाँगधों येशू नेरो चेलामैँ कोंउँडैँले क्युरु युरिमा म्हिए हुल खीने त्होबर खइ ।

38 च हुल न्हाँउँडैँले म्हि घ्रिइ कै तेसि बिइ, “ओ गुरु, ड किहने यो छयुँ लमुँ, डए च्ह सल् लमिन्, तलेबिस्याँ च डए घ्रिदे मबै च्ह ग ।

39 चलाइ मोंइ स्याइमुँ । च बेल्ले चिरब्बें लसि क्हरुिह्याम् चए सुँउँडैँले पिबि त्होमुँ, नेँ आम्योँन् समा च मोंइ डए च्ह आपि ।

40 छतसि च मों ल्हामिन् बिसि क्हुए चेलामैने डइ यो छयुं लइ । चमैइ ल्हाल् म्हैलेया ल्हाल् आखाँ ।”

41 येशूजी चमैने बिइ, “ओ विश्वास आरेबै आच्योबै म्हिमें, ड खोंयो समा क्हेमैने तरिमुं, धै क्हेमैलाइ कति सैदिल् त्हुब् जा? क्हुए च्हु चुर पउ ।”

42 च कोलो पसि खरिमा मोंइ धबै सर प्योवासि स्याला म्हाला लवाइ । छतमा येशूजी च मोंलाइ हौदिसि च कोलो सल् लमिसि चए आबाने पिंइ ।

43 परमेश्वरए च्हु थैबै शक्ति म्गोंसि चमै तांन् प्लेटोयाइ ।

ॐॐॐॐॐ ॐॐॐॐॐॐॐ ॐॐॐॐ ॐॐॐॐॐ ॐॐॐ ॐॐॐॐॐॐॐ
(ॐॐॐॐॐॐ ॐॐ:ॐॐ,ॐॐ; ॐॐॐॐॐॐॐ ॐ:ॐॐ-ॐॐ)

धै येशूजी लब्बें लबै केमैउँइले तांन् म्हिमें अचम्मा तब् म्गोंसि खीजी ह्गोंसए चेलामैने बिइ,

44 “डइ बिबर होंबै तां क्हेमैइ छेनले सैर थेंन्, तलेबिस्याँ म्हिमैइ ड म्हुए च्हुलाइ म्हिमैए योर सुम्पिदिवाब्मुं ।”

45 दिलेया येशूजी बिबै तां चेलामैइ आक्हो । तलेबिस्याँ चु तां चमैइ आक्होरिगे बिसि परमेश्वरजी चमैउँइले चए अर्थ लोथेंल । चेलामैइ चु तां आक्होलेया येशूने डचोएबर डिहंइ ।

ॐॐॐॐ ॐॐॐॐ
(ॐॐॐॐॐॐ ॐॐ:ॐ-ॐ; ॐॐॐॐॐॐॐ ॐ:ॐॐ-ॐॐ)

46 च त्हेर्न चेलामै न्होरि खाब् थैब् जा बिसि छलफल लरिल ।☆

47 दिलेया येशूजी चमैए सैबै तां था सेसि येशूजी च्योंने कोलो घ्नि पखसि ह्गोंसए उँइर थेंइ ।

48 झाइले चेलामैने बिइ, “खाबइ डए मिरं चु कोलोलाइ मान लमुं, चइ डलाज्यै या मान लमुं । धै डलाइ मान लब्मैइ ड कुल्मिंबै

परमेश्वर आबालाज्यै या मान लमुँ । छ्लेन क्हेमैँए न्होरि खाब् च्योने तसि टिमुँ चन् ताँन् भन्दा थेब् तम् ।”☆

॥॥॥॥॥॥॥ ॥॥॥॥॥ ॥॥॥॥॥॥॥ ॥॥॥॥॥॥॥॥ ॥
॥॥॥॥॥॥॥ ॥॥॥॥
(॥॥॥॥॥॥ ॥:॥॥-॥॥)

49 झाइले यूहन्नाइ बिइ, “ओ गुरु, किहए मिं तेसि मों ल्हाबै म्हि घि डिइ म्रौँइ, दिलेया डिइ चने ‘छ आलद्’ बिइ, तलेबिस्याँ च म्हि डिने बालु प्रसि किहइ बिब् धोँ आल ।”

50 छबिमा येशूजी चने बिइ, “चने तोइ आबिद्, मों ल्हाल् पिंन्, तलेबिस्या किहए बिरोध आलबमैँ किहए ख लबमैँ तम् ।”

॥॥॥॥॥॥॥॥॥॥॥॥॥॥॥॥॥ ॥॥॥॥॥ ॥॥॥॥ ॥॥॥॥

51 खी स्वर्ग ह्याबै त्हे चेंदो तखमा येशूजी यरूशलेमर्न ह्याबै सैं लइ ।

52 झाइले चब् टिवै तौदु लद् बिसि खीजी ह्रोंस् भन्दा ओंसों सामरिया ह्युलबैँ नाँस घिर म्हिमैँ कुलइ ।

53 दिलेया “येशू यरूशलेमर ह्याम्” बिब् था सेसि च नाँसथेंमैँइ खीलाइ मान आल ।

54 छतब् म्रोंसि येशूए चेलाभैँ याकूब नेरो यूहन्नाइ बिइ, “प्रभु, किहए सैंर खै इहाँइमुँ? स्वर्गउँइले मि कुलसि चुमैँ सैवाद् बिसि डिइ बिले वा ।”☆

55 छबिमा येशूजी लिग्याँ तोसि चमैँ हौदिइ ।

56 झाइले खेंमैँ अर्को नाँसर ह्याइ ।

॥॥॥॥॥॥ ॥॥॥॥॥ ॥॥॥॥॥॥॥ ॥॥॥॥॥॥॥॥॥॥
(॥॥॥॥॥॥ ॥:॥॥-॥॥)

5 “कहेमै खाब् धिर होंमुँ, चर होंबै तोदोंन् ‘चु धिर शान्ति तरिगे’ बिद्।

6 च धिर शान्ति म्हैबै म्हि मुँस्याँ कहेमैए शान्तिए आशिक चने ल्हैदिब्मुँ। च धिर शान्ति म्हैबै म्हि आरेस्याँ च शान्तिए आशिक किहमैने बालुन् एखब्मुँ।

7 झाइले च धिं घिरन बास टिद्। च धिबै म्हिमैइ कहेमैलाइ तो पिंमुँ चन् चसि चर्न टिद्। तलेबिस्याँ मोमैइ ह्मोंसए नों सै योल् त्हुम्।*

8 कहेमै खाब् नाँसर ह्यामुँ चबै म्हिमैइ कहेमै मान लसि चबै सेमै तो पिंमुँ चन् चद्।

9 झाइले च नाँसबै नब्-छ्बमै सल् लद्, धै ‘परमेश्वरए ग्याल्स कहेमैए डाँन फेखइमुँ’ बिसि चमैने बिद्।

10 दिलेया कहेमै नाँस घिर ह्यामा चबै म्हिमैइ कहेमै बास आपिं, मान आल बिस्याँ च नाँसबै घ्याँजरे ह्यासि बिद्,

11 ‘कहेमै परमेश्वरए बिरोधी तइ। छ्तसि चु छ्याब् पिंबै प्रमाणए ल्हागिर डिए फ्हेलेर इहाँबै त्हुलै या डिइ चुर्न खारथेम्। दिलेया चु ताँ सैर थेन् परमेश्वरए ग्याल्स कहेमैए डाँन फेखइमुँ,’ बिद्।**

12 इ कहेमैने बिमुँ, परमेश्वरजी निसाफ लबै त्हिंइर सदोमथेमैइ भन्दा च नाँसथेमैइ झन् थेबै सजै योँब्मुँ।*

⦿⦿⦿⦿ ⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿⦿
(⦿⦿⦿⦿⦿⦿ ⦿⦿⦿⦿⦿⦿)

13 “धिक्कार मुँ खोराजीनथेमै! कहेमै बेल्ले सै क्रोल् त्हुम्! धिक्कार मुँ बेथसेदाथेमै, कहेमै या बेल्ले सै क्रोल् त्हुम्! तलेबिस्याँ कहेमैए नाँसजरे तब् धोँबै परमेश्वरए शक्तिए केमै

* 10:7 10:7 □ □□ □:१४; १ तिमो ५:१८ * 10:11 10:4-11 □□□□ □:७-१४; मर्क ६:८-११; लूक ९:३-५ * 10:11 10:10-11 □□□□□ □:५१ * 10:12 10:12 □□ □□:२४-२८; मत्ती ११:२४; मत्ती १०:१५

टुरोस नेरो सिदोनर तस्यां चबै म्हिमें स्योमन् हेंगा खिसि मेब्रो फिर कहुँसि खेंमेंए आछ्याँबै बानि पिसि परमेश्वरउँइ सैं एमल ।*

14 परमेश्वरजी निसाफ लबै त्हिंइर टुरोस नेरो सिदोनथेंमेंइ भन्दा कहेमेंइ झन् थेबै सजैं योँब्मुँ ।

15 ओ कफर्नहुमथेंमें! कहेमें स्वर्गर ह्याल् योँम् इहाँल् वा? आयोँ! कहेमें नर्गर्न भ्योँवाब्मुँ ।”*

16 येशूजी धबै चेलामेंने बिइ, “खाबइ कहेमेंइ बिबै ताँ थेमुँ, चइ डए ताँ थेम् । दिलेया खाबइ कहेमेंइ बिब आडिंसि बिरोध लम्, चइ डए बिरोध लम् । छलेन खाबइ डइ बिब आडिंसि बिरोध लमुँ, चइ ड कुल्मिंबै परमेश्वर आबालाज्यै या बिरोध लम् ।”*

???????? ???

17 च लिउँइ डिच्यु चेलामें बेल्ले सैं तोँदै येशू डारँ एखसि बिइ, “ओ प्रभु, डिइ किहए मिं किसि मोँमें ल्हामा चमेंइ डिइ बिबै ताँ डिँइ ।”

18 छबिमा येशूजी चमेंने बिइ, “ओं, काम्लि-तिम्लि युब् धोले मोँमेंए मुँ दुष्ट स्वर्गउँइले क्युरु खारयुब डइ प्रोँइ ।

19 डए ताँ थेद! डइ कहेमेंलाइ फ्हरिमें, बिच्छ्रमें प्लेल् खाँब नेरो शत्तुरमेंए ताँन् शक्तिए फिर ट्होल् खाँबै हग पिँइमुँ । छतसि तोइ सैज्यै या कहेमेंलाइ न्होह्रोँ लल् खाँरिब आरे ।*

20 दिलेया कहेमेंइ बिब मोँमेंइ डिँना बिसि सैं आतोंन्, बरु परमेश्वरजी कहेमेंए मिं स्वर्गर फ्हिथेंइमुँ बिसि सैं तोंन् ।”

???????? ???? ???? ???? ???? ????
(???? ??:??-??; ??:??-??)

* 10:13 10:13 00 00:१-१८; इज २६:१—२८:२६; योए ३:४-८; आमो १:९-१०; जक ९:२-४ * 10:15 10:15 00 00:१३-१५ * 10:16 10:16 0000 00:४०; मर्क ९:३७; लूक ९:४८; यूह १३:२० * 10:19 10:19 00 00:१३

21 च त्हेर्न येशू परमेश्वरए पबित्र प्न्हजी प्लंसि सैं तोंदै बिइ, “ओ आबा, स्वर्ग नेरो पृथ्वीबै कल्हे किहन् ग, ज्ञान मुँबै नेरो ह्रब-सेबै उँडले लोथेबै छ्याँबै ताँ कोलोमें धों तबै तोइ आह् आसेबैलाइ किहइ कहोमिंइमुँ। ओ आबा, किहजी छ्यान् लब छ्याँब इहाँइ। छ्रतसि ड किहलाइ धन्यबाद पिंमुँ।

22 “डए परमेश्वर आबाजी तोन्दोरि सै डलाइ पिंइमुँ। च्हा खाब् जा बिसि परमेश्वर आबाजी मत्रे सेमुँ अरूमैइ आसे, परमेश्वर आबा खाब् जा बिसि च्हाइ मत्रे सेमुँ अरूमैइ आसे। ‘परमेश्वर आबा डो सेरिगे’ बिसि डइ उँडदा इहाँबैइ मत्रे खीलाइ डो सेम, अरू खाबज्यै या परमेश्वर आबा डो आसे।”☆

23 येशूजी ह्रोंसए चेलांमै डँइ तोसि अरू ग्हिमैइ आथेल्ले बिइ, “कहैमैइ म्रोंबै सैमै म्रोंल् योंबै इहो सबै ग।

24 तलेबिस्याँ डइ कहैमैने बिमुँ, स्योम्बै अगमबक्ता नेरो मुँमैज्यै या कहैमैइ म्रोंबै केमै इह्योदा इहाँल, दिलेया इह्योल् आयोल्। छ्रलेन कहैमैइ थेबै ताँमै थेदा इहाँइ, दिलेया थेल् आयोल्।”

?? ????-?????? ???? ??

25 परमेश्वरए छ्रवे ह्रबै ग्हि त्रिइ येशूए जाँच लसि ताँ कहाल् त्हुइ बिबै सैले खीने डचोएइ, “ओ गुरु, खोंयोँइ आखाँबै छ्रह योंबै ल्हागिर डइ तो लल् त्हुम्?”

26 येशूजी चने बिइ, “मोशाए टिमर तो प्हिइमुँ? चर किहइ तो खेइ?”

27 चइ बिइ, “ किहइ ह्रोंसए प्रभु परमेश्वरलाइ ह्रोंसए खों न्होंउँडले, सैं न्होउँडले, ह्रोंसइ ह्रब्दे, सेब्दे, खाँब्दे म्हाँया लद, धै ह्रोंसए इहेब-ट्हुबै ह्रोंस धोलेन् म्हाँया लद।” ☆

28 पेशूजी चने बिइ, “क्हिइ ठिकन् बिइ। छान् लद, छ लइबिस्यां क्हिइ खोंयोइ आखाँबै छह योब्मुं।”✠✧

29 दिलेया च म्हिइ ह्रोंस ठिक के लबै म्हि ग बिसि फ़ैंबर “छ बिस्याँ डए इहेब्-टहुब् खाब् जा?” बिसि डचोएमा

30 पेशूजी अहानउँडले छले बिइ, “म्हि घि यरूशलेम सहरउँडले जेरिको नाँसउँड ह्याबै घ्याँर खी घिन् ह्यारिल। छले ह्यारिमा घ्याँर ह्योमैइ चलाइ क्हासि चए मारा, मुइ, नेरो क्वें फ़ेंवासि क्लुँनन् लसि सो मत्त्रे चैल्ले बेल्ले धोंसि घ्याँर्न वाथेंइ।

31 तिस्याँदे लिउँड खो पिबै खेगि घि च घ्याँउँडले खइ। दिलेया ह्योइ धोंवाबै म्हि म्रोंसि च तिरइले छ्युडिह्याइ।

32 छलेन च धोंलेन् मन्दिरबै खेगि लेबीए खलकबै म्हि या च कल्ह्योर फेखसि च म्हि म्रोंमा चै या घ्याँए रेरेउँडले छ्युडिह्याइ।

33 “च लिउँड सामरिया ह्युलबै म्हि घि या* च घ्याँ तसि खरिमा च ह्योइ धोंवाबै म्हि म्रोंसि चए सैर बेल्ले ल्होयो खइ।

34 धै च डार ह्यासि मै फोमिसि चए धार पट्टि फैमिसि खीए गधाए फिर थेंसि ठाँटि घिर बोसि चए सुसार लइ।✠ 35 फ़्हँहाँगधों ह्याबै त्हेर च सामरियाथेंइ ठाँटिबै क्लहेने चाँदिए मुइ डिहं पिसि चु म्हि छेनले इह्योमिन् अरू कति खर्ज ल्हौदिलेया ड एखमा फोमिस्यो,” बिइ।

36 चु अहान् बिल् खाँसि पेशूजी च ठिम लोमिबै गुरुने “चु सौलो म्हिमै न्होरि खाबइ च ह्योइ धोंवाबै म्हिलाइ इहेब्-टहुब्मै धोंले म्हाँया लइ?” बिसि डचोएमा

37 च ठिम लोमिबै गुरुइ बिइ, “चए फिर ल्हयो खबै सामरियाथेंइ।”

✠ 10:28 10:25-28 ॐॐॐॐ ॐॐॐॐ ॐॐॐॐ ॐॐॐॐ ॐॐॐॐ ✧ 10:28 10:28 ॐॐॐॐ ॐॐॐॐ

* 10:33 10:33 ॐॐॐॐॐॐ ॐॐॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐॐॐ ॐॐॐॐॐॐ

✠ 10:34 10:33-34 ॐ ॐॐ ॐॐॐॐ

येशूजी चने बिइ, “छ बिस्याँ ह्याद् किहज्यै या छाबै केन् लद्।”

222222 2222 222222

38 झाइले येशू चेलामेंने बालु घ्यार ह्यारिमा नाँस घिर फेखइ । च नाँसर मार्था बिबै च्मिरिइ खीलाइ ह्योसए धिर चब् चबर हुइ ।

39 मार्थाल मरियम मिं मुँबै अडाँ मुँल । मरियम प्रभु येशूए फहले डाँर कहुँसि खीजी लोमिंबै ताँ थेरिल ।*

40 दिलेया मार्था बिस्याँ चब् लबर आतुर तरिल । छतसि मार्था येशू डाँर ह्यासि बिइ, “ओ प्रभु, डाँर अडाँइ के लबर डलाइ आल्हो! किहइ चु ताँए बिचार आल वा? के ल्होबर च ड डाँर कुलमिन् ।”

41 दिलेया प्रभु येशूजी चने बिइ, “ओ, मार्था किहइ ल्हें ताँर न्हुँ लम् ।

42 दिलेया ताँ घ्रि मत्त्रे चैदिम् । काजी मरियमइ च छयाँबै ताँ त्हाँइ । छतसि च ताँ चउँइले डइ फ्हेरिब् आरे ।”

11

222222 22222222 22 222222
(222222 2: 2-22; 2: 2-22)

1 तिगें कल्ह्यो घ्रि येशू प्राथना लरिल । खीजी प्राथना लल् खाँबै लिउँइ खीए चेला घ्रिइ खीने बिइ, “ओ प्रभु, क्युर प्हुँसि बप्तिस्मा पिंबै यूहन्नाइ ह्योसए चेलामें प्राथना लब् लोमिंब् धोले डिलाज्यै या लोमिन् ।”

2 येशूजी चमेंने बिइ, “कहेमैइ प्राथना लमा छले लद्:
‘ओ आबा,
ताँन् म्हेमैइ किहए मिं पबित्र म्हाँदिरिगे,

कहिए ग्याल्स युरिगे,
 3 डिङ्ग त्तिङ्ग ह्नासेबै चबै सै तियाँ डि पिनूँ।
 4 डिङ्ग पाप क्षमा लमिनु,
 तलेबिस्याँ डिङ्ग फिर आछ्याँबै के लब्बैलाइ डिङ्ग्यै या डि
 क्षमा लम्।
 डि सैदिल् आखाँबै जाँजर च्हांल् आपिनु।'”

5 झाइले येशूजी ह्नासेबै चेलामैने चु अहान् बिङ्ग, “कहेमैङ्ग
 न्होरि खाब् मुँलेया म्हुँङ्गस आधार थु डाँर ह्यासि ‘ओ थु, म्ल्हसि
 सोम्ना खिद,’ बिम्।

6 तलेबिस्याँ थु घि तोगो ड डाँर बास टिबर खिङ्गमुँ, दिलेया डने
 चल पिँबै सै तोङ्ग आरे।

7 “दिलेया कहिए थुङ्ग थिं न्होँउँङ्गले छोरि इहान् आबित्ति। डङ्ग
 म्ना तोरवाइ। तोगो डङ्ग कोलोमैँ डने बालु न्हरु च्हुङ्गइरिङ्गमुँ। तोगो
 ड रेसि कहिलाइ तोङ्ग पिँल् आखाँ,’ बिम्।

8 “डङ्ग कहेमैने बिम्, थु तना बिलेया च रेसि कहिलाइ तोङ्ग आपिं,
 दिलेया कहिङ्ग ह्निबै-ह्निबन् लमा च रेसि कहिलाइ चैदिबै तोन्दोरि
 सै पिँबुँ।*

9 “छ्त्तसि ड कहेमैने बिम्, तो सै चैदिमुँ ह्निब्रें लद, झाइले
 परमेश्वरजी पिँबुँ। म्हैब्रें लद कहेमैङ्ग स्याबुँ। म्मार ह्नाब्रें लद
 कहेमैङ्ग ल्हागिरि खीजी म्ना थोमिँबुँ।

10 तलेबिस्याँ ह्निबैङ्ग योँबुँ, म्हैबैङ्ग स्याबुँ, झाइले म्मार
 ह्नाबैङ्ग ल्हागिरि परमेश्वरजी म्ना थोमिँबुँ।

11 “सैर मैन्दि, कहेमैङ्ग न्होरि ह्नासेबै च्हुङ्ग क्हेँ ह्निमा युँमा पिँबै
 आबा खाब् मुँगे धै ताँग ह्निमा ताँगए साटोर फ्हरि पिँम् रो वा?

* 11:8 11:8

12 छलेन कहिए फसेइ नग फुँ ह्निमा कहिइ बिच्छि पिम् रो वा? आपिं!

13 कहेमैं दुष्ट तलेया ह्नोंसए फसेमैंलाइ छयाँबै सैमैं पिल् ह्म बिस्याँ, झन् स्वर्गर टिबै कहेमैंए परमेश्वर आबाजी खीने बालु ह्निभैंलाइ कति ल्हें पबित्र प्ल्ह पिब्मुँ।”

१११११ १११११ ११११११११११
(११११११ १११:१११-१११; ११११११११ १:१११-१११)

14 तिंगें येशूजी मोंइ स्यासि लड तयाबै म्हि घिउँइले मों ल्हामा मों त्होंयाबै लिउँइ च लडा पोंबर होइ। छ तब म्गोंसि च खाउ मुँबै म्हिमैं प्लेटोयाइ।

15 दिलेया चमैं न्होंबैं को-कोइइ “मोंमैंए चिब बालजिबुलउँइले† चइ मोंमैं ल्हाम्,” बिइ।☆

16 अरू म्हिमैंइ बिस्याँ “परमेश्वरजी कहिलाइ शक्ति पिब् ग बिस्याँ स्वर्गबैं चिनु घि उँइन्,” बिसि येशूए जाँच लइ।☆

17 दिलेया येशूजी चमैंए सैंबैं ताँ सेसि चमैंने बिइ, “ग्याल्स घिबैं म्हिमैं खें-खेंमैंए न्होंर्न आक्हिस्याँ च ग्याल्स नास तयाम्। छलेन धिं घिबैं परवामैं आक्हिस्याँ चमैं या नास तयाम्।

18 च धोंलेन् दुष्ट ह्नोंसनेन् आक्हिस्याँ चए ग्याल्स खैले टिकिदल् खाँम्?

“तलेबिस्याँ बालजिबुलए शक्तिउँइले डइ मोंमैं ल्हाम् बिसि कहेमैंइ बिम्।

19 बालजिबुलए शक्तिउँइले डइ मों ल्हाम् बिस्याँ, कहेमैंए टोलिबैं म्हिमैंइ खाबै शक्तिउँइले मोंमैं ल्हाम्? छ तसि चमैंइन् कहेमैंए निसाफ लब्मुँ।

† 11:15 ०३:१५ ०००००००० ००००० ०००० ०००० ०००० ०००० ००० ०० ☆ 11:15
11:15 ००००० ०:३४; १०:२५ ☆ 11:16 11:16 ००००० ००:३८; १६:३; मर्क ८:११

20 दिलेया परमेश्वरए शक्तिउँडले डइ मोंमें ल्हाम् बिस्याँ, परमेश्वरए ग्यात्सबै शक्ति क्हेमैए म्हाँजोर तखइमुँ बिसि क्हेमैइ सेल् ल्हुम् ।

21 “झाइले अको ताँ थेद! भोंबै म्हि घ्निइ‡ हत्यारमै छेसि ह्नोंसए धिं रूम् बिस्याँ चए सै न्होर खाबज्यै या बोल् आखाँ ।

22 दिलेया च भन्दा भोंबै म्हि§ चए फिर ह्वानेसि ट्वाहोवाम्, धै च म्हिइ भर लबै हत्यारमै फ्हेवाम्, धै चए धिंर मुँबै सैमै बोयासि अरूमैलाइ चुमिंम् ।

23 छतसि डाए ख आलबै म्हि डाए विरोधी ग । धै डने बालु आखुबै म्हिइ खन्तोदोन् फुँवाम् ।*

§§§§§§§§§§ §§§§ §§§§ §§§§
(§§§§§§§§ §§:§§-§§)

24 “झाइले अको ताँ: म्हिउँडले मों त्होंबै लिउँड च मों बास म्हैबै ल्हागिर छाइ छुइ खन्तोदोन् प्रम् । दिलेया खनिरै बास आयोमा ‘ओंसों टिबै धिंर्न ड एह्याम्,’ बिम् ।

25 “छले च मों एखमा च धिं खाँसों इहान्ते फ्योसि सजेथेब् चइ स्याम् ।*

26 छतसि च मों ह्यासि अझै ह्नोंस् भन्दा दुष्ट मों डिउँलो पखसि चमै ताँन् च न्होर टिम् । झाइले च म्हिए छ्ह ओंसोंबै भन्दा लिउँडबै झन् आछ्याँब तम् ।”

§§§§§§§§§§§§§§§§§§§§ §§§§§§ §§§§§§

27 येशूजी छ् बिरिमा हुल न्हांउँडले च्हमिरि घ्निइ थेबै कैले बिइ, “क्हिलाइ फिसि इहे तिबै आमाइ बेल्ले आशिक योंइमुँ ।”

‡ 11:21 11:21 § 11:22 11:22
§ 11:23 11:23 * 11:25
‡, मतलब म्हि, क्होते मुँ, तलेबिस्याँ च म्हिइ परमेश्वरए फ्ह सैर आथेइमुँ ।

28 दिलेया येशूजी च च्मिरिने बिइ, “ओ नानि, डए ताँ थेद्! परमेश्वरए ताँ थेसि खीजी बिब् म्हाँदिबै म्हिइ झन् आशिक योँम्मुँ।”

ॐॐॐॐॐॐ ॐॐॐॐ ॐॐॐॐॐॐ ॐॐॐॐ
(ॐॐॐॐॐॐ ॐॐ:ॐॐ-ॐॐ)

29 छले म्हिए हुल् ल्हें तदै ह्यामा येशूजी बिइ, “तिंजोरोबै म्हिमैँ दुष्ट ग। चुमैँइ ड परमेश्वरजी कुल्मिंबैँ म्हि ग बिस्याँ डिने प्रमाण उँडँन् बिम्। दिलेया स्योँम्बैँ योना बिबैँ अगमबक्ताए छहर तब् धोँ तबैँ चिनु मत्त्रे चुमैँइ म्रॉल योँम्मुँ, अरू चिनु म्रॉल योरिब् आरे।☆

30 तलेबिस्याँ निनबे बिबैँ सहरबैँ म्हिमैँए ल्हागिर योना† औदिबैँ चिनु तब् धोँले म्हिए च्ह तिंजोरोबैँ म्हिमैँए ल्हागिर प्रमाण तब्मुँ।☆

31 झाइले निसाफ लबैँ त्हिंइर शेबा‡ बिबैँ ह्युलबैँ मुँस्यो रासि तिंजोरोबैँ म्हिमैँलाइ छ्याब् ल्हैँदिब्मुँ, तलेबिस्याँ स्योँम्बैँ इस्राएल ह्युलबैँ सोलोमन मुँए ज्ञानए ताँ थेबर ह्नेंगो ह्युलउँडँले च मुँस्यो खइ। दिलेया थेद्! सोलोमन मुँ भन्दा झन् थेबैँ म्हि तोगो चुर मुँ।☆

32 झाइले निसाफ लबैँ त्हिंइर निनबे बिबैँ सहरबैँ म्हिमैँइ तिंजोरोबैँ म्हिमैँए फिर छ्याब् मुँबन् ठदिब्मुँ, तलेबिस्याँ योनाउँडँले परमेश्वरए ताँ थेसि निनबे बिबैँ सहरबैँ म्हिमैँइ ह्त्रोँ-ह्त्रोँसए आछ्याँबैँ के पिसि परमेश्वरउँडँ सैँ एल। छतसि थेद्! योना भन्दा झन् थेबैँ म्हि चुर मुँ।”☆

☆ 11:29 11:29 ॐॐॐॐ ॐ:४; मर्क ८:१२ † 11:30 ॐॐ:३० ॐॐॐॐ ॐॐॐॐ ॐॐॐॐॐॐ
ॐॐॐॐॐ ॐॐॐ ॐॐॐ ॐ ॐॐॐॐॐ ॐॐॐॐॐॐ ॐॐॐॐॐॐ ॐॐ ॐॐॐ ☆ 11:30 11:30 ॐॐॐ ॐ:४
‡ 11:31 11:31 ॐॐॐॐ ॐॐॐॐॐ ॐॐॐॐॐॐ, दक्षण ☆ 11:31 11:31 ॐ ॐॐॐॐॐ ॐॐ:१-१०; २
इति १:१-१२ ☆ 11:32 11:32 ॐॐॐ ॐ:५

११:३३ ११:३३ ११:३३ ११:३३ ११:३३ ११:३३ ११:३३ ११:३३ ११:३३ ११:३३
(११:३३ ११:३३; ११:३३-३३)

33 येशूजी धबै बिइ, “खाबज्यै या बत्ति मोसि च्ह्योगों न्होर आलो, मतलब भाँडोइ आउथें, बरु धिं न्होर खबै म्हिमैइ मि मोरिगे बिसि नुबै क्ल्ह्योर थेंम्।*
34 किहए मि ज्युबै बत्ति ग। किहए मिइ छ्याँबै सै इह्योइ बिस्याँ किहए सैं या छ्याँब तसि चारब तम्। दिलेया मिइ आछ्याँब सै इह्योइ बिस्याँ किहए सैं या आछ्याँब तसि मिछु तयाम्।

35 छतसि क्हेमैने मुँबै चारब मि मिछु आतरिगे बिसि सैं चिद्। §
36 किहए ज्युर मिछु आतल्ले ज्यु तिगोंन् चारब सै मुँस्याँ बत्ति चारब धोले किहए ज्युउँले परमेश्वरए मिं चारब्मुँ।”*

११:३३ ११:३३ ११:३३ ११:३३ ११:३३ ११:३३ ११:३३ ११:३३ ११:३३ ११:३३
(११:३३ ११:३-३३; ११:३३ ११:३३-३३)

37 येशूजी चु ताँमैं बिल् खाँबै लिउँई फरिसी घिइ येशूलाइ खीए धिंर चब् चबर हुइ। झाइले येशू चाए धिंर ह्यासि चब् चबर कहुँइ।
38 येशूजी यो आखुल्ले चब् मोसि च न्हिम्तो लबै फरिसी प्लेटोयाइ।

39 छतमा येशूजी चने बिइ, “क्हेमैं फरिसीमैं थलि प्हेलाए फि-फि छेन्ले म्याम्। † दिलेया क्हेमैए सैर बिस्याँ आछ्याँबै ताँमैं नेरो लोबइ प्लिंडमुँ।”
40 “ओ, आमादुमै! बैरुबै सै बनेबै परमेश्वरजीन् न्होँबै सै या बनेब आडिं वा?

40 “ओ, आमादुमै! बैरुबै सै बनेबै परमेश्वरजीन् न्होँबै सै या बनेब आडिं वा?

40 “ओ, आमादुमै! बैरुबै सै बनेबै परमेश्वरजीन् न्होँबै सै या बनेब आडिं वा?

☆ 11:33 11:33 ११:३३ ११:३३; मर्क ४:२१; लूक ८:१६ § 11:35 ११:३५ ११:३५, लोमिबै तो-तो ताँ म्हिमैइ छ्याँब इहाँमुँ, च ताँ लिउँई आछ्याँब आतरिगे बिसि सैं चिद्। * 11:36 ११:३६ ११:३६, छ्याँबै मिइ परमेश्वरउँई इह्योसि सैर छ्याँब छ्याँबै ताँमैं मत्ते तम्, दिलेया दुष्ट मिइ आछ्याँबै घ्याँउँई इह्योसि दुष्ट ताँमैं सैर तम्। † 11:39 11:39 ११:३९ ११:३९ ११-११ ११:३९ ११:३९ ११:३९ ११-फि म्याब धोले चमैइ ह्योसए ज्यु या फि-फि खुम्।

41 क्हाए थलि फ़ेलार मुँबै सैमै आयोँबमै पिन् । छ लस्याँ न्हों मुँलेया बैरु मुँलेया क्हेमैए ल्हागिर ताँन् चोखो तब्मुँ ।

42 “धिक्कार मुँ फरिसीमै क्हेमै सै क्रोल् त्हुम्! क्हेमैइ जिरामरिज पतिना छाबै च्युगुथिर सैमैलै या च्योसि च्युबाँबै तिबाँ परमेश्वरए मिर पिंमुँ, दिलेया क्हेमैइ अरूए फिर ठिक निसाफ आल, धै परमेश्वरलाइ सै न्होंउँडले म्हाँया आल । च्युबाँर तिबाँ पिंब छ्याँब ग, दिलेया अरू केमै या क्हेमैइ छेनाले लल् त्हुमल ।”

43 “धिक्कार मुँ फरिसीमै क्हेमै सै क्रोल् त्हुम्! क्हेमै च्हां धिंजगोर ह्यामा मान योल् त्हुबै क्त्ह्योर क्हुँल् म्हेमुँ! धै बजारजरे ह्यामै या म्हिमैइ मान लसि म्हाँदिरिगे इहाँम् ।

44 “धिक्कार मुँ क्हेमै सै क्रोल् त्हुम्! क्हेमै छ्योँ म्ह्योँ आयोँबै छगोँ धोँ तब् ग, ‘न्होंर सिनु मुँ’ बिब आसेसि म्हिमै चए फिफि प्रम् ।”

45 शास्त्रिमैए न्होँबै घिइ येशूने बिइ, “ओ गुरु, किइइमि छाबै ताँमै बिसि डिए आबु वाइ ।”

46 येशूजी बिइ, “क्हेमै शास्त्रिमैलाज्यै या धिक्कार मुँ! सै क्रोल् त्हुम्! म्हिमैइ नोल् आखाँबै ते क्हेमैइ नोद् बिमुँ, दिलेया क्हेमै बिस्याँ यो च्याफै टिरिम् ।

47 “धिक्कार मुँ, क्हेमै क्रोल् त्हुम्! तलेबिस्याँ क्हेमैए खेमैइ सैवाबै स्योँम्बै अगमबक्तामैए मान लब् फ़ैसि क्हेमैइ छ्याँबै देवलमै बनेमुँ ।

48 क्हेमैइ छलमा ‘डिए खेमैए केमै ठिकन् मुँल,’ बिमुँ । तलेबिस्याँ चमैइ स्योँम्बै अगमबक्तामै सैवाइ, दिलेया क्हेमैइ चमैए ल्हागिर देवल बनेइ ।

49 छतसि 'डइ चमैँ डार अगमबक्तामैँ नेरो स्यारबो कुलम्,' बिसि तोन्दोरि ताँ सेबै परमेश्वरजी बिल। 'दिलेया च कुलभैँ न्होरि को-कोइलाइ चमैँइ सैवाभुँ, कोइलाइ हुगुदिभुँ।'

50 छतसि ह्युल केब् ओनोंबै तियाँ समा अगमबक्तामैँ सैवाबै पापए सजैँ तिंजोरोबै म्हिमैँइ बेहोर्दिल् त्हुम्।

51 ओं, ड क्हेमैँने बिमुँ, हाबिल सैवाबै त्हे ओनोंबै पबित्र मन्दिर नेरो खो पिंबै क्ल्ह्योए म्हाँजोर जखरिया सैवाबै त्हे समाबैँ ताँन् सजैँ तिंजोरोबै म्हिमैँइ बेहोर्दिल् त्हुम्।*

52 “क्हेमैँ शास्त्रिमैँ धिक्कार क्हेमैँ क्रोल् त्हुम्! क्हेमैँइ क्होसेन्बै ज्ञान बुद्धि योंबै म्राए साँजु किंबम् किंइ, दिलेया क्हेमैँ ह्रोंसै या न्होर आहों, हौल् म्हैँभैँलाज्यै या क्हेमैँइ हौल् आपि।”

53 येशू च धिउँइले त्होंबै लिउँइ शास्त्रिमैँ नेरो फरिसीमैँइ खीए विरोध लदै खीने त्हेँ ताँमैँ डचोएबर होंइ।

54 “येशूजी ताँ पोंमा खनिज्यै गलित्त स्यासि ताँ कहाल् योंम् उ?” बिसि चमैँइ दाउ ड्ह्योबर होंइ।

12

10:26,27
10:26,27
(10:26,27 10:26,27)

1 च त्हेर्न हजार हजार म्हिमैँ चर खागु तइ। छले त्हेँ म्हिमैँ तमा म्हिइ म्हिन् प्लेबर होंइ। धै येशूजी ओंसों ह्रोंसए चेलामैँने बिइ, “फरिसीमैँए क्हेर झोंबै प्लेढाउँइले जोगेइ टिद्। चमैँल स्योलिबै ताँमैँ लोमिंबै बानि* मुँ। छतसि छेनाले ताँ क्होसि न्ह क्रों मि क्रोंले टिद्।*

* 11:51 11:51 ०:८; २ इति २४:२०-२१ * 12:1 12:1 ०:०००००० ०:००००० ०:००००००
०:००० ०:०००, ताँ मि लमुँ, के अकों लम्। * 12:1 12:1 ०:०००० ०:०:६; मर्क ८:१५

2 तलेबिस्याँ तोगो क्हेमैइ तो सै हुथेंलेया लिउँइ ताँन् म्हिमैइ प्रोब्मूँ। झाइले तो ताँ लोथेंबै लिउँइ ताँन् म्हिमैइ सेब्मूँ।*

3 छत्तसि क्हेमैइ मिच्छु खैबर बिबै ताँमै लिउँइ त्हिंइर म्हिमैइ थेब्मूँ। धिं न्होर क्हेमैइ सो कैले पोबै ताँ या धिं फ्हेँउँइले खन्तोँदोन् थेनेब्मूँ।”

११११ १११११११ १११११११ १११११११?
(१११११ ११:११-११)

4 येशूजी धवै बिइ, “ओ डए थुमैँ! ड क्हेमैँने बिमुँ, क्हेमैँए ज्यु सैल् खाँबै म्हिमैँ प्रोसि आडिहंन्। तलेबिस्याँ ज्यु सैल् खाँलेया चमैँइ च भन्दा ल्हेँ तोइ लल् आखाँ।

5 दिलेया खाब् प्रोसि डिहंल् त्हुम् बिस्याँ ड क्हेमैँने बिमुँ, क्हेमैँ परमेश्वर प्रोसि डिहंनु, तलेबिस्याँ म्हि सैवासि नर्गर भ्याँवाबै शक्ति खीने मुँ।

6 “भुइ डिहफुँर कोर्मेँ इह आलों वा? च्हगर्न योंबै कोर्मेँ म्त्रिलाज्यै या परमेश्वरजी आम्लेनले छेनाले इह्योम् बिस्याँ

7 झन् क्हेमैँलम् ऋफ्हो या म्त्रि म्त्रिले परमेश्वरजी च्योइ थेंइमुँ। छत्तसि तिफुँइ आडिहंन्, परमेश्वरए उँइर ल्हेँ कोर्मेँ भन्दा क्हेमैँ सै ल्हेँ फेब मुँ।

११११ “११ ११११” ११११ “११ १११” ११११
(१११११ ११:११, ११; ११:११; ११:११, ११)

8 “छत्तसि डइ क्हेमैँने बिमुँ, खाबइ म्हिमैँए उँइर ‘येशू डए प्रभु ग’ बिमुँ, च म्त्रिलाज्यै या परमेश्वरउँइले कुल्मिंबै म्त्रिहए च्हजी परमेश्वरए स्वर्गदूतमैँ उँइर ‘चुम् डए म्त्रि ग’ बिमुँ।

9 दिलेया खाबइ म्हिमैँए उँइर ‘डइ येशू डो आसे,’ बिमुँ, डज्यै या परमेश्वरए स्वर्गदूतमैँए उँइर ‘चु डइ डो आसे,’ बिमुँ।

10 “झाइले म्हिए च्हए बिरोधर पोंबैइ क्षमा योंब्मुं । दिलेया पबित्र प्हए बिरोधर पोबैइ† क्षमा योंरिब आरे ।* ”

11 “झाइले म्हिमैइ क्हेमैलाइ च्हों धिबै चिबै नेरो क्रथेमै डाँर क्हाबोमा ‘डइ तो पोंब् इहे? डइ तो बिल् त्हुब् इहे?’ बिसि न्हुं आलद ।

12 तलेबिस्याँ क्हेमैइ बिल् त्हुबै ताँ पबित्र प्हजी च त्हेर्न क्हेमैलाइ लोमिंब्मुं ।”* ”

?????? ??????? ??????? ??????? ?????????????? ???????

13 येशूजी ह्त्रोंसए चेलामै लोमिंरिमा हुलउँइले म्हि घ्रिइ येशूने बिइ, “ओ गुरु, डिए आबाए सै न्होर अँश लमिंन् बिसि डए आघेने बिमिंन् ओ ।”

14 दिलेया खीजी चने बिइ, “ओ थु, क्हेमैए फिर निसाफ लब् नेरो क्हेमैए सै न्होर चुमिंन् बिसि डलाइ खाबइ ल्हैदिइ?”

15 खीजी धबै चर मुँब्मैने बिइ, “छेनाले मैन्, नना ओलिबै लोब् आलद, तलेबिस्याँ म्हि कति प्होब तनाबिलेया सै न्होरउँइले क्होंसेन्बै छ्ह योल् आखाँ ।”

16 च लिउँइ येशूजी चमैने अहान् घ्रि बिइ, “प्होबै म्हि घ्रिल म्रोंउँइले छेज्याल्हुल्हुले रा-रोमै खइ ।

17 छतमा ‘च्हौ ल्हें रा-रोमै थेंबै धन्सार डने आरे! तारे ड तो लब् इहे?’ बिसि चइ सैं न्हों न्हों मैइ ।

18 झाइले चइ बिइ, ‘डए धन्सारमै फुवासि बेल्ले थेब् थेब लमुं । झाइले डए रा-रोमै नेरो अरू सै न्होर चर्न थेंम् ।

† 12:10 ००:१० ०००००० ०००००० ००००००० ००००, पबित्र प्हए जोगेमिंबै म्हाँया नेरो शक्ति वार्थेसि आम्हाँदिबैइ क्षमा ह्तिरिब आरे, झाइले क्षमा आयों! ☆ 12:10 12:10 ००००० ००:३२; मर्क ३:२९ ☆ 12:12 12:11-12 ००००० ००:१९-२०; मर्क १३:११; लूक २१:१४-१५

19 झाइले डइ ह्रोंसनेन् क्हिए ल्हागिर ल्हें बर्ष समा योबै रा-रोमैं मुँ। तारे पिरु चदु, थुँनु, धै मोज-मज्जा लसि सुखले टिद्, बिब्मुँ।

20 दिलेया चइ छले मैरिमा परमेश्वरजी चने बिइ, 'ओ आमादु! तियाँ म्हुँइसर्न किह सिल् त्हुब्मुँ। तारे किहइ साँथेंबै सै न्होर खाबल् तब्मुँ?' "

21 येशूजी धबै बिइ, "ह्रोंसए ल्हागिर सै न्होर थुपर्दिसि प्लब तब दिलेया परमेश्वरए उँइर आप्न्होबै म्हिए गति छाबन् तम्।"‡

???????????? ???? ???? ????
(????? ??:??-??)

22 येशूजी ह्रोंसए चेला मैने बिइ, "छत्तसि ड क्हेमैंने बिमुँ, सोबै ल्हागिर 'ड तो चब् इहे? तो थुँब् इहे? धै ज्युए ल्हागिर तो खिब् इहे?' बिसि न्हुँ आलद्।

23 तलेबिस्याँ चबै सै भन्दा जीबन थेब मुँ, झाइले क्वें भन्दा ज्यु थेब मुँ।§

24 "कगामैं इह्योत्ति! चमैंइ खेति आल्हैदि, रो या आखु, चमैंल भकारि आरे, धनसारमैं या आरे। दिलेया परमेश्वरजी चमैंलाइ चल् पिरिइमुँ। छाबै नमेंमैं भन्दा क्हेमैं झन् बेल्ले थेब मुँ।

25 क्हेमैंए न्होरि खाबइ न्हुँ लसि ह्रोंसए आयु च्हाँदे या थप्दिल् खाँम्मा?

26 क्हेमैंइ च्हाँ च्योंबै के या लल् आखाँ बिस्याँ अरू सैर तले न्हुँ लमुँ?

‡ 12:21 00:२१ 0000, सै न्होरए लिलि प्रब, दिलेया परमेश्वरए फिर बिश्वास आलबै म्हि दिमाग आरेबग। § 12:23 00:२३ 0000, जीवन नेरो ज्यु परमेश्वरजी पिबै दानमैं ग, झाइले चब्-खिब् भन्दा परमेश्वरए लिलि प्रब थेबै ताँ ग।

36 ब्ह्या भत्यार उँडले धिं कल्हे खोंयो खम् बिसि घ्याँ डह्योरिबै केब्छैँमैँ धोंब कहेमैँ तल् त्हुम् । धिं कल्हे एखसि हुइबै तोदोंन् म्रा थोंमिंबै केब्छैँमैँ धों तब कहेमैँ तल् त्हुम् ।*

37 धिं कल्हे एखमा केब्छैँमैँ तयार तसि न्ह क्रों मि क्रोंले टिरिब स्यास्याँ कल्हे सैं तोसि केब्छैँमैँइ स्याबासि योंब्म् । क्होंसेंन ड कहेमैँने बिम्, धिं कल्हेइ ह्रोंसए केब्छैँमैँ फ्हेंमैँ धोंले टिबै सै तिमिसि चबै सैं चल पिम् ।

38 धिं कल्हे म्हुँइँस आधार खलेया च भन्दा कहैल्ले खलेया खीए केब्छैँमैँ न्हरु आच्छुइल्ले टिरिब स्यास्याँ च केब्छैँमैँइ इन् स्याबासि योंब्म् ।

39 “अझै चु ताँ सैँर मैँथेँन, ह्यो कति त्हेर खम् बिसि सेस्याँ धिं कल्हे न्हरु आच्छुइल्ले टिरिमल, धै ह्यो धिं न्होंर होंल् आपिमल ।

40 छ्लेन कहेमैँ या न्ह क्रों मि क्रोंले टिद, तलेबिस्याँ कहेमैँए सैँर आमैँबै त्हेर म्हिँए च् एयुब्म् ।”*

41 येशूए ताँ थेसि पत्रुसइ बिइ, “ओ प्रभु, चु अहान् डिँए ल्हागिर मत्त्रे बिल् उ, अरू म्हिँमैँए ल्हागिरै बिल?”

42 प्रभु येशूजी बिइ, “भर लल् खाँब नेरो बुद्धि मुँबै म्हिँ खाब् जा? धिं कल्हेइ ह्रोंसए धिँबैँ तोन्दोंरि सैँए जिम्मा पिसि ह्याबै लिउँइँ भर लल् खाँब नेरो बुद्धि मुँबैँ म्हिँइ अरू केब्छैँमैँलाइ चब् थुँबैँ तौदु छेनाले लमिंम् ।

43 धिं कल्हे एखमा ह्रोंसजी ल्हैदिबै के केब्छैँइ छेनाले लरिब स्याइबिस्याँ च केब्छैँइ स्याबासि योंब्म्!

44 क्होंसेंन ड कहेमैँने बिम्, कल्हेइ ह्रोंसए धिँबैँ ताँन् सैँ न्होरए जिम्मा चलाइ पिंम् ।

45 दिलेया च केब्छैँइ ‘डए कल्हे खब कहैलै तोगोन् आखालै;’ इहाँसि अरू केब्छैँमैँ धोंब, तो चदा इहाँम् चब, फ्हा ल्हें थुँसि

न्हेल्ले टिइ बिस्याँ,

46 चए सैज्यै आमैबै त्हेर थाइ आसेल्ले धिं क्लहे फेखभुँ, धै चलाइ सजै पिंभुँ। झाइले चए गति परमेश्वर आम्हाँदिभैल् धोब तभुँ।

47 “ह्रोंसए क्लहेए सैबै ताँ क्होसेया खीए सैर मैब धों आलभैइ बेल्ले दुःख योभुँ।

48 दिलेया धिं क्लहेए सैबै ताँ आक्होसि ल्हें सजै योल् त्हुबै के लनाबिलेया चइ च्युगुदे मत्त्रे सजै योभुँ। परमेश्वरजी ल्हें आशिक पिंभैउँइले ल्हेंन् ह्रिभुँ, छलेन ल्हें सैए जिम्मा पिंभैउँइले झन ल्हें किंभुँ।

ॐ ॐॐॐॐॐॐॐ ॐॐॐ ॐॐॐ ॐॐॐॐ, ॐॐॐॐॐॐॐॐ ॐॐॐ
ॐॐॐॐ ॐ।

(ॐॐॐॐॐ ॐॐ:ॐॐ-ॐॐ)

49 “ड आछ्याँबै सैमै खोवाबै ल्हागिर पृथ्वीर मि भोर कुमिंवर युब् ग। च मि ओंसो ओंनोन् त्हास्याँ छ्याँब तमल।

50 डइ किल् त्हुब थेबै दुःखबै बप्तिस्मा घि मुँ, च बप्तिस्मा आकिन् समा डए सै छिं आइहाँ।✧

51 “ड पृथ्वीर किह्लल् लबर युब् ग बिसि क्हेमैइ मैल् वा? ड क्हेमैने बिमुँ, किह्लल् लबर युब् आडिं, बरु आकिह्लल् लबर युब् ग।

52 तलेबिस्याँ तारे पिरु मिह इह मुँबै परवार ह्रों-ह्रोंसए न्होंन आक्हिसि खेमैए पार्लेन् टिभुँ। सोए फिर डिहंइ बिरोध लभुँ, झाइले डिहंए फिर सोइ बिरोध लभुँ।

53 चमै ह्रों-ह्रोंसए पारन् तभुँ।

आबाइ च्हाए बिरोध लभुँ,

च्हइ आबाए बिरोध लभुँ।

आमाइ चमिए बिरोध लभुँ,

चमिइ आमाए बिरोध लब्भुँ ।
 स्युमिइ चोए बिरोध लब्भुँ
 धै चोइ स्युमिए बिरोध लब्भुँ ।”☆

१ १११११ १११११ १११ १११११ ११११११
 (११११११ ११:१-१)

54 येशूजी म्हि हुलने बिइ, “कहेमैइ न्हांस्यो ल्हुउँइले (पश्चिमउँइले) रेब् प्रोमा ‘नाँ युलै’ बिमुँ । झाइले छान तम् ।

55 झाइले दक्षिणउँइले खै खब् सेसि कहेमैइ ‘बेल्ले ख्वाललै बिमुँ ।’ झाइले छान तम् ।

56 ओ फिब्लो पार्दिब्मै! पृथ्वी नेरो मुँ इह्योसि तारे तो तम् बिसि कहेमैइ सेम् बिस्याँ, तिजरो तरिबै ताँमै प्रोसि कहेमैइ तारे तखबै ताँमैए बारेर तले सेल् आखाँ?

११११११११ ११११११ ११११११११११ ११११११११
 (११११११ १:११-११)

57 “कह्रोंसेन्बै ताँ तो जा? बिसि कहेमैइ तले आकहोल?

58 किहने आकिह्रबै म्हिइ निसाफ लबै म्हिए उँइर किहलाइ बोमा खाँन् समा घ्याँन् किह्रबै ताँ लद, छ आलस्याँ चइ किह नियाधिश डार्र चैबोब्भुँ । झाइले नियाधिशइ किह थैबै अफिसरए योर पिंवाब्भुँ । झाइले अफिसरइ किह झेलर च्युवाब्भुँ ।

59 ड किहने बिमुँ, किहइ फोल् ल्हुबै मुइ म्नि-म्निले आफोन् समा किह खैलसे या झेलउँइले त्हांल् योरिबु आरे ।”†

☆ 12:53 12:53 0000 ०:६ † 12:59 12:57-59 00 0000 0000, डचो ताँन् परमेश्वरए उँइर राल् ल्हुम् धै डचोइ आछ्याँबै के लमा परमेश्वरजी सजै पिंब्भुँ । छतसि डचोइ युम्नन् आछ्याँबै बानि पिसि परमेश्वरने किहल् ल्हुम् ।

13

22222222222222 222 222 2222222 222
222222222

1 “गालील ह्युलबै को-कोइ म्हिमैइ यरूशलेम सहरबै मन्दिरर परमेश्वरए मिर क्यु सैसि खो पिमा पिलातस बिबै रोमी ऋथेइ चमैलाइन सैवासि च म्हिमैए को खो पिबै क्युए कोर कोंवाल बिसि च त्हेर चर खागु तबै म्हिमैइ येशूने,” बिइ।

2 छबिमा येशूजी चमैने बिइ, “चमैइ छाबै डिहंन् तबै दुःख योंइ बिबर्न अरू गालीलथेंमें भन्दा चमै पापि मुँन बिसि क्हेमैइ मैल् वा?”

3 ड क्हेमैने बिमुँ, छले आडिं। ताँन् म्हिमै पापिन् मुँ। क्हेमैइ दुष्ट के लब् आपिइ बिस्याँ क्हेमै या छलेन् नास तब्मुँ।

4 झाइले अर्को ताँ, सिलोआम बिबै क्त्ह्योबै धरर फुयासि च्युसे प्रे म्हि सियाल। चमै या अरू यरूशलेमथेंमें भन्दा त्हे पापिमै तसि सिब वा?

5 ड क्हेमैने बिमुँ, छले आडिं, ताँन् म्हिमै पापि मुँ। क्हेमैइ दुष्ट के लब् आपिइ बिस्याँ क्हेमै ताँन् छलेन् नास तब्मुँ।”

22 222222 2222222

6 च लिउँइ येशूजी चु अहान् बिइ, “म्हि भिइ ह्रोसए प्रोर तुँबु धुँ भि रूँइल। च धुर रो रोइ उ बिसि च इह्योबर खब्बे लमल। खोंयो खलैया च धुर रो आरोब् प्रोसि

7 चइ के लबै म्हिने ‘डइ चु तुँबु धुर रो म्हैब सोदिं तइ, दिलैया खोंयोइ रो आरो। क्त्ह्यो पैबर तले थंरिब? छतसि चु धुँ थोवाद,’ बिइ।

8 “दिलैया के लबै म्हिइ बिइ, ‘ओ चिब, अझै तिदिंदे चु धुँ आथोले। डइ चु धुँए जरर तासि मला झोम।

9 क्हरुिमा रो रोइबिस्याँ छ्याँबन् तइ, आरोइ बिस्याँ थोइ भ्योंवाले।”

10 तिगें प्रिबै त्हिंइर येशू च्हों धिं घिर लोमिसिन् मुँल ।

11 चर मोंइ स्यासि नबै च्हमिरि घि मुँल । च मोंइ स्यासि नब च्युसे प्रेदिं तयाल । च क्वार्ग तयल, ठाडले प्रल् आखाँमल ।

12 येशूजी च च्हमिरि मोंइ, धै हुइसि बिइ । “ओ नानि, किहलाइ ठाड तल् आपिबै सै त्होंयाँइ, तारे किह ठाड तल् खाँम् ।”

13 च्हौ बिसि येशूजी ह्नोंसए यो चए फिर थेंबै तोदोंन् च च्हमिरि ठाड तइ धै परमेश्वरए मिं क्वेबर होंइ ।

14 येशूजी प्रिबै त्हिंइर च च्हमिरि सल् लमिंब् मोंसि च्हों धिंबै चिब बेल्ले हिस खसि चबै म्हिमैने बिइ, “के लब टुरो मुँ, छत्तसि च टुरो न्होरि खसि सस्याँ तम् । प्रिबै त्हिंइर छ लब आत ।”*

15 दिलेया प्रभु येशूजी चने बिइ, “ओ फिब्लो पार्दिब्मै! कहेमैए न्होरि खाबज्यै या प्रिबै त्हिंइर ह्नोंसए गधामै नेरो कल्यामै प्ह्नोंउँइले पिसि क्यु थुँबर आबो वा?

16 चु अब्राहामए कुलबै च्हमि च्युसे प्रेदिं समा दुष्टइ फैथेंबै फेंसों प्रिबै त्हिंइर प्न्हमिंल् त्हुब् आडिं वा?

17 येशूजी चु ताँ बिल् खाँबै लिउँइ खीए बिरोधीमै ताँन् फापिन् तयाइ । दिलेया खीजी लबै औदिबै के मोंसि चबै म्हिमै बेल्ले सैं तोइ ।”

18 येशूजी बिइ, “परमेश्वरए ग्याल्स तो धों तब मुँ? डइ तो सैने च च्हेंले?

19 च च्युगुधिरि पासगि प्लु धोंन् तब् ग । म्हि च्चिइ च प्लु ह्नोंसए मोर बोसि प्लुइ । झाइले च फारसी सिं धुँ धोले थेब तइ । धै मुबै नमेमैइ चए हाँगजरे च्हों थाइ ।”

* 13:14 13:14 ॐ:१-१०; व्य ५:१३-१४

२२२२२२२ २२२
(२२२२२ २२:२२)

20 येशूजी धबै बिइ, “परमेश्वरए ग्याल्स डइ तो सैने च्हेले?

21 च प्लेढा धों तबै सै ग। च्हमिरि भ्रिइ क्हें झोंबै प्रो सोंब्योर प्लेढा म्लोथेंमा लिउँइ च तौन् क्हें फुल्दिम्।”

२२२२ २२२२
(२२२२२ २:२२-२२, २२-२२)

22 च लिउँइ येशू सहर सहर नाँ-नाँसर ह्यासि म्हिमेंलाइ परमेश्वरए ताँमें लोमिंदै यरूशलेमउँइ ह्याइ।

23 छ्हेले ह्यारिमा म्हि भ्रिइ खीने “ओ गुरु, च्युगुदे म्हिइ मत्त्रे खोंयोँइ आखाँबै छ्हे योंम्मा?” बिसि डचोएइ।

24 येशूजी चमेंने बिइ, “रुबै म्हाउँइले न्होर होंबै भों लद, तलेबिस्याँ ड क्हेमेंने बिमुँ, ल्हें म्हिमें रुबै म्हाउँइले न्होर होंल् म्हेब्मुँ, दिलेया होंल् खाँरिब् आरे।

25 धिं क्त्हे रेसि म्हा तोरवाबै लिउँइ क्हेमें बैरु रासि म्हा ह्हादै ‘ओ प्रभु, म्हा थोंमिन्,’ बिब्मुँ, दिलेया खीजी ‘क्हेमें खनिउँइले खल डइ क्हेमें डो आसे,’ बिब्मुँ।

26 “च त्हेर क्हेमेंइ ‘डिइ किहने बालु चमल थुँमल। झाइले डिए नाँसजरे किहजी लोमिमल,’ बिब्मुँ।

27 “दिलेया ‘क्हेमें खनिउँइले खल डइ आसे। ओ दुष्ट के लभैं, ड डाँइले हेंगो तयाद् बिसि च क्त्हेइ क्हेमेंने,’ बिब्मुँ।*
* 13:27 13:27 ० ०:८ * 13:28 ०:२८ ०००० ००००००, परमेश्वरए ग्याल्सरि

28 “झाइले परमेश्वरए ग्याल्सर* स्योम्बै अब्राहाम, इसहाक, याकूब नेरो अगमबक्तामैं टिरिब क्हेमेंइ म्गोंब्मुँ। दिलेया परमेश्वरजी क्हेमें बैरु भ्योंवाब्मुँ, झाइले क्हेमें क्रोदै स ह्हाब्मुँ।*
* 13:28 13:28 ०००० ००:१३; २५:३०

☆ 13:27 13:27 ० ०:८ * 13:28 ०:२८ ०००० ००००००, परमेश्वरए ग्याल्सरि
☆ 13:28 13:28 ०००० ००:१३; २५:३०

29 पूर्व, पश्चिम, उत्तर नेरो दक्षिणउँडले ल्हें म्हिमें खसि स्वर्गबै† भत्यारर टिब्बुं।*
 30 थेद! तोगो लिउँड तब्बें ओंसों तब्बुं, धै तोगो ओंसों तब्बें लिउँड तब्बुं।”*
 31 च त्हेर्न को-कोइ फरिसीमें येशू डार खसि खीने बिइ, “छुइले छ्युडिह्याद् तलेबिस्याँ हेरोद मुँइ किह सैल् म्हैइमुँ।”
 32 येशूजी चमेंने बिइ, “‘तियाँ नेरो फ़ँना मोंइ स्यासि नब्बें नेरो अरू वेथाइ नब्बें डइ सल् लसिन् मुँ, नोगि मत्त्रे डए के खाँम्’ बिसि च सेला हेरोदने विने।
 33 ‘तियाँ, फ़ँना नेरो नोगि या ड चु जरेन् प्रल् त्हुम्। तलेबिस्याँ यरूशलेम बाहेक अरू कल्ह्योर अगमबक्तामें सैल् आखाँ।’”

□□□□□ □□□□□□□□□□□□□□□□ □□□ □□□□□ □□

34 झाइले येशूजी बिइ, “यरूशलेमथेंमें, ओ यरूशलेमथेंमें, क्हेमैइ अगमबक्तामें सैवाइमुँ, छलेन क्हेमें डार खब्बैलाज्यै या युँमाइ प्रिंड। नग आमाइ फ़सेमै फ़्याइ हुब् धोले डइ ल्हें खे क्हेमैलाइ हुल् म्हैइ, दिलेया क्हेमें आडिं।
 35 इह्योद्! तारे क्हेमैए सहर परमेश्वरजी नास लवाब्बुं। ड क्हेमैने बिमुँ, क्हेमैइ ‘परमेश्वर आबाजी कुल्मिंबै म्हिए मान तरिगे’ आबिन् समा क्हेमैइ ड म्गोरिब् आरे।”*

14

□□□□ □□□□□□□ □□□□ □□□□□

† 13:29 ००:२९ □□□□ □□□□□□, परमेश्वरए ग्याल्सरि * 13:29 13:28-29 □□□□ □:११-१२ * 13:30 13:30 □□□□ □□:३०; २०:१६; मर्क १०:३१ * 13:35 13:35 □□ □□:२६

1 तिगें प्रिबै त्तिहंइर येशू फरिसी घ्निए धिंर चब् चबर ह्याइ । च म्हि फरिसीमै न्होर्बै चिब मुँल । “येशूजी तो-तो लमगे?” बिसि म्हिमैइ छैं लरिल ।

2 च त्हेर्न यो प्हले रोंबै म्हि घ्नि येशूए उँइर मुँल ।

3 “प्रिबै त्तिहंइर नबै म्हिमै सल् लब ठिक मुँ उ आरे? बिसि येशूजी धर्मगुरुमै नेरो फरिसीमैने डचोएइ ।”

4 दिलेया चमैइ तोइ बिल् आखाँ । येशूजी च यो प्हले रोंसि नबै म्हिए फिर यो थेंसि चलाइ सल् लमिसि कुल्मिंड ।

5 च लिउँइँ येशूजी चमैने बिइ, “क्हेमै न्होरि खबलैया प्रिबै त्तिहंइर कल्या खोल्सर पायस्याँ क्हेमैइ खोल्सउँइँले आते रो वा?”*☆

6 चमैइ चु तारै या तोइ ज्वाफ पिल् आखाँ ।

7 च फरिसीए धिंर खबै प्हेँमैइ चिभैँ कहुँबै छ्याँ-छ्याँबै क्त्ह्यो त्हाँरिब् मोसि येशूजी चु अहान् बिइ,

8 “क्हेमैँ ब्ह्या भत्यारर ह्यामा छ्याँबै क्त्ह्योर आक्हुँन्, तलेबिस्याँ किह भन्दा थेबै म्हि च न्हिन्तोर् खल् खाँम् ।

9 न्हिन्तोर् लबै म्हिइ किहने ‘चु क्त्ह्योर चु म्हि कहुँल् पिन् बिस्याँ’ किह फापिन् तसि ताँन् भन्दा च्योँभैँए क्त्ह्योर कहुँल् त्हुँम् ।

10 छ्त्तसि खाबज्यै किहलाइ न्हिन्तोर् लइ बिस्याँ ताँन् भन्दा च्योँभैँ टिबै क्त्ह्योर ह्यासि टिद् । झाइले न्हिन्तोर् लबै म्हि खसि किहने ‘ओहो, डए थु, चु छ्याँबै क्त्ह्योर कहुँन्’ बिभुँ, च त्हेर किहने बालु मुँबै प्हेँमैँए उँइर किहइ मान योँभुँ ।*☆

11 तलेबिस्याँ ह्योँसन् थेब् प्हेँबै म्हिमैँ परमेश्वरजी च्योँब लवाभुँ, दिलेया ह्योँसन् च्योँने तसि टिभैँलाइ परमेश्वरजी थेब लमिँभुँ ।*☆

☆ 14:5 14:5 ०००० ००:११

☆ 14:10 14:8-10 ०००० ००:६-७

☆ 14:11 14:11

०००० ००:१२; लूक १८:१४

12 छलेन खीलाइ न्हिमतोर हुइबै म्हिलाज्यै या येशूजी बिइ, “क्हिइ भत्यार लमा ह्नोंसए थुमैं, ह्नुजे-म्हजे, आघें-अलि ह्नोंसए म्हिमैं नेरो प्न्होबै इहेब-ट्हुभैं न्हिमतो आलद्, तलेबिस्याँ चमैंज्यै क्हिलाइ न्हिमतोर हुइभुँ, धै खि फोब् धोन् तभुँ।

13 बरु भत्यार लमा इहाँदुमैं, डुँडामैं, खोडमैं नेरो कनमैं हुइद्।

14 छ लस्याँ क्हिइ आशिक योभुँ। तलेबिस्याँ क्हिए खि चमैंड फोल् आखाँ। दिलेया परमेश्वरजी बिब म्हाँदिबै म्हिमैं सिसि धबै सोगों तमा आयोंभैंलाइ पिबै सैमैंए खि परमेश्वरजी क्हि पिभुँ।”

????? ?????????? ???????
(?????? ??-?-??)

15 चु ताँ थेसि येशूने बालु चबर टिभैं न्होंबैं म्हि घिइ खीने बिइ, “परमेश्वरए ग्याल्सबैं भत्यार चल् योभैं इहो सभैं गा!”

16 येशूजी चने अहान् घि बिइ, “म्हि घिइ बेल्ले थेबै भत्यार लसि ल्हें म्हिमैं हुइ।

17 भत्यार चबै त्हेर च म्हिइ न्हिमतो योभैंने भत्यार तयार तइ तारे चबर खो’ बिसि हुइबर कुलइ।

18 “दिलेया चमैं ताँनइ निउ घि-घि लबर होंइ। ओसों त्होबै म्हिइ ‘डलम् भ्रों किंइमुँ छतसि ड च भ्रों इह्योबर ह्याल् त्हुम्। माफ लद् ओ ड खल् आखाँ,’ बिइ।

19 झाइले अकोई ‘डइ क्त्या इहगुर किंइमुँ, छतसि ड क्त्या क्योब इह्योबर ह्याबि छेइमुँ। माफ लद् ओ ड खल् आखाँ,’ बिइ।

20 छलेन अकोज्यै या ‘डल भर्खर ब्त्या लइमुँ, छतसि ड खल् आयों,’ बिइ।

21 “झाइले के लबै म्हि एखसि ताँन् ताँ ह्नोंसए क्त्हेने बिइ, छतमा धिं क्त्हे ह्नुस खसि के लबै म्हिने बिइ, ‘तारे युन्ले सहरर ह्याद् धै सहरबैं घ्याँए रेजरेबै इहाँदुमैं, डुँडामैं, खोडमैं नेरो कनमैं हुइसि पउ,’ बिमा के लबै म्हि धबै हुइबर ह्याइ।

22 “के लबै म्हि एखसि बिइ, ‘ओ चिब, किहइ हुइ पउ बिबै म्हिमें डइ हुइ पखइ । दिलेया भत्यारर टिबै कल्ह्यो अझै मुँ ।’

23 “धबै धिं कल्हेइ के लबै म्हिने बिइ, ‘डए धिं फ्लिंबै ल्हागिर सहरबै घ्याँए रेजरे खन्तोदोन् ह्यासि चबै ताँन् म्हिमें कर ल्हैदिसि पखो ।

24 छेनाले थेद! ओंसोबै न्हिन्तो योबै न्होरि खाबज्यै या डए भत्यारबै चबै सैमै कति लिंब मुँगे बिसि म्ह्योल् योरिब् आरे ।”

□□□□□ □□□□□□□□ □□□□ □□□□□□ □□□□
(□□□□□ □□:□□,□□)

25 म्हि हुल येशूने बालु ह्यारिमा खीजी लिउँडँ तोसि चमैने बिइ,

26 “डए लिलि खबैइ ह्रोंसए आबा, आमा, फ्लेंस्यो, फ्लेसेमै, अलि-अडाँमै नेरो ह्रोंसए ज्यु या तो धोंइ आइहाँ बिस्याँ च डए चेला तल् आखाँ ।*☆

27 खाबइ ह्रोंसए कूस नोसि डए लिलि आप्र च डए चेला तल् आखाँ ।*☆

28 “क्हेमै न्होरि खाबज्यै या धिं बनेदा इहाँस्याँ धिं लबै ल्हागिर खर्ज कति ल्हैदिम्? डने मुँबै मुइइ योम् उ आयो?” बिसि ओंसोन् चइ बिचार आल रो वा?

29 बिचार आलस्याँ चइ जग मत्त्रे झोंसि धिं फ्लें सैल् आखाँस्याँ प्रोबै ताँनइ किहलाइ फ्लुम्मुँ ।

30 ‘चु म्हिइ धिं बनेबर होंइ दिलेया धिं फ्लें सैल् आखाँ बिसि चमैइ, बिबुँ ।’

☆ 14:26 14:26 □□□□ □□:३७ * 14:27 □□:२७ □□□□□□ □□□□ □□□□ □□□□ □□□□, चेला तबै ल्हागिर प्रभुए ल्हागिर ज्यु सुम्पिदिसि सिल् ल्हुलेया तयार तल् ल्हुम् ।

☆ 14:27 14:27 □□□□ □□:३८; १६:२४; मर्क ८:३४; लूक ९:२३

4 “कहेमै न्होरि खाबलैया क्यु प्र मुइबिस्याँ च क्यु प्रए न्होरि घि म्हास्याँ चइ कुच्युसे कु क्यु क्ह्योर्न वाथेंसि म्हाबाबै क्यु आयोन् समा आम्है रो वा?

5 म्हाबाबै क्यु योबै लिउँइँ च क्ल्हे बेल्ले सैं तोंसि क्यु काँधर तेंसि प्हरोर पखम् ।

6 छले प्हरोर खसि चइ ह्रोंसए थुमैं नेरो इहेब्-ट्हुबमैं हुइसि ‘ड बेल्ले तोंइमुँ, कहेमैं या सैं तोन् । तलेबिस्याँ डए म्हाबाबै क्यु योंइ,’ बिम् ।

7 “ड कहेमैंने बिमुँ, ‘डइ पाप के लइमुँ डलाइ क्षमा पिन्,’ बिल् आत्हुबै कुच्युसे कु धर्मि म्हिमैं भन्दा ‘ड पापि मुँ, डइ पाप केमैं लइमुँ, डलाइ क्षमा पिन्,’ बिसि सैं एबै म्हि घि म्रोंसि परमेश्वर स्वर्गर बेल्ले सैं तोम् ।”

???????? ???

8 येशूजी धबै अकोँ ताँ बिइ, “क्हमिरि घिने चाँदिए मुइ च्युउँलो मुँल । दिलेया चाँदिए मुइ घि म्हास्याँ चइ बत्ति म्रोंसि कुजाइ फ्योसि च आयोन् समा फन् फन्ले आम्है रो वा?

9 च मुइ योबै लिउँइँ ह्रोंसए थुमैं नेरो इहेब्-ट्हुबमैं हुइसि ‘ड बेल्ले सैं तोंइमुँ, कहेमैं या सैं तोन् । तलेबिस्याँ डए म्हाबाबै मुइ योंइ,’ बिसि चइ बिम्मुँ ।

10 ड कहेमैंने बिमुँ, च धोलेन् दुष्ट के पिसि खी डाँइ सैं एसि छ्याँबै घ्याँर प्रबै म्हि घि म्रोंसि परमेश्वरए स्वर्गदूतमैं बेल्ले सैं तोम् ।”

???????? ???

11 येशूजी धबै बिइ: “म्हि घिल क्ल्ह डिहं मुँल ।

12 च् च्योबइ आवाने बिइ, 'आबा, डए अंश कति योंमुँ, च तोगोन् डलाइ पिन्।' च्इ छविमा आबाइ ह्रोंसए सै न्होर च् इहं चुमिंइ।

13 दे त्हे लिउँइ च् च्योबइ ह्रोंसए अंश चुँवाँसि ताँन् मुइ खागु लसि धिँउँइले त्हांयाइ। धै ह्रेंगोबै ह्युलर ह्यासि बेल्ले फुर्मास लसि मुइ ताँन् नुवाइ।

14 मुइ ताँन् नुवाल् खाँबै लिउँइ च ह्युलर थेबै अँडगल् तसि च फोत्तेन् तयाइ।

15 छतमा च ह्युलबै म्हि घ्रि डार के म्हैबर ह्याइ। च म्हिइ ह्रोंसए म्रोर तिलिमै छबर कुलइ।

16 तिलिइ चबै सैमै म्रोंसि च बेल्ले म्रोमल। दिलेया खाबज्यै चलाइ चबै सै आपिमल।

17 "च त्हेर बल्ल चइ आबाए धिँ मैँइ। झाइले चइ बिइ, 'डए आबाए के लब्मैँइ चब् म्रेंन्ले चसेया चबै सै डैँम्, ड बिस्याँ चुर चल आयोंसि सिबर होँइमुँ।"

18 तारे ड आबा डार ह्यासि आवाने छ विम्, "ओ आबा, डइ किहए ताँ आडिंसि परमेश्वर नेरो किहए बिरोधर आछ्याँबै के लइ।

19 तारे ड किहए च् बिबै लायकबै आरे। बरु ड किहए के लबै म्हि घ्रि धोलेन् किह डार टिल् पिन्," बिब्मुँ बिसि चए सैर मैँइ।

20 "झाइले च रेसि आबा डार ह्यारिमा च धिँउँइले ह्रेंगोर खरिब चए आबाइ म्रोंइ। छले ह्रोंसए च् एखरिब म्रोंसि आबा बेल्ले सै तोंइ। धै च् डार न्हेह्यासि अँउँलो खोएसि म्वें लइ।

21 च्इ आवाने बिइ, 'ओ आबा, डइ किहए ताँ आडिंसि परमेश्वर नेरो किहए बिरोधर आछ्याँबै के लइ। तारे ड किहए च् बिबै लायकबै आरे।'

22 "दिलेया आबाइ के लबै म्हिमैँ हुइसि बिइ, 'युन्ले ताँन् भन्दा छ्याँबै क्वें नेरो च्या पखसि चु खिमिन्, जुत्तै या खिमिन्।

23 झाइले छोबै क्यु साँडे सैसि भत्यार लसि डचो बेल्ले सैं तोंदै चले ।

24 तलेबिस्याँ चु डए च्ह सियाल, दिलेया सोसि खइ; म्हयाल, दिलेया योंइ ।' छतसि चमैं सैं तोंदै भत्यार लसि चब् थुँब लबर होइ ।

25 “च त्हेर च्ह थेब म्रोर मुँल । च म्रोउँइले धिए चेंदो फेखमा धिर बाजा ह्रासि सेब-प्रिंब लरिबै कै थेइ ।

26 छतसि चइ के लबै म्हि घि हुइसि ‘धिर तो लबर होइमुँ जा?’ बिसि डचोएइ ।

27 “के लबै म्हिइ बिइ, ‘क्हिए अलि खइमुँ, छले च छेनाले एखब् म्रोसि क्हिए आबा सैं तोंसि डचो बाजा ह्रादै सेदै प्रिंदै सैं तोंदै चब् थुँब् लले बिसि छोबै क्यु सैसि भत्यार लइमुँ ।’

28 “चु ताँ थेसि च्ह थेब बेल्ले हिस खसि धिं न्होर ह्याल् आडिं । छतमा आबा बैरु त्हांसि च वाँबर होइ ।

29 दिलेया चइ आबाने बिइ, ‘च्हौ ल्हें बर्ष समा डइ क्हिए केब्छैइ धोले के लइ । क्हिइ ल्हैदिबै के तो मुँलेना डइ आल! आबिमल । दिलेया डइ तो योंइ? सैं तोंल्ले थुमैंने स्योगैं चरिगे बिसि क्हिइ र-झज घि या ड आपिं ।

30 क्हिए सै न्होर बोसि ताँन् नुवाबै च्ह एखमा चए ल्हागिर क्हिइ छोबै क्यु साँडे सैसि च्हौ थेबै भत्यार लमिंब आ ।’

31 “छबिमा आबाइ चने बिइ, ‘ठागु, क्हिम् खोंयोन् बिलै डने बालुन् मुँ । डने मुँबै सै न्होर ताँन् क्हिहलन् ग ।

32 तियाँ डचोइ भत्यार लसि बेल्ले सैं तोंल्ले त्हुम् । तलेबिस्याँ क्हिए अलि सियाल, सोसि खइ, म्हयालेया योंइ ।’ ”

1 येशूजी ह्योसए चेलामेंने बिइ, “प्लबै म्हि घ्रिल चाँजो लबै नाइके म्हि घ्रि मुँल। चइ ह्योसए क्ल्हेए सम्पति उडिदिवाइ बिसि म्हिमैइ चए फिर छ्याब् ल्हैदिल।

2 “छतमा प्लबै म्हिइ चलाइ हुइसि बिइ, ‘क्हिए बारेर डइ थेवै ताँ तो जा? क्हिइ लबै केए हिसाब डलाइ पिन्। तलेबिस्याँ तारे क्हि डए सै न्होरए चाँजो लल् योरिब् आरे।’

3 “छतमा च नाइकेइ सैं न्हों-न्हों बिइ, ‘डए क्ल्हेइ ड केउँडले तेवर होंना। डइ ताब क्योब लल् आखाँ, म्हिमैने हिसि चब् बिलेया ड फापिम्।

4 छतसि तारे डइ तो लल् त्हुमुँ डइ मैल् खाँडमुँ। केउँडले तेवाबै लिउँड डइ स्वाब थुमैने डो सेब् मिं सेब् लल् त्हुइ। झाइले क्ल्हेइ ड केउँडले तेवाबै लिउँड च थुमैइ खेंमैए धिर ड मान लब्मुँ।’

5 “च लिउँड चइ क्ल्हेए असामिमैँ घ्रि घ्रिले हुइसि ओसों खबै असामिने ‘डए क्ल्हेलाइ फोल् त्हुबै छे कति मुँ?’ बिसि डचोएइ।

6 “चइ बिइ, ‘हजार सों लिटर जैतूनए छ्युगु फोल् त्हुम्।’

“नाइकेइ चने बिइ, ‘क्हिए तमसुकर तारे हजार घ्रिसे इहब्र मत्त्रे फ्हिद्।’

7 “झाइले चइ अकोने बिइ, ‘क्हिइ कति फोल् त्हुमुँ बिमा।’

“च म्हिइ बिइ, ‘इहब्र म्हुरि गहुँ फोल् त्हुम्।’

“नाइकेइ च म्हिने बिइ, ‘क्हिए तमसूकरै या फ्हुसे टुच्यु म्हुरि मत्त्रे फ्हिद्।’

8 “च बेमान लबै नाइकेइ छले असामिमैँए छे च्युगुदे लमिंइ बिब् सेसि च क्ल्हेइ नाइके बाठो मुँन बिसि सेइ। तलेबिस्याँ चु ह्युलबैँ म्हिमैँइ ह्योसए थुमैने के लमा चारबै ह्वे योवै परमेश्वरए सन्तानमैँ भन्दा बेल्ले बाठो तम्।

खीलाइ म्हाँदिद, छ लस्याँ खीजी क्हेमैँए फिर आशिक पिंभुँ, विसि परमेश्वरए ग्याल्सबैँ सैं तोबै ताँ† विप्रइमुँ । छतसि ताँन् म्हिमैँ ह्नोंसइ खाँन् समा भों लसि परमेश्वरए ग्याल्सए न्होंर होम् ।☆

17 दिलेया मु नेरो पृथ्वी म्हयाल् खाँमुँ, परमेश्वरए छ्वेर फ्हिबै ताँ घ्रि या आम्ह ।☆

18 “छतसि ह्नोंसए फ्हेंस्यो वासि अर्कोने ब्ह्या लबै म्हिइ व्यभिचार लम् । छलेन पार लबै च्हमिरिने ब्ह्या लबै मुँयुँज्यैया व्यभिचार लम् ।”☆

????? ???? ???? ???? ?

19 येशूजी धबै बिइ, “छाबै प्लबै म्हि घ्रि मुँल । चइ सै ल्हें फेबै छ्याँबै क्वेमैं खिमल । त्हिँइ ह्नोंसे लिं-लिंबै चबै सैमैं चसि मजाले त्हिँइ थोमल ।

20 दिलेया लाजरस विबै इहाँदु म्हि घ्रि मुँल । चए ज्यु तिगोंन् पोर मुँल । चलाइ अरू म्हिमैँइ प्लबै म्हिए तगारर्न पखसि थेंमिमल ।

21 “प्लहोबै म्हिइ चब् चमा सर तेयाबै क्हेँ ठाँडा-टुँडे चल् योंम् उ?” इहाँसि लाजरस डाँइ इह्योरिमल । दिलेया चल् आयोंमल, च मत्त्रे आडिं, नगिमैं खसि चए पोरमैं ल्हेंमल ।

22 “तिगों लाजरस सियाइ । धैँ स्वर्गदूतमैं युसि च स्वर्गर अब्राहामए क्वेंदर बोइ‡ थेंइ । झाइले च प्लहोबै म्हि या सियासि म्हिमैँइ पावाइ ।

† 16:16 ००:१६ ०००० ००००० ०००००० ००००० ०००० ☆ 16:16 16:16 ०००० ००:१२-१३ ☆ 16:17 16:17 ०००० ०:१८ ☆ 16:18 16:18 ०००० ०:३२; † कोर ७:१०-११ ‡ 16:22 ००:२२ ०००००००० ०००००० ०० ०००००००० ०० ०० ०००००००० ०००००० ०००००० ० ०००००० ०००० ०००० ००० ००००००० ०००००० ०० ०० ००००० ००००००० ०००००० ००००००

23 च नर्गर फेनेसि बेल्ले दुःख योरिमा चइ कैडु स्वर्गउँइ इह्योइ छले इह्योमा हेंगोउँइलेन् अब्राहाम नेरो चए क्वेंदर लाजरस क्हुँरिब् म्रोइ ।

24 “चइ कै तेसि बिइ, ‘ओ बाज्यू अब्राहाम, डए फिर ल्हयो खसि लाजरस ड डार कुल्मिन् । चए योरि क्युर प्हुँसि डए सुँर झोंमिरिगे । तलेबिस्या ड चु मिए राबर थेबै दुःख योरिइमुँ ।’

25 “दिलेया अब्राहामइ बिइ, ‘बाबु, किहइ मैन् । किहए छहर छयाँ-छयाँबै सैमै योसि किहइ सुखले छह थोइ । दिलेया लाजरसइ दुःखै दुःखर्न छह थोइ । दुःख योलेया चइ परमेश्वर मैँइ, किहइ बिस्याँ परमेश्वर खोयोँइ आमैँ, डम् डन् ग बिसि टिइ । छतसि तोगो लाजरसइ चुर सुख योँइमुँ, किहइ बिस्याँ चर दुःख योँइमुँ ।

26 चुबैँ म्हिमैँ छुइले चर ह्याल् आखाँरिगे, धै चबैँ म्हिमैँ या चुर डि डार खल् आखाँरिगे बिसि क्हेमैँ नेरो डिए म्हाँजोरि बेल्ले थेबै गैरु होंल्दों मुँ ।’

27 “छुबिमा च प्हुँबै म्हिइ बिइ, ‘छु बिस्याँ, ओ बाज्यू, ड यो छयुँ लमुँ किहइ लाजरस डए आबाए धिँर कुल्मिन् ।

28 तलेबिस्याँ डए त्येमैँ इहउलो चर मुँ । चमैँ या चु नर्गर आयुरिगे बिबै ल्हागिर लाजरस ह्यासि चु दुःख योँबै क्ल्हयोए बारेबै ताँ चमैँने बिमिरिगे ।’

29 “दिलेया अब्राहामइ बिइ, ‘चमैँने बालु स्योँम्बै मोशा नेरो अगमबक्तामैँइ प्हिबै छवे मुँ । चमैँइ च छ्वेर प्हिबै ताँमैँ छेनाले खेरिगे, थेरिगे ।’

30 “च प्हुँबै म्हिइ धबै बिइ, ‘आडिं, बाज्यू अब्राहाम, चमैँइ प्हिबै ताँ आक्वेंलै या सियाबै म्हिमैँउँइले घि सोगों तसि चमैँ डार ह्याइ बिस्याँ बल्ल चमैँइ ह्रोंसए आछयाँबै केमैँउँइले सें एसि परमेश्वरए ताँ क्वेंबुँ ।’

31 “दिलेया अब्राहामइ चने बिइ, भोशा नेरो अगमबक्तामैए ताँ आक्वेस्याँ म्हि घि सिबउँइले सोगों तसि चमैं डार ह्याना बिलेया चमैंइ क्वेरिक् आरे ।”

17

17:1-17:17; 17:18-17:22; 17:23-17:34

1 येशूजी ह्रोंसए चेलाभैने बिइ, “म्हिलाइ पापर च्होवाबै सैमैं खैलेबिलेन् खब्मुँ, दिलेया आछ्याँबै पाप केमैं लबर ल्हैदिबै म्हिइ थेबै सजैं योँब्मुँ ।

2 चु च्युगुथिरि कोलोमैं धों तबै म्हि घिलाइ पाप के लबर ल्हैदिस्याँ च म्हिइ सजैं योँब् भन्दा चए खरिर हेंदो च्योसि मा डच्युँइर भ्योँवाब चए ल्हागिर छ्याँब तब्मुँ ।

3 छतसि ह्रोंसए बारेर न्ह क्रों मि क्रोंले टिद् ।

“क्हिहए अलिइ क्हिहए फिर आछ्याँबै के लइबिस्याँ चलाइ छ्याँबै सुँइ लोदा सैंदा लद, झाइले ‘डइ पाप लइ डलाइ माफ पिन्,’ बिसि चइ बिस्याँ माफ पिन् ।✧

4 क्हिहए अलिइ क्हिहए फिर तिगेर्न डिखे समा आछ्याँबै के लना बिलेया डिखेन् क्हिह डार खसि ड ‘माफ पिन्’ बिस्याँ क्हिहइ चलाइ माफ पिन् ल्हुम् ।”

5 कुल्मिंभै चेला चिभ्मैंइ प्रभुने बिइ, “ओ प्रभु, डिहए बिश्वास बडिमिन् ।”

6 प्रभु येशूजी बिइ, “क्हेमैंने पासगिए फुँ धों प्रेथेबै च्युगुथिरि मत्त्रे बिश्वास मुँ बिस्याँ ‘चु काफलए धुँ मा डच्युँइर रुँइयाद्,’ बिलेया चइ डिंब्मुँ ।”

7 येशजी धबै बिइ, “कहेमैं खाबज्यै या ह्रोंसए के लबै म्हि प्रोंर के लसि र-क्यु छसि धिर खबै तोदोंन् चने युन्ले कै चखो, बिम् रो वा?

8 छ बिबै साटोरि बरु केर फगि खिसि डए ल्हागिर युनन् कै, ट्हा ह्योसि ड चल् पिन्। डइ चल् खाँबै लिउँइ मत्त्रे किह चद्, आबि रो वा?

9 कल्हेइ ल्हेदिबै के लना बिलेया कल्हेइ केब्छैलाइ धन्यबाद पिम् रो वा? आपिं।

10 छलेन कहेमैंज्यै या ह्रोंसने ल्हेदिबै ताँन् केमैं लल् खाँसि ‘डि केर आफेबै केब्छै ग, डिइ ललन् त्हुबै के मत्त्रे लइमुँ।’ बिद्।”

???? ???? ?????????? ??? ??????

11 येशू यरूशलेम सहरउँइ ह्यामा सामरिया नेरो गालील ह्युलए साँदउँइले तसि ह्याइ।

12 येशू नाँस ध्रिर फेबि छेमा चर खीने कोर खबै म्हि च्यु त्होइ। चमैँइ दे हेंगोन् रासि

13 येशूने थेबै कैले बिइ, “ओ येशू प्रभु, डिए फिर ल्हयो खमिन्।”

14 चमैँलाइ प्रोंसि येशूजी बिइ, “ह्याने! खो पिबै खेगि डाँर ह्यासि ह्रोंसलाइ उँइन्।”*☆ येशूजी बिब् धोले चमैँ खेगि डाँर ह्यारिमा घ्याँन चमैँए कोर सयाइ।

15 चमैँए न्होंर म्हि ध्रिइ खी सयाब था सेसि थेबै कैले परमेश्वरए मिं क्वेदै येशू डाँर एखइ।

16 झाइले येशूए फ्ले फ्योसि येशूलाइ धन्यबाद पिंइ। च सामरियाथें मुँल।

17 येशूजी बिइ, “सब म्हि च्युउलो आडिं वा? अरू म्हि कु खनिर मुँ?

* 17:14 ००:१४ ०००००००० ०००० ०० ०००००० ०० ० ०००००० ०००० ००० ०० ०००० ००००००० ०००००००० ०००० ☆ 17:14 17:14 ०००० ००:१-३२

18 परमेश्वरए मिं थेब लबर चु सामरी मत्रे एखइ वा अरू खनिर ह्याइ?”

19 च लिउँई येशूजी च सामरियाथेने बिइ, “रेदु, धै ह्नोंसए घ्याँ कहाद् । किहए बिश्वासइ किह सइमुँ ।”

ॐॐॐॐॐॐॐॐ ॐॐॐॐॐॐॐॐ
(ॐॐॐॐॐ ॐॐ:ॐॐ-ॐॐ,ॐॐ-ॐॐ)

20 कोइ फरिसीमैँइ येशूने “परमेश्वरए ग्याल्स खोंयोसेरो खम?” बिसि डच्योएमा

येशूजी चमैँने बिइ, “परमेश्वरए ग्याल्स म्हिमैँए मिइ म्रोंल्ले आखा ।

21 इह्योत्ति! परमेश्वरए ग्याल्स चुर मुँ, ‘चर मुँ’ बिसि खाबज्यै बिल् आखाँ । तलेबिस्याँ परमेश्वरए ग्याल्स क्हेमैँए म्हाँजोर्न मुँ ।”†

22 येशूजी खीए चेलाभैँने बिइ, “तिंगेन् बिलेया म्हिए च्हेजी ग्याल्स लब् म्रोंल् योंस्याँ तमल बिबै त्हे फ्हाँन लिउँई खब्मुँ, दिलेया क्हेमैँइ म्रोंल् योंरिब आरे ।

23 म्हिमैँइ क्हेमैँने इह्योत्ति! येशू चर मुँ, ‘चुर मुँ,’ बिब्मुँ । दिलेया चमैँइ बिब आक्वेन्, चमैँए लिलि आप्रद् ।

24 तलेबिस्याँ मुर काँम्मिल-तिम्मिल रामा मुए छेउ घ्निउँईले अर्को छेउ समा चारमुँ, छलेन म्हिए च्हे युबै त्हिंडरै या छान् तब्मुँ ।

25 दिलेया खीजी ओंसों त्हेँ दुःख सैदिल् त्हुब्मुँ, धै चु पुस्ताबैँ म्हिमैँइ खीलाइ म्हि आच्छिसि खीए फिर बिश्वास आल ।

26 “स्योम्बै नोआए पलोर खै तल, म्हिए च्हे धबै युबै त्हेरै या छान् तब्मुँ ।”☆

27 नोआ क्यु झाजर आहोंन् समा च त्हेबैँ म्हिमैँ चब, थुँब, ब्ह्या लब लसिन् मुँल, चमैँ छले दुक्कले ह्नों-ह्नोंसए पार्लेन् प्ररिबै त्हेर्न थाइ आसेल्ले थेबै नाँ बाडिइ युसि म्हिमैँ ताँन् सैवाइ ।”☆

† 17:21 ॐॐ:२१ ॐॐॐॐॐॐॐ ॐॐॐॐॐॐॐॐॐ ॐॐ ॐॐॐॐ, येशूजी लबै केमैँन् परमेश्वरए ग्याल्सा ग । ☆ 17:26 17:26 ॐ ॐ:५-८ ☆ 17:27 17:27 ॐ ॐ:६-२४

28 “स्योम्बै लोतए पलोरै या छान् तल । सदोमथेंमें चइ-थुँइन मुँल, चुँब-किब लसिन् मुँल, बालि-पुलि त्हेदिसिन् मुँल, धिमें बनेसिन् मुँल ।

29 दिलेया लोतइ सदोम सहर पिबै त्तिंइर्न परमेश्वरजी मुउँइले मि नेरो बारुद भ्योमिसि चबै म्हिमें ताँन् सैवाइ ।*

30 म्हिए च्ह युबै त्हेरै या छान् तब्मुँ ।

31 “च त्तिंइर धिंए फि तलर मुँब्में ह्नोंसए चैदिबै सैमें किनेलु त्हुइ विसि क्युरु आतरिगे छलेन म्रोंजरे के लब्मेंया धिंउँइ आएखरिगे ।*

32 लोतए प्हेंस्योए ताँ क्हेमेंइ मैन् ।†*

33 खाबइ ह्नोंस जोगेल् म्हैमुँ, चइ खोंयोइ आखाँबै छ्ह योरिब आरे, दिलेया खाबइ ह्नोंसलाइ तो धोंइ आइहाँ चमैइ खोंयोइ आखाँबै छ्ह योंब्मुँ ।*

34 ड धवै क्हेमेंने बिमुँ, च म्हुँइसर क्त्त्यो घिर्न रोरिब्में डिहंग न्होरि घि परमेश्वरजी बोब्मुँ, घि वाथेंब्मुँ ।

35 छलेन बालुन् हेंदो प्त्होरिबै च्हमिरिमें डिहंरै या घि परमेश्वरजी बोब्मुँ घि वाथेंब्मुँ । [

36 च धोलेन् § बारिर के लब्में न्होरै या घि बोब्मुँ, घि वाथेंब्मुँ ।]”

37 छ्हाबै ताँ थेसि चेलामेंइ येशूने डचोएइ, “प्रभु चु केमें खनिर तमुँ?”

येशूजी चमैने बिइ, “खनिर सिनु तमुँ चर्न क्त्रेमें खागु तम् ।”

* 17:29 17:28-29 ०० ००:२०—१९:२५ ✧ 17:31 17:31 ०००० ००:१७-१८; मर्क १३:१५-१६ † 17:32 ००:३२ ०००० ०००००००००० ०००० ०००००००००० ०० ००००००० ०००००००० ० ००० ०००० ००००० (उत्पत्ति १९:२६) ✧ 17:32 17:32 ०० ००:२६ ✧ 17:33 17:33 ००००० ००:३९; १६:२५; मर्क ८:३५; लूक ९:२४; यूह १२:२५ § 17:36 ००:३६ ००००० ००००००० ००० ०००००००० ०००००००००० ०० ००००००० ००००००००० ००००००००० ०००००००००

18

?????????? ???? ???? ?????

1 चेलामें खोंयोंन् बिलै प्राथना लरिगे धै सैं च्योंब आलरिगे बिबै सैले येशूजी अहान् घि बिइ।

2 “सहर घिर नियाधिश घि मुँल। च परमेश्वर मोसेया आड्हंमल, म्हिमैलाज्यै या तोइ वास्ता आलमल।

3 च सहरर म्हरेस्यो घि मुँल। च नियाधिश डार ह्याब्बें लसि ‘डए शत्तुरइ ड बेल्ले दुःख पिंडमुँ। छतसि डए निसाफ लमिन्,’ बिमल।

4 ल्हें त्हे समा नियाधिशइ थेबै न्ह आलल्ले टिइ। दिलेया ‘डइ परमेश्वरै या आम्हाँदि, म्हिमैलाज्यै या तोइ वास्ता आल, दिलेया चु म्हरेस्योइमि छोंरो इहाँनन् लइ,’ विसि चइ सैं न्हों-न्हों मैँइ।

5 छतसि तारे चुए निसाफ लमिन् लहुइ। निसाफ आलमिंस्याँ च खब्बें लसि डलाइ छोंरो इहाँन लब्मुँ।”

6 प्रभुजी धबै चमैने बिइ, “च अधर्मि नियाधिशइ तो बिइमुँ, मैँन्दि।

7 छलेन परमेश्वरजी त्हाँबै म्हिमैँइ त्हियाँ म्हुँइँस खीने प्राथना लब्मैँए निसाफ खीजी आलमिं रो वा? क्हेमैँए ल्हागिरि निसाफ लमिंवर खीजी क्हाँल लम् रो वा?

8 ड क्हेमैँने बिमुँ, खीजी त्हाँसए म्हिमैँए ल्हागिरि युनन् निसाफ लमिंब्मुँ। दिलेया म्हिँए च्हुँ धबै ह्युलर युमा बिश्वास लसि टिरिब्मैँ खीजी त्हाँल योंलै रो वा?”

?????????? ???? ???? ?????

9 ड ठिक के लबै म्हिँ ग बिब् फ्हेँसि अरूमैँलाइ तो धोंइ आड्हँबै को-कोइ म्हिमैँलाइ येशूजी चु अहान् बिइ,

10 “म्हि डिहं मन्दिरर प्राथना लबर ह्याइ। चमै डिहंर घ्रि फरिसी टोलिबै म्हि, अर्को रोमी मुँए ल्हागिर बालि रेबै म्हि मुँल।”*

11 फरिसीइ रासि सैं न्हों-न्हों छले प्राथना लइ, ‘ओ परमेश्वर, ड किहलाइ धन्यवाद पिंमुं, तलेबिस्याँ ड अरू म्हिमै धोले लोब लब, स्योर तेब, च्मिरिमैए फिर आछ्याँबै सैं मैबै म्हि आडिं, धै चु बालि रेबै म्हि धों तबै या ड आडिं।’

12 ड सदर डिहब्ले बर्त टिम्। डइ योबै तोन्दोरि सैमैउँडले च्युबाँबै तिबाँ किहए मिर पिंम्।’

13 “दिलेया च बालि रेबै म्हि हेंगोन् रासि ‘डम् स्वर्गउँड इह्योबै लायकबै आरे’ इहाँइ। धै सैं च्योने लदै ह्णोसए तिर ठौददै ‘ओ परमेश्वर, ड पापि म्हि ग। डए फिर ल्हयो खमिन्,’ बिइ।

14 “ड व्हेमैने बिमुं, च फरिसी भन्दा बालि रेबै म्हि परमेश्वरए उँडर ठिक ठर्दिसि धिर एह्याइ। तलेबिस्याँ तोगो च्योने तसि कुरब्मैलाइ परमेश्वरजी थेब लमिंम्मुं। तोगो डम् डन् ग बिसि थेब ढ्हेँम् परमेश्वरजी कुरवाब्मुं।”*

*222222 22222222 2222 2222
(222222 22:22-22; 222222 22:22-22)*

15 खेमैए कोलोमैए फिर येशूजी यो थेंसि आशिक पिंरिगे इहाँसि म्हिमैइ खी डार कोलोमै पखइ। कोलोमै पखब् प्रोसि चेलामैइ चमै हौदिइ।

16 दिलेया येशूजी कोलोमै ह्णोस डार हुइसि चेलामैने बिइ, “कोलोमै ड डार खल् पिन्। चमैलाइ आखो आबिद, तलेबिस्याँ परमेश्वरए ग्याल्स चुमै धों तब्मैल् ग।†

* 18:10 ००:३० ० ०००० ०००००००० ००० ०००००० ०० ०००, तलेबिस्याँ यहूदीमैए सैर चमैइ रोमी मुँए ल्हागिर के लमा यहूदी म्हिमै लुसि ख्याब चम् बिसि मैमल। ☆ 18:14 18:14 ०००० ००:१२; लूक १४:११ † 18:16 ००:३६ ०००० ०००००, परमेश्वरए ग्याल्स चु धोबै म्हिमैल मुं।

17 क्ह्रोसेन्ले ड कहेमैने बिमुँ, ह्रोसए आबा-आमाइ बिब चु च्योबै कोलोमैइ डिंम् । छतसि कहेमै या परमेश्वरजी बिब डिंन् । आडिंइ बिस्याँ कहेमै परमेश्वरए ग्याल्सर होल् योरिब आरे ।”

*000000 000000 0000 0000000000000000 00 00000 0000/
(000000 00:00-00; 0000000 00:00-00)*

18 चु ताँ थेसि यहूदी चिब घ्रिइ येशूने “ओ स्वाबै गुरु! खोयोइ आखाँबै छह योबै ल्हागिर डइ तो लल् त्हुम्?” बिसि डचोएइ ।

19 येशूजी चने बिइ, “क्हिइ डने तले स्वाब बिमुँ? परमेश्वर बाहेक अरू खाबै या स्वाब आरे ।

20 परमेश्वरए छवेबै ताँ क्हिइ आसे वा? ‘व्यभिचार आलदु, म्हि आसैदु, आह्योदु, स्योर आतेदु धै ह्रोसए आबा-आमाइ बिब डिंन्;’ बिसि चर फ्ह्रिइमुँ,” आडिं वा ।☆

21 चइ बिइ, “चु ताँमैम् डइ फ्रेंसि ओनोंन् लइमुँ ।”

22 चए ताँ थेसि येशूजी चने बिइ, “अझै क्हिइ लल् त्हुबै के घ्रि चैमुँ । क्हिने मुँबै सैमै ताँन् चुँसि योबै मुइ ड्हाँदुमै चुमिंन्, धै डए ललि प्रद, छलस्याँ क्हिइ स्वर्गर सै न्होर योबुँम् ।”

23 येशूए ताँ थेसि चए लि छु तयाइ । तलेबिस्याँ च बेल्ले प्लबै म्हि मुँल ।

24 चए लि छु तब् म्रोसि येशूजी चने बिइ, “प्लबै म्हिमै परमेश्वरए ग्याल्सर होब बेल्ले गारो मुँ!

25 तलेबिस्याँ प्लबै म्हिमै परमेश्वरए ग्याल्सर होब भन्दा सलु (ऊँट) ताए मिर क्युलब सजिल तम् ।”

26 चु ताँ थेबुँमैइ “छ, बिस्याँ खाबइ मुक्ति योल् खाँमुँ?” बिसि येशूने डचोएइ ।

27 येशूजी चमैने बिइ, “म्हिमैइ लल् आखाँबै के परमेश्वरजी लल् खाँम् ।”

☆ 18:20 18:20 0000 00:१२-१६; व्य ५:१६-२०

28 छबिमा पत्रुसइ बिइ, “डिम् ह्नोंसए धि-नाँ वाथेंसि क्हिए लिलि प्रइमुँ।”

29 येशूजी चमैने बिइ, “क्ह्नोंसेन ड क्हेमैने बिमुँ: परमेश्वरजी बिब म्हांदिबै ल्हागिर खाबइ धि-नाँ, मिं-प्हसे, अलि-अडाँ आबा-आमा वाथेंमुँ,

30 चइ चु जुगर्न अझै च भन्दा ल्हें योँब्मुँ। धै तारे खबै जुगरै या खोँयोँइ आखाँबै छ्ह योँब्मुँ।”‡

ॐॐॐॐॐॐ ॐॐॐॐॐॐ ॐॐॐॐ ॐॐॐॐॐॐ ॐॐॐ ॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐॐॐ ॐॐ:ॐॐ-ॐॐ)

31 च लिउँइ येशूजी ह्नोंसए च्युसे डिहं चेलामै तिराइ बोसि बिइ, “तारे डचो यरूशलेम सहरउइ ह्याइन मुँ। म्हिए च्हए बारेर अगमबक्तामैइ फ्लिबै ताँन् ताँ पूरा तब्मुँ।

32 चमैइ फ्लिब् धोले म्हिमैइ म्हिए च्ह अरू हेंमैए योर पिंवाब्मुँ। चमैइ खीए बिल्लि लसि थुइब्मुँ धै खीए आब्रु वाब्मुँ।

33 चमैइ खी कोर्राइ प्रुब्मुँ धै कूसर च्योवासि सैवाब्मुँ। दिलेया सोँरोर खी धबै सोगोँ तसि खब्मुँ।”

34 दिलेया चेलामैइ चु ताँ तिफुँइ आक्हो। चु ताँए अर्थ परमेश्वरजी चमैउँइले लोसि थेंइ। छ्तसि चमैइ येशूजी बिबै ताँ क्होल् आखाँ।

ॐॐॐॐॐॐ ॐॐ ॐॐॐॐ ॐॐॐॐॐॐॐ ॐॐॐॐॐॐ
(ॐॐॐॐॐ ॐॐ:ॐॐ-ॐॐ; ॐॐॐॐॐॐ ॐॐ:ॐॐ-ॐॐ)

35 येशू यरिहो सहरर फेखमा चर मि आम्रोँबै म्हि ग्नि घ्याँए रेर क्हुँसि चर प्रब्मैने बालु मुइ ह्तिरिल।

36 घ्याँर ल्हें म्हि प्रबै कै थसि “तो तरिइमुँ जा?” बिसि चइ डचोएइ।

5 येशू चर फेखसि ताइ इह्योसि बिइ, “ओ जखायस, युना क्युरु तयु, तलेबिस्याँ ड तियाँ क्हिए धिर बास टिल् त्हुइमुँ।”

6 छ्बिमा च युन्ते सर तयुइ। धै सैं तोंदै येशू धिर बोसि मान लइ।

7 छ्ले येशू जखायसए धिर ह्याब् म्रोसि “अच्या छाबै पापि म्हिए धिरै या प्हेँ तबर ह्याइ बिसि म्हिमैइ खीए ताँ लबर होंइ।”

8 च्हमन् जखायस रासि प्रभु येशूने बिइ, “प्रभु, ड तारे ह्नोंसए सै न्होरए आधा भाग इहाँदुमें चुमिंम्। झाइले डइ रोमी मुँए ल्हागिर बालि रेमा खाबलाज्यै या लुसि मुइ किना बिलेया तिबाँर प्लिबाँ तेंसि चमै एमिंम्।”

9 येशूजी चने बिइ, “तियाँ चु धिबै म्हिमैइ मुक्ति योंइमुँ, तलेबिस्याँ चु या अब्राहामए सन्तान ग।

10 तलेबिस्याँ म्हिए च्छलेन् घ्याँ आसेसि म्हप्ररिब्मैलाइ म्हाबर नेरो जोगेमिंबर युब् ग।”*☆

????? ??????????
(????? ??-??-??)

11 येशू यरूशलेम सहर चेंदो फेखमा म्हिमैए सैंर “परमेश्वरजी ग्याल्स लबै त्हे† युनन् तबि छेना बिब् मैसि खीए ताँ थेरिल। छ्तमा येशूजी चमैने परमेश्वरए ग्याल्सए बारेबै ताँ अहानउँडले बिइ।”

12 येशूजी बिइ, “प्लबै म्हि भ्रिइ हेंगोबै ह्युल भ्रि डए हग न्होर पखल त्हुइ बिबै सैं लइ।

* 19:10 ००:१० ०००००००००००००० ००००० ०००० ०००००००० ०००० ० ००००० ०००००००० ०००, मतलब यहूदी, परमेश्वरजी ल्हाबै म्हिमै न्होंबै मुँल। दिलेया तोगो मत्त्रे प्रभु येशूए फिर बिश्वास लसि च आछ्थाँबै केए सजैँउँडले फ्रेसि परमेश्वरजी जोगेमिंइमुँ। ☆ 19:10 19:10 ००००० ००:११ † 19:11 ००:११ ००००० ००००००, परमेश्वरए ग्याल्स

13 झाइले खी ह्याब् भन्दा ओंसों ह्रोंसए के लबै म्हिमें च्युउलो हुइसि 'ड आएखन् समा चु माराए सिक्काउँइले छों लद्,' बिसि माराए सिक्का‡ घि घि पिंइ ।

14 "दिलेया चए ह्युलबै म्हिमेंइ च चिबलाइ आखोमल । छतसि चिब ह्याबै लिउँइ 'चु म्हि डिए फिर मुँ तब डि आसैदि,' बिद् बिसि थेबै मुँ डार चमैइ स्यार्वो कुलइ ।

15 "दिलेया च चिब मुँ तसि एखबै तोदोन् ह्रोंसइ मुइ पिथेंबै के लबै म्हिमें खी डार हुइबर ल्हैदिइ । झाइले छों लसि चमैइ कति कमदिइ बिसि कहोल् म्हेइ ।

16 ओंसोंबै के लबै म्हि खसि बिइ, 'ओ चिब, किहइ पिंबै माराए सिक्का घिउँइले डइ सिक्का च्यु कमदिइमुँ ।'

17 "च मोंसि मुँ बेल्ले सैं तोदै बिइ, 'स्याबास! किह स्वाबै के लबै म्हि मुँन! च्युगुदे सैर किह भर लल् खाँब तइ । छतसि तारे सहर च्युए फिर किह कल्हे तब्मुँ ।'

18 "छलेन अर्को के लबै म्हि खसि बिइ, 'ओ चिब, किहइ पिंबै माराए सिक्का घिउँइले डइ सिक्का इह कमदिइमुँ ।'

19 "झाइले मुँइ चलाज्यै या बिइ, 'किह सहर इहए फिर कल्हे तल् योँब्मुँ ।'

20 "अर्को के लबै म्हि खसि बिइ, 'ओ चिब, किहइ पिंबै माराए सिक्का डइ ह्रुमालर चोसि थेंल । चुर मुँ नाँ बिइ ।

21 किह मोंसि ड डिहंड, तलेबिस्याँ किह सारो सैं मुँबै म्हि मुँ । किहइ थेंइ आथेंबै सै किल् म्हेम्, धै प्लुइ आप्लुबै सैन् खैम् ।'

22 "क्ल्हेइ च के लबै म्हिने बिइ, 'ओ, केर आफेबै म्हि! किहइ पोबै ताँउँइलेन् डइ किहए निसाफ लब्मुँ । डए सैं सारो मुँ, डइ थेंइ आथेंबै सैन् किंमुँ, धै प्लुइ आप्लुबै सैन् खैम् बिब किहइ सेना ।

23 छ बिस्याँ किहइ डए मुइ बेङ्गर तले आथेंल? बेङ्गर थेंस्याँ ड एखमा ब्याजै योमल ।’

24 झाइले च जरे रारिबैंने खीजी बिइ, ‘चउँइले माराए सिक्का फ्रेंसि सिक्का च्यु मुँबै म्हिलाइ पिंवान् ।’

25 “दिलेया चमैँइ खीने बिइ, ‘ओ चिब चनेम् माराए सिक्का च्यु मुँदि!’

26 “डः कहेमैँने बिमुँ, खाब्ने मुँ चलाइ झन् ल्हें पिंभुँ । खाब्ने आरे चने मुँबै या फ्रेंवाब्मुँ ।”

27 तारे डलाइ आखोसि ‘भुँ आतरिगे’ बिबैं चुर पखसि डए उँइँर सैवाद् ।”

२३ २३:२३-२३:२३; २३:२३-२३:२३; २३:२३-२३:२३
 (२३:२३-२३:२३; २३:२३-२३:२३; २३:२३-२३:२३)
 २३:२३-२३:२३)

28 चु अहान् बिल् खाँबै लिउँइ येशू ह्रोंसए चेलामैं भन्दा ओंसों यरूशलेमउँइँ ह्याइ ।

29 बेथफागे नेरो बेथानिया बिबै नाँसए चेंदो जैतून बिबै कौर फेखमा येशूजी ह्रोंसए चेलामैं डिहंने छ, बिसि कुलइ,

30 “च चेंदोबै नाँसर ह्यादु । चर ह्याम खाबै आक्रेबै गधा झज च्युँइँथेंब कहेमैँइ स्याब्मुँ । च पिसि चुर पखो ।

31 चलाइ पिमा ‘तले पिल?’ बिसि खाबज्यै डचोस्याँ ‘प्रभुए ल्हागिर चैदिइमुँ,’ बिद् ।”

32 कुल्मिंबे चेलामैं डिहं ह्यामा येशूजी बिब् धोलेन् गधाए झज स्याइ ।

33 गधा पिबर होंमा गधाए क्ल्हेइ “चु गधा तले पिल?” बिसि डचोएइ ।

34 चमैँइ गधाए क्ल्हेने बिइ, “चु प्रभुए ल्हागिर चैदिइमुँ ।”

☆ 19:26 19:26 १९:२६; मर्क ४:२५; लूक ८:१८ ☆ 19:27 19:11-27 १९:११-२७
 १९:१४-३० ☆ 19:27 19:27 १९:२७ १९:१४-३०

१११११ ११११११११ ११११११
 (११११११ ११:११-११; १११११११ ११:११-११; ११११११११
 १:११-११)

45 च लिउँइँ येशू यरूशलेम सहरबै मन्दिरर ह्यासि चबै छों लबै ताँन् म्हिमै ल्हावाइ ।

46 झाइले चमैने बिइ, “परमेश्वरजी खीए छ्वेर ‘ङए धिं प्राथना लबै धिं तब्मुँ,’ बिसि फ्हिइमुँ, दिलेया कहेमैइमि ह्योमैए धिं लना ।”☆

47 छले येशूजी त्हिंइ ह्रोंसे मन्दिरर म्हिमै लोमिमल । छतसि खो पिंबै खेगि चिबै, शास्त्रिमै नेरो चिबनाँबै क्हिसि येशू सैल् म्हैमल ।☆

48 दिलेया खी सैबै ल्हागिर चमैइ तोइ निउँ आयों । तलेबिस्याँ येशूजी लोमिंबै ताँ बेल्ले छ्याँब म्हाँदिसि म्हिमैइ थेमल ।

20

११११११ ११
 (११११११ ११:११-११; १११११११ ११:११-११)

1 तिगें येशूजी मन्दिरर परमेश्वरउँइँले खबै सें तोबै ताँमै म्हिमै लोमिरिल । छतमा चिबनाँबै, खो पिंबै खेगि चिबै नेरो शास्त्रिमै येशू डार खसि

2 “डिंने बिद्, चु केमै लब क्हिला तो हक मुँ, क्हिलाइ चु हग पिंब खाब जा?” बिसि ड्योएइ ।

3 येशूजी चमैने बिइ, “छ बिस्याँ डज्यै या कहेमैने ताँ ग्नि ड्योएम् चाए ज्वाफ पिन् ।

4 यूहन्नाइ म्हिमै क्युर फ्हँसि बप्तिस्मा पिंबै हग परमेश्वरउँइँले योइ उ म्हिमैउँइँले योइ?”

5 चु ताँ थेसि चमै खें-खेंमैए न्होरि छलफल लबर होंइ, “डचोइ खै बिब? ‘परमेश्वर उँडँले’ बिइ बिस्याँ कहेमैइ ‘तले यूहन्नाए ताँ आक्वेल?’ बिसि चइ बिब्मुं।

6 ‘म्हि उँडँले’ बिले बिस्याँ चुबै म्हिमै ताँनइ डचो युँमाइ प्रिसि सैवाब्मुं, तलेबिस्याँ यूहन्ना अगमबक्ता ग बिसि चमैइ क्वेम्।”

7 छतसि चमैइ येशूने बिइ, “तुसि, खनि उँडँले योंइ? डिइ आसे।”

8 येशूजी चमैने बिइ, “छ बिस्याँ डज्यै या खाबै हक उँडँले चु केमै लमुं बिसि कहेमैने आबि।”

□□□□□ □□□□□ □□□□□
(□□□□□ □□:□□-□□; □□□□□□ □□:□-□□)

9 च लि उँडँ येशूजी म्हिमैने अहान् बिइ, “म्हि घिइ अँगुरए खेति ल्हेदिसि म्हिमैने आधेर पिसि खी अको ह्युलर ह्यासि ल्हे ल्हे समा टिइ।*

10 अँगुर मिबै त्हेर क्ल्हेइ के लबै म्हि घि आधे किंवर कुलइ। दिलेया आधे लब्मैइ च म्हि धोंसि कहोतेन् कुल्मिंइ।

11 झाइले क्ल्हेइ अको के लबै म्हिलाइ कुलइ। चलाज्यै या चमैइ धोंसि आबु वासि तोइ आपिन्ने कहोतेन् ल्हामिंइ।

12 च लि उँडँ धबै अको के लबै म्हि कुलइ। चलाज्यै या चमैइ आधकल्सो लसि भ्योंवाइ।

13 “च्छौ तसेरो अँगुरए क्ल्हेइ बिइ, ‘तारे खाब् कुलब् इहे? डए च्हालाइमि चमैइ मान ललै, छतसि ड ह्त्तोंसए खोबै च्हन् कुलल् त्हुइ इहाँसि कुलइ।’

14 दिलेया क्ल्हेए च्ह ह्त्तेंगो उँडँलेन् प्रोंसि आधे लब्मैइ ‘चुम् क्ल्हेए च्ह ग। चुम् हक योंल् त्हुबै म्हि ग। छतसि चलाइ सैवाले धै चए सै न्होर डचोलन् तब्मुं बिसि खेंमै न्होरि ताँ लबर होंइ।’

* 20:9 20:9 □□ □:१

15 छ, बिसि चमैइ चलाइ अंगुर मुँबै कल्ह्योउँडैले बैरु बosis सैवाइ ।

“तारे अंगुरए कल्हेइ चमैलाइ तो ललै?

16 च खसि च आधे लब्भै सैवाब्भुँ, धै म्रों अरू म्हिमैलाइन पिंवाब्भुँ ।”

चु ताँ थेसि म्हिमैइ बिइ, “छ्वाबम् खोंयोँइ आतरिगे!”

17 येशूजी चमै डाँइ इह्योसि बिइ, “छ् बिस्याँ छ्वेर फ्लिबै चु ताँए मतलब तो जा?

गारा झोंब्भैइ केर आफे बिसि भ्योंवाबै

युँमान् तेँबै क्र युँमा तइ?”*

18 च युँमाए फिर तेयाब्भै ताँनु कुदुकुदु तयाब्भुँ, छ्त्लेन खाबै फिर च युँमा तेमुँ च त्हुलफुँ लवाब्भुँ ।”

19 येशूजी चु अहान् खेमैए बारेर्न पोरिइमुँ बिसि शास्त्रिमै नेरो खेगि चिब्भैइ क्होइ । छ्त्तसि च त्हेर्न चमैइ येशू क्हाल् म्हैइ । दिलेया चमै म्हि हुल म्रोंसि डिहंमल ।

20:17 20:17

(20:17 20:17; 20:17 20:17)

20 येशूजी बिबै ताँमैउँडैले खीलाइ फसेदिसि रोमी क्रथेए योर पिंवाबै दाउ चमैइ इह्योरिल । छ्त्तसि छ्च्यौबै के लब्भै धों ब्योंबै म्हिमै छ्छै लबर चमैइ येशू डाँर कुलइ ।

21 चमैइ येशूने बिइ, “ओ गुरु, क्हिइ छ्च्यौबै ताँ पोमुँ धै खाबलाज्यै या आफेलल्ते परमेश्वरए क्ह्त्तोंसेन्बै ताँ छ्छेनाले लोमिंम् बिसि डिइ सेइमुँ ।

22 छ्त्तसि डिंलाइ बिमिन्दि । डिंइ रोमी कैसर मुँलाइ बालि फोल् त्हुम् उ आत्हु?”*

* 20:17 20:17 * 20:22 “”

23 दिलेया खीए सैं किंवर चमैइ छले ताँ डचोएब् ग बिब् सेसि
येशूजी चमैने बिइ,

24 “खोइ डने मुइ घि उँइन्दि। च मुइर खाबै नक्सा नेरो मिं
छ्वाप्दिइमुँ?”

चमैइ बिइ, “कैसर मुँए मिं नेरो नक्सा मुँ।”

25 येशूजी चमैने बिइ, “छ् बिस्याँ कैसर मुँलाइ पिल् त्हुबै
सै कैसर मुँलाइन पिन्। धै परमेश्वरए मिर पिल् त्हुबै सै
परमेश्वरलाइन पिन्।”

26 छ्बिमा म्हिमैए उँइँर चमैइ येशूए ताँ कहाबै क्त्ह्यो आयों।
बरु येशूजी बिबै ताँ थेसि चमै प्लेटोयासि तोइ आबिल्ले टिइ।

(20:27-28; 20:29-31; 20:32-34)

27 च लिउँइँ धबै को-कोइ सदुकी टोलिबै यहूदीमैं येशू डँर
खइ। चमैइ “सिबै लिउँइँ म्हि धबै सोगों आत,” बिमल। छ्त्सि
चमैइ येशूने डचोएइ,✧

28 “गुरु, मुँयुँ घि ब्ह्या लसि फ्हसे आतन्ले सियाइ बिस्याँ,
आघेंए ल्हागिर सन्तान तरिगे बिसि चए अलिइ ह्त्तोंसए चों
ब्ह्या लल् त्हुम् बिसि स्योंमा मोशाइ डचोए ल्हागिर ठिम
फ्हिथेइमुँ।✧

29 धिं घिर त्येमैं डिउँलो मुँल। ठागुइ ब्ह्या लइ। दिलेया च्-
चमि आतल्ले च सियाइ।

30 छ्त्तमा म्हैलइ ह्त्तोंसए चों पखइ। दिलेया चै या फ्हसे
आतल्ले सियाइ।

31 च लिउँइँ साँइलाज्यै या चों पखइ। चै या फ्हसे आतन्ले
सियाइ। छ्त्लेन चमै ताँनइ पलो पलोले चोंने ब्ह्या लइ, दिलेया
चमै या फ्हसे आतल्लेन् ताँन् सियाइ।

32 लिउँइँ च च्मिरि या सियाइ ।

33 छतसि सियाभ्मै धबै सोगों तमा च च्मिरि खाबै फ्हेँस्यो तलै? तलेबिस्याँ च च्मिरि त्ये डिंउँलोलन् फ्हेँस्यो तल् खाँल ।”

34 येशूजी चमैने बिइ, “चु ह्युलर म्हिमैँ ब्ह्या लमुँ, ब्ह्या लमिंमुँ ।

35 दिलेया सिबउँइँले सोगों तसि स्वर्गर ह्याबै योग्यबैँ ठदिबै म्हिमैँइ ब्ह्या आल, ब्ह्या आलमिं ।

36 तलेबिस्याँ चमैँ स्वर्गदूत धोबन् तम् । चमैँ सिसि धबै सोगों तबइले चमैँ परमेश्वरए सन्तान ग । छतसि चमैँ खोंयोँइ सिरिब् आरे ।

37 “दिलेया सिभ्मैँ धबै सोगों तसि परमेश्वरने टिम् बिबै ताँ मोशाज्यै या लुरिबै इयाडए बारेर फ्हिमा याहवेहलाइ ‘अब्राहामए परमेश्वर, इसहाकए परमेश्वर नेरो याकूबए परमेश्वर’ बिसि प्रमाण उँइँमिंइ ।*†

38 याहवेह सियाबै म्हिमैँए परमेश्वर आडिं, सोगों तभ्मैँए परमेश्वर ग, तलेबिस्याँ खीए ल्हागिर ताँन् म्हि सोगों मुँ ।”†

39 खीए ताँ थेसि को-कोइ शास्त्रिमैँइ बिइ, “ओ गुरु, किहइ ठिकन् बिइ ।”

40 च लिउँइँ खाबज्यै या खीने तोइ ताँ या डचोएबै आँट लल् आखाँ ।

□□□□□□□□ □□□□ □□□□□□ □□□ □□□□ □□□□□ □
 (□□□□□□ □□:□□-□□; □□□□□□ □□:□□-□□)

41 येशूजी चमैँने बिइ, “‘परमेश्वरउँइँले कुल्मिंभैँ मुँ खीष्ट, दाऊद मुँए हाँगउँइँले युब् ग’ बिसि म्हिमैँइ खैले बिल् खाँम्?

42 तलेबिस्याँ
 ‘प्रभु परमेश्वरजी डए प्रभुने बिइ,

* 20:37 20:37 □□□□ □:६ † 20:38 20:38 □□□□□□□□ □□□□□□ □□□□ □□□□□□ □□ □□□□□□ □□□□ □□□□□□□□□□, इसहाक नेरो याकूब सियाल् खाँल । सिल् खाँनाबिलेया याहवेहजी चमैँ सोगों मुँ बिइ ।

43 “डइ किहए शतुरमै किहए फ्ले न्होर आथेन् समा
 किह डए क्योलोउँई टिद,”
 बिसि भजनमैर दाऊद मुँइ बिइमुँ ।☆

44 छले दाऊद ह्रोंसइन ख्रीष्टने प्रभु बिइमुँ बिस्याँ ख्रीष्ट दाऊदए
 च्ह खैले तइ?”‡

22222222222222 22222222222 22222
 (222222 22:2-22; 2222222 22:22-22; 22222 22:22-
 22)

45 छले ताँन् म्हिमैइ ताँ थेरिमा येशूजी ह्रोंसए चेलाभैने बिइ,
 46 ह्रिँबै क्वे खिसि “शास्त्रिमै फ्रैंसि छाइ-छुइ बजारजरे प्रमा
 म्हिमैइ म्हाँदिरिगे इहाँब, च्हों धिंजरे ह्यामा म्हिमैइ थेब लरिगे
 इहाँब छलेन भत्यारजरे ह्यामा मान तबै क्त्ह्योर कहुँल् म्हेबै
 शास्त्रिमैने जोगेसि टिद ।

47 चमैइ म्हरेस्योमैए धिं नाँ लुडिमुँ । दिलेया म्हिमैए उँइरि
 बिस्याँ बेल्ले प्राथना लब फ्रैंम् । छाभ्मैइ झन् थेबै सजैँ योँम् ।”

21

222222222222 22222
 (2222222 22:22-22)

1 खीजी इह्योरिमा प्लहो-प्लहोबै म्हिमैइ मन्दिरबै भेटि बकसर
 भेटि झोरिब म्रोंइ ।

2 झाइले इहाँदु म्हरेस्यो म्रिइ मुइ इहफुँ झोंबै या खीजी म्रोंइ ।

3 छतमा खीजी बिइ, “क्त्होंसेन ड क्हेमैने बिमुँ, च तोइ आरेबै
 म्हरेस्योइ अरूमैइ भन्दा ल्हें भेटि झोंइमुँ ।

☆ 20:43 20:42-43 00 000:2 ‡ 20:44 00:४४ 0000, ख्रीष्ट दाऊद मुँए कुल तस्याँ
 दाऊद भन्दा च्योँब तम् । झाइले ख्रीष्ट दाऊद मुँए प्रभुन तस्याँ दाऊद भन्दा थेब तम् ।
 इहंन-इहंन् खैले तम्? उत्तर, ख्रीष्ट पक्का म्हि तसि दाऊदए कुलर युइ, छलेन
 पक्का परमेश्वर तबइले खी दाऊदए प्रभु या तइ ।

11 कल्ह्यो कल्ह्योरि थेब् थेबै सयो खब्मुं, अङ्गल तब्मुं, झाइले डिहंन् तबै रोगमै खब्मुं । मुर थेब् थेबै डिहंन् इहाँबै चिनुमै म्रोंब्मुं ।

12 चु ताँन् सैमै तब् भन्दा ओसों म्हिमैइ क्हेमैलाइ ह्रुगुदिब्मुं । चमैइ क्हेमै क्हासि च्हां धिंजरे बोसि क्हेमैए मिंर मुद्दा झोंसि झेलर च्युवाब्मुं । क्हेमैइ डए मिं किबइले मुँमै नेरो क्रथमैए उँइर बोब्मुं ।

13 दिलेया चमैने सैं तोबै ताँ बिबै मौका च त्हेर क्हेमैइ योंब्मुं ।

14 छतसि ह्रोंस जोगेबै ल्हागिर खै बिब् इहे बिसि क्हेमैइ न्हुं लल् आल्हु ।

15 तलेबिस्याँ डइ क्हेमैलाइ छाबै ज्ञान बुद्धिए ताँ पॉल् पिंब्मुं, च ताँ पॉमा चमैइ क्हेमैए ताँए ज्वाफ पिंल् खाँरिब् आरे, क्हेमैए ताँ थोल् खाँरिब् आरे ।*

16 ह्रोंसए आबा-आमा, आघें-अलिमै, ह्रोंसए थुमै नेरो ह्रजे-म्हजेमैज्यै क्हेमै शत्तुरमैए योर पिंवाब्मुं, झाइले क्हेमैए न्हॉरि को-कोइ चमैइ सैवाब्मुं ।

17 क्हेमैइ डए मिं किबइले ताँन् म्हिमैइ क्हेमै हेल लब्मुं ।

18 दिलेया क्हेमैए क्र फ्हो घ्रि या नास तरिब् आरे ।

19 छतसि आनारद्, आसिन् समा सैदिद्, छलस्य्याँ क्हेमै खोंयोँइ बिलै सोसि परमेश्वरने टिल् योंब्मुं ।”

□□□□□□□ □□□ □□□ □□□ □□□
 (□□□□□□ □□:□□-□□; □□□□□□ □□:□□-□□)

20 येशूजी धबै बिइ, “यरूशलेमलाइ सेनामैइ घेदिरिब् म्रोंमा तारे यरूशलेम नास तबै त्हे तबि छेना बिब क्हेमैइ सेद् ।

21 च त्हेर यहूदीया ह्युलर मुँब्मै कोंउँइ भौदिरिगे । यरूशलेम सहर न्हॉर मुँब्मै सहर बैरु भौदिह्यारिगे, छलेन नाँसर मुँब्मै यरूशलेम सहर न्हॉर आहॉरिगे ।

* 21:15 21:14-15 □□□ □□:११-१२

30 च सिं धुँमें छारा फ़ो पलेब् भ्रोंसि कहेमैइ बर्ख ल्हौदिना बिसि सेम् ।

31 छलेन डइ बिबै चु ताँन् ताँमें तखब् भ्रोंसि परमेश्वरए ग्याल्स चेंदोन मुँन बिब कहेमैइ सेद् ।

32 क्होंसेन ड कहेमैने बिमुँ, डइ बिबै चु ताँन् ताँमें पूरा आतन् समा चु पुस्ता म्हरिब् आरे ।

33 मुनेरो पृथ्वी नास तयाब्मुँ, दिलेया डइ बिबै ताँ म्हरिब आरे ।

ॐॐॐ ॐॐॐॐॐ ॐॐ ॐॐॐॐॐॐॐ ॐॐॐॐॐ

34 “छतसि कहेमै खैले टिल् त्हुम् बिसि सैर मैसि टिद्! ल्हें चब-थुँबाए लिलि आप्रद्, फ़ा ल्हें थुँसि आम्हेरद् धै छ्ह खैले थोब् इहे बिसि न्हुँ आलद् । छले ह्युलबै सैमैर सै ह्यारिमा थाइ आसेल्ले तिखेर्न च त्हिंइर कहेमै डोर स्याब् धोले स्याब्मुँ ।

35 तलेबिस्याँ छलेन थाइ आसेल्ले पृथ्वीबै ताँन् म्हिमैए फिर च त्हिंइ खब्मुँ ।

36 छतसि च इहंन तबै ताँमें उँइले जोगेसि म्हिए च्हाए उँइर राल् योबै ल्हागिर परमेश्वरने प्राथना लब्रें लसि न्ह क्रोले टिद् ।”

37 येशूजी त्हिंइ ह्रोंसे मन्दिरर परमेश्वरए ताँमें लोमिमल । धै म्हुँइसर जैतून बिबै कोर ह्यासि बास टिब्रें लमल ।☆

38 झाइले खीजी लोमिंबै ताँ थेबर म्हिमै न्हॉकर्न मन्दिरर खमल ।

22

ॐॐॐॐॐ ॐॐॐॐॐॐॐॐॐॐ ॐॐॐॐ ॐॐॐॐॐॐ ॐॐॐॐॐ
 (ॐॐॐॐॐ ॐॐ:ॐ-ॐ,ॐॐ-ॐॐ; ॐॐॐॐॐॐ ॐॐ:ॐ-ॐ,ॐॐ-ॐॐ;
 ॐॐॐॐॐॐॐॐ ॐॐ:ॐॐ-ॐॐ)

1 च त्हेर प्लेढा आझोंबै क्हें चबै चाड खबि छेल । च त्हिंइने दुःखने फ्रेबै चाड बिमल ।*

2 खो पिंबै खेगि चिबमैं नेरो शास्त्रिमैं बिस्याँ येशू खैले सैबू इहे बिसि दाउ इह्योरिल । दिलेया म्हिमैं म्रोंसि चमैं डिहंमल ।

3 च त्हेर्न यहूदा इस्करियोतए सैर दुष्ट होइ । च यहूदा येशूए च्युसे डिहं चेलामैं न्होंबैं घ्नि मुँल ।

4 यहूदा खो पिंबै खेगि चिबमैं नेरो मन्दिर रूबर टिबै सिपाइमैं न्होंबैं कप्तानमैं डाँर ह्यासि, “डइ येशू डो सेमिंस्यो बिसि सल्ला लइ ।”

5 यहूदाए ताँ थेसि चमैं सैं तोसि “डिइ किह मुइ पिंस्यो,” बिसि बाछ्छा फेइ ।

6 चमैंइ छबिमा इस्करियोतइ “तम्” बिसि म्हिए हुल आरेबै त्हेर येशू कहाल् पिंबै दाउ इह्योइ ।

00000000 000000000000 00000000 00000000 00000 0000

(0000000 00:00-00; 00000000 00:00-00; 0000000000 00:00-00)

7 प्लेढा आझोंबै क्हें चबै चाडर म्हिमैंइ क्यु झज खो पिंसि दुःखने फ्रेबै चाड म्हाँदिमल ।

8 खीजी पत्रुस नेरो यूहन्नालाइ “ह्यासि डचोए ल्हागिर दुःखने फ्रेबै चाडए भोज तौदु लद,” बिसि कुलइ ।

9 चमैंइ खीने “ओ गुरु, डिइ चु भोज खनिर तौदु लले?” बिसि डचोएइ ।

10 येशूजी चमैंने बिइ, “क्हेमैं सहरर फेमा क्युए गौरि नोबै च्छमिरि घ्नि क्हेमैंने त्होब्मुँ । चए लिलिन् च होंबै धिर्न ह्याद ।

11 झाइले च धिं क्त्हेने ‘डइ ह्त्रोंसए चेलामैंने दुःखने फ्रेबै चाडए भोज चबै कोठा खनिर जा? बिसि गुरुजी किहने डचोएमुँ,’ बिद ।

12 छले डचोएमा चइ कहेमै फितलबै छेनाले सजेथेबै कोठा उईमिंभुँ । चर्न कहेमैइ भोजए तौदु लद् ।”

13 छले चमै ह्यामा खीजी खै बिल छाबन् स्याइ । झाइले चमैइ दुःखने फ्रेबै चाडए भोज चर्न तयार लइ ।

14 लिउई चब् चबै त्हे तमा येशू कुल्मिंबै चेला चिभैने बालु चब् चबर कहुँइ ।

15 येशूजी चमैने बिइ, “डइ दुःख नोब् भन्दा ओंसो कहेमैने बालु दुःखने फ्रेबै चाडए भोज चबै सै मुँ ।

16 तलेबिस्याँ ड कहेमैने बिमुँ, परमेश्वरए सैर मैब् धो आतन् समा* तारे डइ चु भोज धबै चरिब आरे ।”

17 च लिउई येशूजी फेला छेसि परमेश्वरलाइ धन्यबाद पिसि चेलामैने बिइ, “चु फेला किसि कहेमै न्होरि चुसि थुँन ।

18 तलेबिस्याँ ड कहेमैने बिमुँ, परमेश्वरजी खन्तोदोन् ग्याल्स आलन् समा† डइ अँगुरए खु धबै थुरिब आरे ।”

19 झाइले येशूजी योर कहे किइ धै परमेश्वरलाइ धन्यबाद पिसि कहे लुँसि चेलामै चुमिसि बिइ, “चु कहे डए ज्यु ग । कहेमैए ल्हागिर डए ज्यु खो पिब् ग । छतसि ड मैबै ल्हागिरि छलेन् कहे चब्रे लद् ।”

20 छलेन कहे चल् खाँबै लिउई येशूजी फेला घि छेइ, झाइले चमैने पिसि बिइ, “चु कहेमैए ल्हागिर बगेबै डए को ग । चु को परमेश्वरजी कहेमैने फेबै छारा बाछ्छाए छाप ग ।* ”

21 “दिलेया इह्योद् ! डलाइ कहाल् पिबै म्हि डने बालुन् चरिइमुँ ।* ”

* 22:16 ००:३६ ०००००००० ०००० ००००० ००० ०००० ००० ०००००० ०००००००, परमेश्वरए ग्याल्सर

† 22:18 ००:३८ ००००० ००००००, परमेश्वरए ग्याल्स आखन् समा * 22:20 22:20 ०० ००:३१-३४ * 22:21 22:21 ०० ००:९

22 तलेबिस्याँ परमेश्वरजी बिब् धोलेन् म्हि ए च्ह सिलन् त्हुम्मुँ । दिलेया धिक्कार मुँ ड शत्तुरमैँ ए योर पिंवाबै म्हि चइ थेबै दुःख योँम्मुँ ।”

23 चु ताँ थेसि चेलांमैँइ “डचोए न्होरि छाबै के लब खाब मुँगे?” बिसि खं-खेंमैँन् डचोएबर होँइ ।

2222 222 2222 22222

24 च लिउँइ “डचोए न्होर ताँन् भन्दा थेब खाब तब् इहें?” बिसि चेलांमैँए न्होरि हानथाप तबर होँइ ।☆

25 छतब् म्रोसि येशूजी चमैँने बिइ, “चु ह्युलबैँ मुँमैँइ जनताए फिर हुकुम लम् । छले हुकुम लब्मैँइ खेंमैँलाइ छ्याँबै के लबै म्हि बिद् बिसि बिबर ल्हैदिम् ।

26 दिलेया क्हेमैँ न्होरि छ तल् आत । क्हेमैँ न्होरि ताँन् भन्दा थेबै म्हि ताँन् भन्दा च्योने तल् त्हुम् । धै चिबै के लबै म्हिइ अरूमैँए सेवा लल् त्हुम् ।☆☆

27 चब् चबर टिबै म्हि नेरो चब् पामिंबै म्हि न्होरि खाब थेब् जा? चब् चबर टिबै म्हि थेब् आडिं वा? दिलेया क्हेमैँ न्होरि डम् सेवा लबै म्हि धोँ तइमुँ ।☆

28 “छतसि क्हेमैँ डए दुःखर ल्होल् खाँब्मैँ तद् ।

29 डए आबाजी डलाइ ग्याल्स म्नि पिंइ । डज्यै या क्हेमैँलाइ पिंमुँ ।

30 झाइले क्हेमैँ या डए ग्याल्सर डने बालु चल योँम्मुँ, थुँल् योँम्मुँ । धै राजगद्विर क्हुँसि इस्त्राएलबैँ च्युसे डिहं कुलए निसाफ लब्मुँ ।”☆

☆ 22:24 22:24 2222 22:१; मर्क ९:३४; लूक ९:४६ ☆ 22:26 22:26 2222 22:११; मर्क ९:३५ ☆ 22:26 22:25-26 2222 22:२५-२७; मर्क १०:४२-४४ ☆ 22:27 22:27 22 22:१२-१५ ☆ 22:30 22:30 2222 22:२८

□□□□□□□□ “□□ □□ □□□” □□□□ □□□□ □□□□□□□□
 □□□□□□□□ □□□□
 (□□□□□□ □□:□□-□□; □□□□□□□□ □□:□□-□□; □□□□□□□□
 □□:□□-□□)

31 “ओ सिमोन, सिमोन, थेद! म्हिमैइ नौलिर गहुँ टाब् धोले दुष्टइ किह टाल् योरिगे बिसि यो छ्युँ लइमुँ ।

32 दिलेया किहए बिश्वास आम्हरिगे बिसि डइ किहए ल्हागिर प्राथना लइ । छ्तसि किह धवै ड डाँइन एखब्मुँ, किहए सैं ड डाँइ एबै लिउँइ ह्णोसए आघें अलिमैए सैं भोब् लमिन् ।”

33 छ्बिमा सिमोन पत्रुसइ खीने बिइ, “ओ प्रभु, ड किहने बालुन् झेलर टिल् त्हुलेया, सिल् त्हुलेया तयार मुँ ।”

34 येशूजी पत्रुसने बिइ, “पत्रुस, ड किहने बिमुँ, किहइ सोखे समा ड डो आसे आबिन् समा तियाँ नग भाले ओररिब् ओरे ।”

□□□□□□ □□□□ □□□□ □□□□

35 येशूजी चमैने बिइ, “डइ क्हेमैँ मुइ, झोला, जुत्ता तोइ आबोल्ले कुलमा क्हेमैँलाइ तोइ सैलेया खाँचो तल् वा?”*

चमैँइ “अहूँ, तोइ सैलेया खाँचो आत,” बिइ ।

36 येशूजी बिइ, “दिलेया तारेपिरु ‘मुइ मुँब्मैँइ मुइ किन्, झोला मुँब्मैँइ झोला नोद्’, झाइले ‘सेलाँ आरेब्मैँइ ह्णोसए बखु चुँसि सेलाँ किरिगे ।” ‡

37 ड क्हेमैँने बिमुँ, ‘खी अपराधिमैँ धोबन् तइ’ बिसि फ्हिबै ताँ डाए छ्हर पूरा तलन् त्हुम् । क्ह्णोसैंन डाए बारेर फ्हिबै ताँ पूरा तसिन् मुँ ।”*

38 दिलेया सेलाँए बारैबै ताँ तिफुँइ आक्होसि चेलामैँइ बिइ, “ओ प्रभु, इह्योत्ति! चुर सेलाँ डिहं मुँ ।”

छ्बिमा येशूजी “तइ! मुँरिगे,” बिइ ।

* 22:35 22:35 □□□□ □□:१-१०; मर्क ६:८-९; लूक ९:३; १०:४ ‡ 22:36 □□:३६ □□□□, दु:ख तवै त्हे खब्मुँ । चु ताँ सैर मैरिल् त्हुम् । * 22:37 22:37 □□□ □□:१२

१११११ ११११ ११११११ ११११११११
 (११११११ ११:११-११; १११११११ ११:११-११)

39 च कल्ह्यो उँइले त्हांसि सोदा ह्याब् धोले येशू जैतून को उँइ ह्याइ । चे लामै या खीए लिलिन् ह्याइ ।

40 च कल्ह्योर फेखसि येशूजी चे लामैने बिइ, “क्हेमै डोर आफेरिगे बिसि प्राथना लरिद् ।”

41 च लि उँइ येशू दे क्याइ दने ह्यासि च्हि तुँसि छले प्राथना लइ ।

42 “ओ आबा, क्हिए इच्छा मुँस्याँ ड डँइले चु दुःख स्योमिन् । दिलेया डए इच्छा आडिं, क्हिए इच्छा पूरा तरिगे ।”

43 च लि उँइ स्वर्ग उँइले स्वर्गदूत त्रि येशू डार युसि खीलाइ सैदिल् खाँबै भों पिंइ ।

44 च त्हेर येशूए सैर बेल्ले दुःख मुँल । छतमा यो छयुँ लदै खीजी प्राथना लरिमा खीए छैब् थे-थेब कोए थब्लो धों तब सर तेरिल ।

45 छले प्राथना लसि येशू ह्नांसए चे लामै डार एखमा चमै शोकइ लमा नारसि रो रिब स्याइ ।

46 येशूजी चमैने बिइ, “क्हेमै तले रो रिब? रेद, पापर आचोरिगे बिसि प्राथना लद् ।”

११११ ११११११११
 (१११११११ ११:११-११; १११११११ ११:११-११; ११११११११ ११:१-११)

47 येशूजी छ बि रिमा म्हिए हुल चर फेखइ । च्युसे डिहं चे लामै न्होंबै यहूदा च म्हिमैए ओसों ओसों खसि येशूलाइ म्वें लबर खीए डार खइ ।

48 येशूजी चने बिइ, “ओ यहूदा, ‘क्हिइ’ म्हिए च्हलाइ म्वें लब् धों लसि खीए फिर धोका पिंदा इहाँइ मुँ वा?” §

49 येशूने मुँबै चेलांमैँड तबि छेबै ताँमैँ क्होसि “ओ प्रभु, डिडि चमैँलाइ सेलाँइ प्रिंवाले वा?” बिसि डचोएइ ।

50 झाइले चेलांमैँ न्होँबैँ घ्रिइ सेलाँ (तरबार) टहुइसि खो पिंबै खेगि ऋथेए के लबै म्हि घ्रिए क्योलो उँडैँबै न्ह च्वाट्टन् थोवाइ ।

51 दिलेया येशूजी “तैँ मुँरिगे! छ् आलद्!” बिसि खीजी च के लबै म्हिए न्ह छुइसि सल् लमिँड ।

52 खो पिंबै खेगि चिब्मैँ, मन्दिरबैँ थेबैँ फौजमैँ नेरो यहूदीमैँए चिबनाँब्मैँ येशूलाइ क्हाबर खल । छले खब् म्रोसि येशूजी चमैँने बिइ, “ड ह्यो वा? छले क्हेमैँ सेलाँ नेरो फ्हेरे छेसि ड क्हाबर खब?”

53 ड त्हिँड ह्त्रोसे क्हेमैँने बालुन् मन्दिरर मुँमा क्हेमैँड ड आक्हा । दिलेया तारे क्हेमैँए त्हे तइमुँ । छतसि क्हेमैँ तो के लबर खल, च के लद, तलेबिस्याँ मिछ्छु खैबबैँ शक्तिए* के लबै त्हे चुन् ग ।”☆

54 च त्हेर्न म्हिमैँड येशू क्हासि खो पिंबै खेगि ऋथेए धिंर बोइ, पत्रुस बिस्याँ दे हेंगो उँडैँलेन् खीए लिलि लिलि ह्याइ ।

ॐॐॐॐॐॐ “ॐॐॐॐ ॐॐ ॐॐॐ” ॐॐॐ
 (ॐॐॐॐॐ ॐॐ:ॐॐ-ॐॐ,ॐॐ-ॐॐ; ॐॐॐॐॐॐ ॐॐ:ॐॐ-ॐॐ,ॐॐ-ॐॐ; ॐॐॐॐॐॐॐ ॐॐ:ॐॐ-ॐॐ,ॐॐ-ॐॐ)

55 खो पिंबै खेगि ऋथेए धिबैँ ह्युर म्हिमैँ मि त्हेरिल । छतसि पत्रुसैँ या चमैँने बालुन् क्हुँड ।

56 केब्स्यो घ्रिइ पत्रुस मि त्हेरिब म्रोसि च डाँड इह्योसि “चु म्हि या येशूने बालुन् मुँल,” बिइ ।

57 दिलेया पत्रुसइ च च्हमिरिने “ओ नानि, डइ खी डो आसे,” बिइ ।

* 22:53 ॐॐ:५३ ॐॐॐ ॐॐॐॐॐॐ ॐॐॐॐॐ ॐॐॐ, दुष्ट बिबै माँमैँए मुँए शक्ति । ☆ 22:53 22:53 ॐॐ ॐॐ:४७; २१:३७

58 तिस्यांदे लिउँई अकों म्हि घिइ चलाइ मोसि बिइ, “क्हि या चमैं न्होबै आडिं वा?”

दिलेया पत्रुसइ चने या “अहँ, ड चए थु आडिं,” बिइ।

59 घण्टा घिदे लिउँई अकों म्हि घिइ बिइ, “चु म्हि या येशूनेन् बालु मुँल। तलेबिस्याँ चु या गालीलथेन् मुँन।”

60 दिलेया पत्रुसइ बिइ, “अबुइ, तो ताँ लल? क्हिइ बिबै ताँ डइ तोइ आक्हो!” पत्रुसइ छ् बिरिबै तोंन नग भाले ओरइ।

61 छ्त्तमा प्रभु येशूजी लिंग्याँ तोसि पत्रुसलाइ इह्योमा “क्हिइ सोंखे समा डलाइ डो आसे आबिन् समा नग भाले ओररिब् आरे,” बिसि येशूजी बिबै ताँ पत्रुसइ मैँइ।

62 झाइले पत्रुस बैरु त्होंह्यासि बेल्ले क्रोइ।

[\[22:22-22\]](#) [\[22:22\]](#)
([\[22:22-22\]](#) [\[22:22-22\]](#); [\[22:22-22\]](#) [\[22:22-22\]](#); [\[22:22-22\]](#)
[\[22:22-22\]](#))

63 येशू रूँबै म्हिमैँइ खीए बिल्लि लसि धोंइ।

64 चमैँइ खीए मि हुवासि प्रिदै “लु अगमबाणि बिद्, बित्ति क्हिह्लाइ प्रिब खाब् जा? बिसि डचोएइ।”

65 चमैँइ खीए बिरोधर अरू त्हें आबु वाबै ताँमैँ या बिइ।

[\[22:22\]](#) [\[22:22\]](#) [\[22:22\]](#) [\[22:22-22\]](#) [\[22:22-22\]](#) [\[22:22\]](#)
([\[22:22-22\]](#) [\[22:22-22\]](#); [\[22:22-22\]](#) [\[22:22-22\]](#); [\[22:22-22\]](#)
[\[22:22-22\]](#), [\[22:22\]](#))

66 नाँ न्होबै तोदोंन् यहूदी ह्युलबैँ चिब्मैँ, खो पिबै खेगि चिब्मैँ नेरो शास्त्रिमैँ ताँन् खागु तसि येशूलाइ थेबै म्हि च्होंए उँईर बोमा चमैँइ बिइ,

67 “क्हि परमेश्वरजी कुल्मिंबैँ मुँ खीष्ट ग बिस्याँ डिने बिद्।”

येशूजी चमैँने बिइ, “डइ बिनाबिलेया क्हेमैँइ आक्वें।

68 डइ तो डचोएलैँ या क्हेमैँइ ज्वाफ आपिं।

69 दिलेया तारे म्हिए च्ह परमेश्वरए थेबै भों नेरो शक्ति मुँबै क्योलोउँई टिब्मुँ।”

70 चमै ताँनइ बिइ, “छ् बिस्याँ किह परमेश्वरए च्हन् वा?”

येशूजी बिइ, “ड चन् ग बिसि क्हेमैँइन बिइमुँ।”

71 येशूए ताँ थेसि चमैँइ खें-खेंमैँन् बिइ, “डचोइ चए सुँउँईलेन् थेइ, छ्त्तसि डचोलाइ अरू ग्वाइ तले चैदिइ?”

23

१११११ १११११ ११११११ ११११११११ ११११११ ११११११
(११११११ ११:१-१,११-११; १११११११ ११:१-१; ११११११११
११:११-११)

1 च लिउँई थेबै च्हां धिंर मुँबै म्हिमैँइ येशूलाइ क्रथे पिलातस डार बोसि

2 “चुइ ‘रोमी मुँलाइ बालि फोल् आत्हु,’ बिम्, धबै ‘ड स्त्रीष्ट मुँ ग,’ बिसि चुइ डचोए म्हिमैँ भाँडिवाइ,” बिसि चमैँइ येशूए फिर छ्चाब् ल्हैदिबर होइ।

3 चमैँए ताँ थेसि पिलातसइ येशूने “किह यहूदीमैँए मुँ वा?” बिसि डचोएइ।

येशूजी चने बिइ, “किहइन छ् बिरिइमुँ।”

4 “डइ चु म्हिने तोइ दोष आयों बिसि खो पिंबै खेगि चिब्मैँ नेरो चर मुँबै हुलने पिलातसइ,” बिइ।

5 दिलेया चमैँइ बेल्ते सारले ओरदै बिइ, “चुजी ताँन् यहूदीया नेरो गालील ह्युलउँईले किसि तोगो चु यरूशलेम सहर समन् खीए ताँ लोमिसि भाँडिरिइमुँ।”

११११११ ११११११११ ११११११ १११११ ११११

6 छ् बिब् थेसि पिलातसइ “चु म्हि गालीलथें वा? बिसि डचोएइ।”

7 छले डचोएमा येशू हेरोद मुँए ह्युलबै म्हि मुँन बिब् सेसि चइ येशूलाइ हेरोद डार कुलइ, तलेबिस्याँ च त्हेर हेरोद मुँ यरूशलेम सहरन मुँल ।

8 येशूलाइ म्रोल् योमा हेरोद बेल्ले सैं तोइ । तलेबिस्याँ येशूजी लबै थेबै केमैं नेरो छ्याँबै ताँमैं बारेर हेरोदइ ओसोन् थेल । छतसि ओसों ओनोन् हेरोदए सैर येशू म्रोल् योस्याँ तमल इहारिल । धै येशूजी लबै औदिवै चिनु इह्योबै सैं मुँल ।

9 हेरोद मुँइ येशूने ल्हे ताँमैं डचोएइ । दिलेया येशूजी तोइ ज्वाफ आपिं ।

10 चर रारिबै खो पिंबै खेगि चिबमैं नेरो शास्त्रिमैं बिस्याँ येशूए बिरोधर सार-सारले ओरदै खीए फिर छ्याब् ल्हेदिबर होइ ।

11 च लिउँइ हेरोद नेरो चए सिपाइमैइ येशूए आब्रु वासि बेल्ले बिल्लि लइ । च लिउँइ मुँइ खिब् धों तबै क्वें येशूलाइ खिमिसि पिलातस डार एमिंइ ।

12 च त्हिंइसेरो हेरोद नेरो पिलातस क्हिइ । चु भन्दा ओसों चमैं इहं आक्हिमल ।

२२२२२२२ २२२२ २२२२ २२२२
(२२२२२ २२:२२-२२; २२२२२२ २२:२-२२; २२२२२२२
२२:२२—२२:२२)

13 च लिउँइ पिलातसइ खो पिंबै खेगि चिबमैं नेरो इस्राएल ह्युलबै चिबनाँबमैं खागु लसि

14 बिइ, “चु म्हिजी म्हिमैं भाँडिवाइ बिसि क्हेमैइ चुलाइ ड डार पखइ । तोगो क्हेमैए उँईर्न डचुँलु च्युलु लमा क्हेमैइ चुए फिर ल्हेदिवै छ्याब् डइ तोइ आयों ।

15 हेरोद मुँज्यै या चुए फिर तोइ छ्याब् आयोंसि चु डचो डारन एमिंइ । चुइ सिबै सजैं योंबै के तोइ आलइमुँ ।

16 छतसि डइ चु कोराइ प्रुसि पिमिंम् ।”

17 चमैए छ्यार सालै ह्योसे दुःखने फ़ेबै चाडर पिलातसइ झेलउँडैले म्हि घि पिल् त्हुमल ।

18 दिलेया म्हिए हुलइ थेबै कैले “चु आडिं! डिए ल्हागिर बारब्बा पिमिन् बिसि ओरइ ।”

19 च बारब्बा सहरर आछ्यौबै के लसि म्हि सैबै केसर झेलर च्युथेल् ।

20 हुलइ छ् बिलेया पिलातसइ येशूलाइ पिदा इहाँसि “चुलाइ पिवाले बिसि” धबै चमैने ताँ लइ ।

21 दिलेया “चलाइ कूसर च्योवाद्! कूसर च्योवाद्!” बिदै चमै ओरइ ।

22 दिलेया पिलातसइ सोखेबै लारै या बिइ, “तले? चु म्हिजी आछ्यौबै के तो लइमुँ? चुलाइ सैवाबै सजै पिंबे कारण इइ तोइ आयोँइमुँ। छ्तसि चु कोर्राइ मत्त्रे प्रुसि पिमिन्।”

23 दिलेया चमै झन् बेल्ले थेबै कैले “चलाइ कूसर च्योवालन् त्हुम् बिदै ओरइ।” लिउँडै पिलातसइ चर मुँबै म्हिमैइ बिब् धोन् लल् त्हुइ ।

24 छ्तसि पिलातसइ चमैइ बिब् धोले येशूलाइ कूसर च्योवासि सैवाबै सजै पिंइ ।

25 छ्ले चमैइ बिब् धोलेन् म्हि सैसि झेलर च्युथेबै बारब्बा पिमिंइ । धै चमैइ बिब् धोलेन् पिलातसइ येशूलाइ चमैए योर्न पिंवाइ ।

ॐॐॐॐ ॐॐॐॐॐॐ ॐॐॐॐॐॐॐॐ
(ॐॐॐॐॐॐ ॐॐ:ॐॐ-ॐॐ; ॐॐॐॐॐॐॐ ॐॐ:ॐॐ-ॐॐ; ॐॐॐॐॐॐॐॐ
ॐॐ:ॐॐ-ॐॐ)

26 छ्ले रोमी सिपाइमैइ येशू कूसर च्योवाबर बोरिमा सिमोन बिबै कुरेनीथे नाँसउँडैले सहरउँडै युरिमा चमैइ चलाइ क्हासि येशूए कूस नोसि खीए लिलि लिलि प्रबर ल्हाइदिइ ।

27 म्हिए हुल येशूए लिलि प्ररिल। चमै न्होरि च्हमिरिमै या मुँल। चमै सै आतोंसि क्रोरिल।

28 येशूजी लिंग्याँ तोसि चमैने बिइ, “ओ यरूशलेम सहरबै च्हमिमै, कहेमै डए ल्हागिर आक्रोद, कहेमै ह्रोंस् नेरो ह्रोंसए च्ह-चमिए ल्हागिर क्रोद।

29 तारे लिउँडँ बेल्ले दुःख तबै त्हे खम्। च त्हेर ‘फ्हासे आतबै थरिमै नेरो इहे तिल् आत्हुबै च्हमिरिमै इहो सब्मै ग बिसि म्हिमैइ,’ बिम्बुँ।

30 च त्हेर म्हिमैइ ‘कोमैने डिए फिर उँयान् बिम्बुँ, धै नुबै डिस्कामैने डि हुवासि म्यारवाद’* बिबर होंबुँ।

31 तलेबिस्याँ चमैइ सिधुँ पिंडक्यो ब्योब छ्छ्याँब मुँबर्न छ्छ लम् बिस्याँ कारयामा खै ललै?”*

32 सिपाइमैइ आछ्छ्याँबै के लबै म्हि डिहं या येशूने बालुन् सैबर बोल।

33 चमै क्र खोप्लें बिबै क्ल्ह्योर फेनेसि चमैइ येशूलाइ क्रूसर च्योवाइ। धै च आछ्छ्याँबै के लबै म्हि डिहं या घ्रि खीए क्योलोउँडँ, घ्रि खीए त्हेब्रेउँडँ क्रूसर च्योवाइ।

34 च्हामा येशूजी बिइ, “ओ आबा, चुमै क्षमा लमिन्, तलेबिस्याँ चुमैइ तो लरिइमुँ बिब था आसे।” दिलेया सिपाइमैइ येशूए क्वें चिट्टा झोंसि खेमैए न्होरि चुइ।*

35 *म्हमै रासि इह्योरिल। यहूदी चिबनाँबमैइ येशूए बिल्लि लसि बिइ, “चुइ अरूमै जोगेमिंड। चु परमेश्वरजी कुल्मिंबै मुँ स्त्रीष्ट ग बिस्याँ चुइ ह्रोंसलाज्यै या जोगेरिगे।”

36 सिपाइमै या खसि आलिंबै फ्हा क्युँ पिंदै येशूए बिल्लि लइ।*

37 “क्हि यहूदीमैए मुँ ग बिस्याँ ह्रोंसलाज्यै जोगेद्।”

☆ 23:30 23:30 0000 00:८; दर्शन ६:१६ * 23:31 00:३१ 0000, दोष आरेबै म्हिए फिर च्हाँ धेबै दुःख पिंड बिस्याँ दोष मुँबमै इन् खै तलै? ☆ 23:34 23:34 00 00:१८

☆ 23:35 23:35 00 00:७ ☆ 23:36 23:36 00 00:२१

38 “चु यहूदीमैए मुँ ग” बिसि छ्याब् ल्हैदिवै ताँ प्हरिसि खीए क्होवाइ कूसर टाँउँदिथेंल ।

39 च कूसर च्योवाबै आछ्याँबै के लबै म्हि घ्रिइ येशूए बिल्लि लदै बिइ, “क्हि परमेश्वजी कुल्मिंबै मुँ ख्रीष्ट आडिं वा? डिंबन् ग बिस्याँ क्हिलाज्यै जोगेदु, डिंलाज्यै या जोगेमिन् ।”

40 दिलेया अको आछ्याँबे के लबै म्हिइ चलाइ हौदिसि बिइ, “क्हि परमेश्वर म्रोसि आडिंहं वा? खीजी योब् धों तबै सजैँ क्हिज्यैया योरिइमुँ ।

41 दिलेया डचो डिंहंम् आछ्याँबै के लसि योल् त्हुबै सजैँ योरिइमुँ, दिलेया चु म्हिजीम् आछ्याँबै के तोइ आलइमुँ ।”

42 छबिसि चइ येशूने बिइ, “ओ येशू, क्हि मुँ तसि युमा डलाज्यै मैमिन् ओ ।”

43 येशूजी चने बिइ, “क्होसेंन ड क्हिने बिमुँ, क्हि तिंयान् डने स्वर्गर तब्मुँ ।”

ⓂⓂⓂⓂⓂⓂ ⓂⓂ ⓂⓂⓂ
 (ⓂⓂⓂⓂⓂⓂ ⓂⓂ:ⓂⓂ-ⓂⓂ; ⓂⓂⓂⓂⓂⓂ ⓂⓂ:ⓂⓂ-ⓂⓂ; ⓂⓂⓂⓂⓂⓂⓂ
 ⓂⓂ:ⓂⓂ-ⓂⓂ)

44 त्हिंयाँ आधा तमा ह्युल तिगोंन् घण्टा सोदे समा मिच्छु खैयाइ ।

45 त्हिंयाँ या चारब म्हयाइ । च त्हेर्न यरूशलेम सहरबै मन्दिरर च्योथेंबै पर्दा क्वें या डिंहबाँ फैले म्हाँजोर्न ट्होयाइ ।*

46 झाइले येशूजी थेबै कैले बिइ, “ओ आबा, डए प्न्ह डइ क्हिए योर्न थेंमुँ ।” च्हाँ बिसि येशूजी खीए सो पिवाइ ।*

47 छतब् म्रोसि “क्होसेंन चु म्हि धर्मि मुँन!” बिदै रोमी कप्तानइ परमेश्वरए मिं क्वेइ ।

24

२२२२२२ २२२२२ २२२२२ २२२२ २२२२२२२ २२ २२
 (२२२२२२२ २२:२-२२; २२२२२२२२ २२:२-२; २२२२२२२२२ २२:२-२२)
 २२)

- 1 झाइले आइतबार न्हाँक्कन च्हमिरिमैं खेमैंइ बनेबै लिंबै थाँ खबै छ्युगु बसि येशू थेंबै उर ह्याइ ।
- 2 चर फेनेमा उए सुँर हुथेंबै युँमा स्योथेंब चमैंइ म्रोंइ ।
- 3 चमैं उ न्होर होंमा प्रभु येशूए सिनुआम्रों ।
- 4 छतमा चमैं अलमल्ल तरिल । च त्हेर्न फोसे ब्योबै चारबै क्वें खिबै मुँयुमैं डिहं खेमैंए रेर रारिब चमैंइ म्रोंइ ।
- 5 छाब् म्रोंसि चमैं डिहंसि पत्खु तयाइ । दिलेया च मुँयुमैंइ चमैंने बिइ, “क्हेमैंइ सोगो म्हिलाइ छगोर तले म्हेल?”
- 6 येशू चुर आरे, खी सोगो तसि रेह्याल् खाँइ । गालीलर मुँमा खीजी क्हेमैंने तो बिल च ताँ मैन्दि ।
- 7 ‘परमेश्वरजी कुल्मिंबै म्हिण् च्ह पापि म्हिमैंए योर फेब्मुँ, कूसर च्योवाब्मुँ । दिलेया सोरोर सोगो तसि रेल् त्हुम्,’ बिब आडिं वा?”*
- 8 चमैंए ताँ थेसि च्हमिरिमैंइ येशूजी बिबै ताँ चिइ ।
- 9 च च्हमिरिमैं छगोँउँइले एह्यासि चु ताँ च्युसे घि चेलामैं नेरो अरू चेलामैंने या बिमिंइ ।
- 10 च च्हमिरिमैं मगदलाथेंस्यो मरियम, योअन्ना नेरो याकूबए आमा मरियम बिब मुँल । चमैंने मुँबै अरू च्हमिरिमैंज्यै या चु ताँ कुल्मिंबै चेला चिब्मैंने बिइ ।
- 11 दिलेया चेलामैंइ “चु स्योलिबै ताँ ग” इहाँसि च च्हमिरिमैंइ बिबै ताँ आक्वें ।

* 24:7 24:6-7 00000 00:२१; १७:२२-२३; २०:१८-१९; मर्क ८:३१; ९:३१; १०:३३-३४; लूक ९:२२; १८:३१-३३

12 दिलेया पत्रुस रेसि छगोर न्हेह्याइ, धै क्वारले न्होर इह्योमा दिह क्वे मत्त्रे म्रोंइ। छाब् म्रोंमा च प्लेटोयासि धिर एह्याइ।

????? ?????????? ??????? ?????????? ??????????
(????????? ???:??-??)

13 च त्हिंइर्न चेलामें डिहं इम्माउस बिबै नाँसउँइ ह्यारिल। च नाँस यरूशलेमउँइले च्युसे घि किलोमेटर हेंगो मुँल।

14 छले ह्यारिमा भखर तरिबै ताँए बारेर चमें ताँ लरिल।

15 चमें ताँ लदै ह्यारिमा येशू खसि चमेंने बालु प्रबर होंइ।

16 चमेंइ येशू म्रोंलेया डो सेल् आखॉल।

17 “क्हेमें प्रदै तो ताँए बारेर छलफल लरिल?” बिसि येशूजी चमेंने डचोएमा चमें प्ररिबै तोंन सैं आतोंब् धोंले रायइ।

18 चमें न्होरि क्लेओपास बिबै म्हिइ येशूने बिइ, “यरूशलेम स्युरै खसेया तियाँ फ्हँनाँ चर तो तरिइमुँ बिब किहइ आसे वा?”

19 “तो ताँ जा?” बिसि येशूजी चमेंने डचोएमा

चमेंइ बिइ, “नासरतथें येशूए बारेबैं ताँ खी अगमबक्ता मुँल, खीजी परमेश्वर नेरो म्हिमेंए उँइरि शक्ति मुँबै के लसि छयाँबै ताँमें लोमिमल।

20 दिलेया डचोए खेगि चिबमें नेरो चिबनाँबमेंइ सैबै सजें पिरिगे बिसि रोमी मुँए योर पिंवाइ। धै चमेंइ येशूलाइ कूसर च्योसि सैवाइ।

21 ‘डचोए इस्राएलीमेंलाइ जोगेमिंबै म्हि येशून्ग,’ बिसि डिइ आशा लल। दिलेया येशू सिसि तियाँ सोरो तल् खाँइ।

22 दिलेया डिए टोलिबैं को-कोइ च्हमिरिमेंइ बिबै ताँ थेसि डि प्लेटोयाइमुँ। चमें तियाँ न्हॉक्कर्न छगोर ह्यामा

23 येशूए सिनु आम्रोंना। चमें डारँ स्वर्गदूत युसि येशू सोगोंन् मुँ बिइ रो। चमें खसि डिने बिइ।

24 चमैए ताँ थेसि डिए को-कोइ थुमै छगोर इह्योबर ह्यामा च्मिरिमैइ खै बिल छाबन् म्रोइ । दिलेया येशू बिस्याँ आम्रो ।”

25 च लिउँइ येशूजी चमैने बिइ, “ओ, ताँ आकहोबै आम्हादुमै! कहेमैए सैं खैले छले आकहोब तयाल? अगमबक्तामैइ बिबै ताँमै तिफुँइ आक्वें वा!

26 परमेश्वरजी कुल्मिंबै जोगेमिंबै मुँ खीष्टजी छाबै दुःख योल् त्हुम् । झाइले ह्योसए मान योंबै कल्ह्योर ह्याल् आत्हु वा?”

27 च लिउँइ मोशा नेरो अगमबक्तामैइ खीए बारेर फ्हियेबै ताँमैए अर्थ खीजी चमैलाइ क्होमिंड ।

28 चमै इम्माउस नाँसए चेंदो फेखमा येशू अझै क्याइन ह्याल् म्हैब् धों लइ ।

29 छतसि “म्हुँइस तबर होंइ । तिंयाँ डिने बालुन् टिमिन्!” बिसि चमैइ खीने कर ल्हैदिइ । छबिमा येशू चमैने बालुन् टिबर धिं न्होर होंइ ।

30 चमैने बालु चब् चबर कहुँमा खीजी कहेँ किसि परमेश्वरलाइ धन्यवाद पिंड, धै कहेँ लुँसि चमैलाइ पिंड ।

31 छलमा बल्ल चमैए मि थोंसि “खीन् मुँन!” बिब् सेइ । दिलेया येशू चमैउँइले म्हायाइ ।

32 छतमा चमैइ खेमैए न्होर बिइ, “खीजी डचोने घ्याँर ताँमै लसि परमेश्वरए छवेबै ताँए अर्थ क्होमिंमा डचोए सैं बेल्ले तोंसि छिं इहाँल, आडिं वा?”

33 च त्हेर्न चमै रेसि यरूशलेमउँइ एह्याइ । धै च्युसे त्रि कुल्मिंबै चेला चिबिँ नेरो चमैने मुँबै अरू म्हिमैने त्होइ ।

34 झाइले “प्रभु येशू क्होसैंन सोगों तसि रेखना! धै सिमोन डाँर म्रोखन!” बिसि चमैने बिइ ।

35 झाइले च चेलामैइ घ्याँर तबै ताँ नेरो येशूजी कहेँ लुँसि पिंमा खीलाइ डो सेबै ताँ अरू चेलामैने बिमिंड ।

२२२२ २२२२२२२२२२ २२२२२२
 (२२२२२ २२:२२-२२; २२२२२२ २२:२२-२२; २२२२२२२२
 २२:२२-२२; २२२२ २२२२२२२२२ २२२२२२ २:२-२)

36 चमैँइ चु तामैँ लरिमा येशू चमैँए म्हाँजोर राखसि “कहेमैँने शान्ति तरिगे,” बिइ।

37 छुबिमा चमैँइ “मों म्रोंइ” इहाँसि प्लह लोंसि इहंयाइ।

38 दिलेया खीजी चमैँने बिइ, “कहेमैँ तले आदिदिसि संका लल?

39 डए यो फ्ले इह्योद! ड येशून् ग, डलाइ छुइइ। तलेबिस्याँ मोंमैँलम् से आत, ह्तिबै या आत। दिलेया डलम् ह्तिबै मुँ से या मुँ बिसि कहेमैँइ म्रोंइमुँ।”

40 छु बिसि खीजी ह्त्तोंसए यो फ्ले चमैँने उँउँइ।

41 छुबै क्वेंलै आखाँबै ताँ म्रोंमा चमैँ सैं तोंसि प्लटोयाइ। छुतमा “कहेमैँने चबै सैमैँ तोइ मुँवा वा?” बिसि खीजी चमैँने डचोएइ।

42 छुबिमा चमैँइ तेबै ताँग घ्नि खीलाइ पिँइ।

43 छुले पिँमा खीजी च ताँग चमैँए उँइँन चइ।

44 झाइले खीजी चमैँने बिइ, “मोशाइ ह्तिबै ठिम, अगमबक्तामैँइ ह्तिबै तामैँ नेरो भजनसंग्रहर डए बारेर ह्तिथेंबै तामैँ पूरा तल् त्हुम् बिसि डइ ओंसोंन् कहेमैँने मुँमा बिल।”

45 छु बिसि परमेश्वरए छुवेँबै ताँ क्होरिगे बिसि खीजी चमैँए सैं प्लहमिँइ।

46 येशूजी चमैँने बिइ, “परमेश्वरजी कुल्मिँबै मुँ खीष्टजी दुःख नोल् त्हुम्, धै सिसि सोरोर धबै सोगों तसि रेल् त्हुम्, बिसि परमेश्वरए छुवेर ह्तिइमुँ।

47 ह्त्तोंसइ लबै आछुचाँबै केमैँ पिसि परमेश्वरउँइँ सैं एइस्याँ म्हिमैँइ पाप क्षमा योंम् बिबै ताँ ओंसों यरूशलेमर बिप्रबइले ताँन् हें-हेंबै म्हिमैँने बिमिँल् त्हुम्।

48 तलेबिस्याँ कहेमैँन् चु ताँए ग्वाइ पिँभैं ग।

49 परमेश्वर आबाजी बाछ्हा फैसि पिंम् बिबै बरदान डइ क्हेमैए फिर कुल्मिंब्मुँ । दिलेया परमेश्वरजी पिंबै शक्ति क्हेमैए फिर आयुन् समा क्हेमै चु सहरर्न टिरिद् ।”☆

□□□□□□□□□□ □□□□ □□□□□□□□ □□□□□
 (□□□□□□□ □□:□□-□□; □□□□ □□□□□□□□ □□□□□ □:□-
 □□)

50 छ् बिबै लिउँडै येशूजी चमै वेथानिया बिबै नाँस समा बोयाइ, धै ह्त्तोंसए यो क्वेसि चमैए फिर आशिक पिंइ ।

51 छ्ले आशिक पिंरिबै तोंर्न खी चमैउँडैले स्वर्गर बोवाइ ।☆

52 छ्वाब् म्रॉसि चमै परमेश्वरए मिं क्वेदै येशू क्ह्त्तोंसेंन परमेश्वर मुँन बिसि सैं तों-तोंइ यरूशलेमउँडै एखइ ।

53 झाइले खोंयोन् बिलै परमेश्वरए मिं क्वेदै चमै यरूशलेमबै मन्दिरर्न टिरिमल ।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514